



Ex Bibliotheca
majori Coll. Rom.
Societ. Jesu

31-6-5

38.5.2.2
31-6-5



Sanoto Petro (de) Joannes a Jesu Maria

INSTRVCTIO

MAGISTRI

NOVITIORVM,

Bibl. Secv. Per R.P. Coll. Rom.

FR. IOANNEM A IESV MARIA

Carmelitam Discalceatum Ca-
laguritanum.

Joc.

Yeph



Ex Legato

Mi. Covini.

BIBLIOTECA NAZ.
ROMA
VITTORIO EMANUELE

SVPERIORVM PERMISSV.

NEAPOLI, Ex Typographia Tar-
quinij Longi. M. DCVIII.

11 21 1911

11 21 1911

11 21 1911

11 21 1911

11 21 1911

11 21 1911

11 21 1911

11 21 1911

11 21 1911

11 21 1911

11 21 1911

11 21 1911

11 21 1911

11 21 1911

11 21 1911

11 21 1911



ALMAE CONGREGA-
tioni Sancti Eliæ Fratrum Dis-
calceatorum Ordinis Bea-
tissime Virginis Marię de
Monte Carmelo.



Fr. Ioannes à Iesu Maria . S.



P V D Sapientes re-
rum spiritualium ,
expensores , consti-
tutū est, Alma Con-
gregatio , ad pri-
mæuum penè collapsæ disciplinę
monasticę statum restituendum,
idoneos Nouitiorum Magistros

A 2 in

in primis requirendos. Reformationis quippe totius caput est, bonos pueritiæ, ac adolescentiæ instructores habere : qui rudes animos è sæculo ad claustra vocatos, velut stipites nuper è Sylua cæfos expoliant : & excisa ruditate, ad arcanam claustri fabricam, quasi ad ferculi Salomonis structuram, artificiosè coaptent. Atq; hoc sanè idem expectandum est, vbi non tam de lapsa disciplina instaurāda, quàm de faustè condita, vel reparata tuenda seriò agitur: cùm à bonis Nouitiorum educatoribus tā ruinæ reparatio, quàm constantis ædificij firmitudo dependeat. Placeat ergo votum hoc meum, quo nonnihil laboris, ad molem
hanc

hanc status Monastici stabilien-
dam, contuli. Exiguum est fa-
nè, quod offero, si cum rerū pon-
dere comparetur: at exigua mu-
nera ex voti magnitudine perpē-
sa tibi, Alma Congregatio, pro-
banda non ambigo: præsertim,
cū ex genere quoque suo spe-
ctata, ad faustè cœptam B. Vir-
ginis, ac Fundatricis tuæ Terefię
disciplinam alendam, utcūque
conferant. Cœptis ergo insiste: &
bonos satarum plantarum cultor-
es, quorum peritia, & labore fœ-
cunditas, & amœnitas tua, in Ec-
clesiæ Paradiso, foeliciter crescat,
è cœlo precare. Vale.



PRÆFATIO.



ANTE annos circiter duos Nouitiorum Instructio-
nem in lucem dedi-
mus: quæ uniuersis Religionum coetibus prodesse
posset, tametsi Religioni primùm
nostræ destinata fuisset. Neque
enim suberat idonea, piæque ratio,
quæ rem utcumque proximis salu-
tarem occulendam persuaderet.
Licet enim non qualibet cuiusvis
Religionis Instructio euulgāda sit;
cùm peculiaria quædam capita iu-
stis ex causis uni probata, alijs for-
tasse

tasse noxia sint : eæ tamen , quas
obesse non posse , perspectum est ,
perfectò celandæ , & spirituali
quodam auaritiæ genere alijs sub-
trahendæ non sunt .

2. Hac igitur ipsa ratione permoti
Magistri Instructionem , tam a-
lijs , quàm nobis ipsis , (ut spera-
mus) profuturam edere decreui-
mus , ut Monasticæ disciplinæ
propemodùm collapsæ ruinæ repa-
rentur . Causa quippe communis
est , in quam vel imbecilles animi
(quales nos esse fatemur) exiguas
vires suas communis pietatis asser-
trices conferre debeant .

3. Quanti verò sit ponderis ad rem
grandem hanc bonos Magistros
Nouitiorum suppetere , nemo adeò
cæcus est , qui non facile perspiciat .

A 4 Si

Si enim ad hostes debellandos, strenuos milites adesse necesse est; quis duces strenuos, quorum militari prudentia victoria parantur, non imprimis expetēdos affirmet? Porro in hunc modum, si ad procul arcenda, quæ imminēt, vel ad conuellenda, quæ insunt Religionum vitia, (quæ sunt hostes sæuissimi) Nouitios benè instructos ex omnium sapiētum consensione impensè optamus: quis bonum Instructorem, qui grauissimæ, ac difficillimæ culturæ partes expleat, non potissimùm optandum existimet?

4. *Ratio planè perspicua, functio planè ardua, & velut inaccessibleis scopulis obsepta est. Nos verò diuina primum ope freti, Sanctorum deinde scriptis, ac spiritualium virorum*

rorum consilijs adiuti, experientia
 demum annorum, quibus hoc san-
 ctum magisterium à Superioribus
 iniunctum gessimus confirmati,
 quàm breuissimè potuimus, omnia,
 quæ ad boni educatoris officium
 pertinere visa sunt, in quatuor hu-
 ius libri partes discreuimus, ac per-
 secuti sumus.

5 In prima scripsimus de Magistri
 virtutibus, In secunda de Magi-
 stri prudentia, In tertia de doctri-
 na Nouitijs à Magistro tradenda,
 In quarta de exercitijs, & varia
 Nouitiorum disciplina. *Que*
 certè omnia Sanctæ Romanæ Ec-
 clesie iudicio subiycimus.

F. Ferdinandus à S. Maria Præpositus Generalis Fratrum Discalceatorum Congregationis S. Eliæ Ordinis B. Mariæ Virginis de Monte Carmelo, Instructionem Magistri Novitiorum, à R. P. F. Ioanne à Iesu Maria Ordinis nostri compositam, grauiumque Doctorum iudicio commendatam, de consensu Superiorum in lucem edendi facultatem concedimus. Datum Neapoli Idibus Octobris 1607.

*F. Ferdin. à S. Maria
Præpositus Gener.*

Rutilius Gallacinus Can. dep. vid. Reg. f. 20.

Imprimatur.

P. A. Ghibertus Locumtenens.





C A P I T A

TOTIVS INSTRUCTIONIS.



PARS PRIMA,

De Magistri Virtutibus.

Cap. 1

Cap. 2

Cap. 3

Cap. 4

Cap. 5



E humilitate.

De mansuetu-
dine.

De charitate.

De zelo.

De oratione,

& studio re-

rum diuina-


rum.

Cap. 6. De lectione, & Catalogo librorum.

PARS

PARS SECVNDA,

De Magistri prudentia.

- Cap. 1.  E prudentia in comune.
- Cap. 2. De prudentia erga Nouitios omnes recenter indutos.
- Cap. 3. De prudentia erga Nouitios pueros, vel adolescentes.
- Cap. 4. De prudentia erga Nouitios maiores natu.
- Cap. 5. De prudentia erga viros graues in Religionem ingressos.
- Cap. 6. De prudentia erga Nouitios doctrina praestantes.
- Cap. 7. De prudentia in directione spirituum.
- Cap. 8. De prudentia in experiendis Nouitijs.
- Cap. 9. De prudentia erga Nouitios temptationibus vexatos.
- Cap. 10. De prudentia in officijs iniungendis.
- Cap. 11. De prudentia in recreatione Nouitiorum.

Cap.

Cap. 12. De prudentia ad perfectionem Nouitiorum promouendam .

PARS TERTIA, *De Doctrina Nouitijs tradenda.*

Cap. 1.  E cōmunibus doctrinæ capitibus.

Cap. 2. De modo doctrinæ tradendæ, siue de methodo exhortationum .

Cap. 3. De diuersis exhortationum modis.

Cap. 4. De scopo exhortationum, & via, qua Nouitij ordinariè ducendi sunt.

Cap. 5. De regulis in exhortatione obseruandis .

Cap. 6. De exigenda ratione exhortationum.

Cap. 7. De distributione exhortationum, ac tempore exhortationi præfigendo .

Cap. 8. De catalogo eorum, quæ à Magistro docenda sunt, cum subiectis annotationibus .

Cap. 9. De ijs, quæ in educatione Nouitiorum præsertim cauenda sunt.



PARS

PARS QUARTA.

De exercitijs, & varia Nouitiorum disciplina.

- Cap. 1. De electione, ac exercitio virtutis mensura.
- Cap. 2. De virtutis delectu per hebdomadas.
- Cap. 3. De Spiritualibus Nouitiorum exercitijs, & preparatione ad professionem.
- Cap. 4. De exercitijs ante sanctiora tempora fieri solitis.
- Cap. 5. De officijs ad Nouitiatum spectantibus iniungendis.
- Cap. 6. De exercitio mortificationis, ac paupertatis alende.
- Cap. 7. De exercitijs in recreationis loco, ac tempore fieri solitis.
- Cap. 8. De exercitijs ad valetudinem conferentibus.
- Cap. 9. De Instructione Nouitiorum, quoad obsequia multa quotidiana.
- Cap. 10. De visitatione cellarum.
- Cap. 11.


Cap. 11. De fidelitate Magistri erga Religionem in Nouitijs probandis, aut reprobandis.

Cap. 12. De acclamationibus virtutum, & anathematismis vitiorum,

Cap. 13. De Magistri adhortatione.

*Appendix de cura Magistri
erga professos.*

Cap. 1.  E cultu recenter professorum.

Cap. 2.  De Instructione fratrum professorum, qui foras mittuntur.

Cap. 3. De Instructione fratrum professorum, qui ad officia designantur.

Cap. 4. De spiritali professorum Instructione.

Cap. 5. De Instructione professorum, qui è Nouitiatu in alia Cœnobia migrant.



*Admonitio Magistri, quoad
exhortationes.*



EXHORTATIO ad cultum
obedientiæ.

Exhortatio ad cultum pauper-
tatis.

Exhortatio ad cultum humi-
litalis.



PARS PRIMA

De Magistri virtutibus.



Cap. 1. De humilitate :



VIBVS oporteat
clarere virtutibus
eum , qui aliorum
præceptor consti-
tuitur, Iesus Chri-
stus Sapiaientia no-
stra disertè signifi-
cavit aiens: Disci- Matt.
te à me ; quia mi- II.

tis sum , & humilis corde : ac si planius sic
effatus fuisset : Idoneus præceptor sum ,
vt à me discatis : rationemque subtextuit
dicens : Quia mitis sum , & humilis corde ;

B quasi

quasi apertius diceret: Ratio, ob quam discipuli mei esse, & in doctrina mea discenda operam ponere debetis, in promptu est; quia non Magister superbus, & impatiens, sed affabilis, & mansuetus sum, ac proinde dulcissimo vos magisterio solabor & instruam. Ad hoc igitur exemplar Nouitiorum Magister formandus est: quocirca in eius instructione, humilitas, & mansuetudo, primo loco tractandæ sunt. Humilitas velut virtutum cæterarum fundamentum hoc capite tradetur: mansuetudinem, capite secundo, trademus.

2. Quam humilitate Magister præstare debeat, vel ex hac ratione perspicitur, quòd Sapientia excellere debet: ea videlicet Sapientia, quæ latet prudentes huius sæculi filios. Omnino enim verum est, quantavis doctrina, & ingenij perspicacitate quis polleat, non posse huius magisterij partes explere, nisi diuino lumine illustretur; quod & rei tractandæ summa humanisque conatibus inaccessa difficultas, & experientia quotidiana conuincunt. Illustrabitur autem, si humilis esse studuerit, sicut scriptum est; Abscondisti hæc a Sapientibus, & prudentibus, & reuelasti ea paruulis.

Matt.
11.

3. Magister ergo sibi persuadeat, frustra se cona-

conaturum quibuscumque dotibus præditus sit, nisi humilia de se cogitauerit, serioque fenserit; & eo sui ipsius despectu, sibi diffidens, ad fontem Sapientiæ, pro idonea ad discernendum iudicium luce recurrerit. Eo quippe ipso, quod sibi satis sapere videatur, æqua Dei vindicta, errare sinetur, & ad æternum lumen confugere non assuescens, in dies singulos, magis excæcabitur. Quicquid ergo didicerit, ereberrimis humilitatis actibus, Iesu Christo subijciat; & stultum, ac ignarum se esse existimans, Sapientiam quotidianis precibus, & sacrificio postulet, ut à recto itinere aberrare minimè permittatur.

4. Suppetunt efficacissimæ rationes; & exempla ad hoc humilitatis studium amplectendum. Rationes in hunc modum indicamus.

Prima Ratio. Statuamus Magistrum Novitiorum esse planè doctissimum. Certè si doctrina præcellit, sciat necesse est, prævum esse cor hominis, & inscrutabile, soli que Deo sinus illius multiplices patere. Quomodo ergo sine infuso Dei lumine, quod est humilium privilegium, Novitiorum corda, quæ explorare necesse est, perscrutabitur? Rationis huius pondus immensum est. Homines quippe saculi

vitijs, & fraudibus assueti, ij præsertim, qui sunt maiores natu, quorum conscientia solent esse laqueis multis implicitæ, quomodo, absque peculiari Dei luce, quæ cordis oculos illustret, prudenter regentur?

- 5 Ratio secunda. Inter viros rerum diuinarum peritos constitutum est, clara ingenia, & doctrinis multis exulta, non modò, quando per incogitantiam in educatione Nouitiorum, quicquam attentarunt; verum etiam, quando ex præmeditatione, id aggressa sunt in spirituum discretionem, siue directionem grauitè errasse. Cum igitur hoc perspectum, & experientia probatum sit, manifestum efficitur, aliquid defuisse, propter quod erratum sit. At non defuit ingenij vis, non doctrina, non præmeditatio. Defuit ergo lux cœlestis, & Spiritus sancti directio, qua humilia corda reguntur; ac eo ipso patet defuisse Magistri humilitatem, quæ ope diuinæ, non suo quidem ingenio, vel doctrinâ niteretur.

- 6 Ratio tertia. Si Theologicè rem expendamus, cèrrum est, præter habitum scientiæ, & diuinam illius habitus conseruationem, sine qua in nihilum abiret, ad actualem scientiæ applicationem, Dei auxilium

ultimum requiri, sine quo quantumvis egregia scientia nullum actum produceret.

Quæ quidem Theologica ratio ubique vera est; at ubi agitur de actu supernaturali, non quocumque, sed eximio, ubi copiosius Dei lumen adesse deberet, manifestius suam vim, & veritatem ostentat. Iam, igitur hac ratione posita, quis non videat, animos sibi fidentes, & ope diuina se ad actus frequentissimos egere, non adeò humiliter sentientes, tanquam oculis captos, in subtili rerum internarum iudicio hallucinatuos? Profectò siue Magister sit doctrina excultissimus, siue mediocriter peritus, vnum superest ad errores vitandos remedium; vt scilicet, coram Diuina Maiestate se prosternat, & (quod ad regnum administrandum egit Salomon) humillimo sensu, Dei Sapientiam, & bonitatem imploret.

- 7 Non desunt ad rem confirmandam exempla permulta. Ioseph erat humillimus corde: qui, postquam Aegyptij humiliauerunt in compedibus animam eius, agente Deo, constitutus est Aegypti Princeps, & aulae Pharaonis quasi Magister, vt erudiret principes eius sicut semetipsum, & senes eius prudentiam doceret. Dauid erat similiter humillimus corde; qui accepto

A 3 quoque



quoque regno dum saltaret coram archiepiscopo
 foederis dixit; Humilis ero in oculis meis.
 Propterea regno, & magisterio rerum di-
 uinarum idoneus fuit, iam inde à princi-
 pio, quando Deus cordium cognitor
 de post foetantes accepit eum, pascere Ia-
 cob seruum suum, & Israel hereditatem
 suam. Sic non modò temporali admini-
 stratione, sed mirabili diuini cultus am-
 plicatione paut eos in innocentia cordis
 sui: Suppetunt exempla recentiora, non
 tantum Sancti Francisci, & Dominici,
 quos bonos Nouitiorum educatores humi-
 litas vsq; ad stuporem admiranda fecit;
 Sed aliorum quoque, qui hac ætate nostra
 superstites sunt, vel paulò antè defuncti:
 quæ à Magistris ignorari non decet.

- 8 His ergo rationibus, & exemplis Magi-
 ster ad humilitatis cultum animetur, &
 tria monita opportunissima, si Nouitio-
 rum cordibus potiri cupit, obseruet. Pri-
 mum, vt internos humilitatis actus fre-
 quenter exerceat, propriæ cognitionis, &
 fragilitatis memor. Secundum, vt non-
 nullos etiam externos humilitatis actus,
 inter discipulos ipsos obeat, vel ægrotan-
 tium cellas euerrens, vel matulas, &
 trullas eluens, vel obsoletas, lacerasque
 Nouitiorum vestes resarciens, vel fordi-
 dos

dos discipulorum pedes lauans, vel similia alia humilitatis officia exequens: quæ certè obsequia, si alacriter præstentur, ad animos vehementer commouendos plurimum valent. Tertium monitum est, vt à quouis alio, à senioribus præsertim, & expertis discere, & sciscitari non dedignetur. Quòd si scire cupit, quo pacto, & tria monita hæc, & alia quauis efficaciter obseruare possit, responsio in promptu est: nimirum, vt virtutem humilitatis plurimè faciat, & eius honestatem, ac suauitatem assiduè contempletur. Apparebit enim, omni decore mundi formosior, & bonum tantæ pulchritudinis æstimatorem alliciet.

- 9 Poterit autem vtì precatìone hac ad pretiosissimam virtutem hanc impetrandam: Humillime Rex cordium Iesu Christe, per viscera misericordiæ tuæ, in quibus visitasti nos oriens ex alto, obsecro te, creare digneris in me cor humile, & purum, cupidissimum secretæ eruditionis tuæ: vt in schola humilium discipulorum tuorum, fiam dono tuo sapiens, ad regendam, sine deceptione, nouellam prolem dulcissimæ genitricis tuæ.

Cap. 2. De mansuetudine.

1 **D**VO sunt, quæ ad Magistri functiones perfectè obeundas potissimum requiruntur, doctrina scilicet plusquàm humana, & exemplum. Primum obtinetur humilitate per quam, velut per quendam aqueductum Sapientia cœlestis in animam vilia de se opinantem deriuatur, vt spiritu diuino plena pascatur tyrones verbo: alterum præstat mansuetudo, quæ dum animum nullis occasionibus perturbari finit, & externam conuersationem sedatam, & moderatam producit, vtilissimum, & iucundissimum vitæ præbet exemplum. Cuius certè veritatis ratio satis per se perspicua est. Reddit enim mansuetudinis virtus hominem ab omnibus incompressis motibus, quibus proximus offenditur, alienum: vt nec iniuria laceffit, nec contumelijs affectus, nec importunis negotijs interpellatus, à sua tranquillitate dimoueat: quæ hominis planè cœlestis imago est.

2 Quàm sit autem cultura virtutis huius Nouitiorum Magistro necessaria, satis conuin-

conuincitur verbis illis proximo capite à Christo allatis, Discite à me; quia mitis sum. Christus enim, dum discipulos recter vocatos, adhuc rudes erudiret, Magistrum sanè Nouitiorum ad vñum repræsentauit: vt necesse non sit, aliud Magistrorum exemplar intueri. Sed ad tractatus perfectionem rationes aliquot idem euincentes, producere consilium est.

3. Ratio prima hac in re. Qui laboriosum magistratum gerunt, & subeuntia tædia patiuntur, rebus quoq; politicè perpenſis, siue Christiani, siue Infideles sint, enituntur simulatam saltem aliquam mansuetudinem exhibere. Non enim ad superiores honores, & lucra se ascensuros sperant, si impatienter agant, & negotiorum gestores irati deterreant. Neque opus est, veritatem hanc vniuersarum nationum consensione probatam, nimisq; notam alijs argumentis confirmare. Erit ergo è Magistri Nouitiorum, laboriosam præfecturam gerentis officio, non fictam, qualem, qui Deum non curât, sed veram, quæ imitatores Iesu Christi deceat, mansuetudinem, & corde concipere, & mitissimis actibus externis præ se ferre. Et quidem ratio hæc à genere petita est.

4. Ratio secunda, quæ ab specie gubernationis

tionis

tionis ducitur, & propinquior est. Neminem monasticæ disciplinæ peritum latere potest, functionem Magistri Nouitiorum esse operosissimam. Nullum quippe tempus siue diurnum, siue nocturnum ab accurata nouarum plantarum custodia excipiendum est: neq; vllum, in re rustica, culturæ genus reperitur, quod tam vigilem ac indefessum cultorem requirat. Ad sunt ingenia multiplicia, hæc acria, illa languida, hæc dolosa, illa simplicia, hæc tarda, illa velocia: quæ tam longè discrepantia ad vnam methodum redigere, nimis laboriosum est. Ad sunt Nouitij rudes publicè, & priuatim erudiendi: ad sunt tentati roborandi, & instruendi: ad sunt malè affecti indulgenter interdum tractandi: ad sunt mortificationis incuriosi passim admonendi: ad sunt importuni identidem tolerandi. Succedunt exercitia multiplicia, inter se ferè contigua, quibus Magister debet interesse. Occurrunt innumeræ minutiores cæremoniæ, quas debet obseruare, & ad horas penè singulas, alijs inculcare. Redeunt in orbem sacre Confessiones, & communiones frequentissimæ. Subest cura multiplex rerum temporalium, putà vestium, librorum, & aliorum similium; subest & cura valetudinis, & va-

ria

ria rerum, quas percensere non possumus, sollicitudo, quæ valida quoq; corpora facile eneruat. Quæ certè omnia si quis in vnum congerat, & alia plurima inopinata, quæ Magistro nolenti occurrunt, circumspiciat; fatebitur proculdubio Magistrum Nouitiorum virtute mansuetudinis ita præmunitum esse debere; vt ad omnem euentum paratus, etiamsi iræ vel tristitiæ passionibus intus vexetur, exteriorem saltem mansuetudinis formam nunquam deponat.

- 5 Ratio tertia, petitur à grauissimis damnis; quæ ex mansuetudinis incuria nascuntur. Si enim Magister irasci assueuerit, per occasiones multiplices, quæ sibi iustæ videantur; cum ex occasiones ad horas singulas occurrant, profectò iram in consuetudinem vertet, & conuersationis dulcedinem ad moderandos aliorum animos summoperè necessariam, in asperitatem operum, ac verborum trahet. Hinc exoritur animorum alienatio; nam qui mortificationis doctrinam nondum didicere, asperitate proculdubio terrebuntur. Hinc enascitur genus quoddam odij, quo Nouitij vexari incipiunt, ne consilia Magistri parùm mitis amplectantur. Hinc existit multiplex tentatio, quæ multos à claustro

in sæculum, vnde benè recesserant, repellit. Hinc denique pullulat sylva malorum multorum, spirituales profectum impediendum, quæ veteranis monachis notissima est.

- 6 Etenim præter rationes efficacissimas ex clarissimis exemplis Magister ediscet, se absque mansuetudine insigni non posse vtiliter præesse. Præfuit salubriter nouo Dei populo in vnum congregato Moyse: at erat vir mitissimus super omnes, qui morabantur in terra. Præfuit sanctè Dauid: at extant plura monumenta humilitatis, & omnis mansuetudinis eius. Præfuit gloriose monachorum Pater Benedictus: at ijs, qui venenum propinabant, nesciebat irasci. Præfuit cum laude cæteri disciplinæ monasticæ conditores, aut propagatores, quibus paruit contemptrix mundi iuuentus: at si quis eorum historias recolat, mitissimos animos admirabitur.

- 7 Curet ergo Magister Nouitiorum, Christi mansuetudinem toto pectore haurire, & actibus externis repræsentare. Exhibeat vultum hilarem, ac mitem, qui nouorum fratrum animos alliciat. Nullis discipulorum culpis irritatus; nullis importunitatibus victus, nulla fragilitate commotus,
nullam

nullam ruditatem fastidians, ita se gerat; ut nullus quantumvis morosus, & rudis, scrupulosus, aut fragilis eum adire, die, nocteq; vereatur. Quin etiam studeat se adeo facilem omnibus exhibere, ut Nouitij nullo negotio animaduertere possint, se Magistrum mitem; Dei munere, fuisse sortitos. Hac enim facilitatis ostensione mirifice illos capiet, & arduam Christianæ perfectionis viam, suauiore, & planiore efficiet. Hac certè arte corda lapidea, in carnea corda conuertet, & omnem seueræ disciplinæ rigorem temperabit. Quia verò, quamdiu mortales sumus, & occasionibus præsertim iustis vrgemur, iræ ex imperio rationis excitatæ locus patet, sicut scriptum est, Irascimini, & nolite peccare; oportet Magistrum irascendi modum addiscere, qui Nouitiorum culpas depellat, & animos minimè alienet. Verùm modum hunc accurata obseruatione dignum, in proximo capite de charitate, & in subsequenti de zelo trademus.

Cap. 3. De charitate.

I Diuinæ charitatis virtus actus duos, quasi gemellos fratres ex utero vno produ-

Agitur de culpa rû correctione in capite de charitate & in capite de zelo.

producit, amorem scilicet Dei, ac proximi. Hic verò non de actu illo, & velut filio primogenito, qui est Dei amor, agemus. Etsi enim Magister Nouitiorum diuini amoris debeat esse studiosissimus tractatio tamen hæc amoris potius proximorum practicam doctrinam requirit.

- 2 Primùm ergo Magister consideret, se novorum fratrum non patrem solummodo, sed matrem quoq; esse debere; quo nihil aptius cogitare poterit, ad mensuram charitatis, qua flagrare debet, explendam. Si enim paterni simul ac materni amoris officia copulet, nihil desiderabitur ad sui officij, seu magisterij metam attingendam. Etenim parentes filijs in posterum thesaurizant: matres præsentis officio amoris fouent. In hunc igitur modum spiritualibus consilijs, & exercitijs Magister quasi pater Nouitios instruat, vt thesauros nondum apparentes in cælo recondant. Eosdem verò præsentibus charitatis obsequijs, velut mater consoletur, vt animis, corporibusq; medeatur.

- 3 Det operam, vt seipsum singulis attemperet; singulorum curam affectu tenerri-
mo gerat: animæ simul & corpori, pro necessitate, prouideat: sitq; non animo solum beneuolus, sed insigni etiam verbo-
rum,

rum , & operum ostensione beneficis , quemadmodum quoad affectus , verba , & opera sigillatim tradere paramus .

- 4 Quod ad affectus attinet , vt Magister officio satisfaciatur , cor in Deum intendens , amore purissimo vnumquemque prosequatur , ita erga singulos benè affectus , vt ardentè admodum singulorum salutem , & perfectionem cupiat , eamq; à Domino , quotidianis gemitibus flagitet . Omnino verò , altaris sacrificium , pro ijs , quorum gerit curam , per dies singulos , offerre meminerit , imitatione illius , qui sacrificans dicebat : Ne fortè peccauerint filij mei .

- 5 Quòd si , propter culpas , teporem spiritus , ruditatem vel alias eius generis causas , sentiat amorem erga aliquem deferuescere ; multo conatu , & orationis instantia , eam tentationem propulsare nitatur . Conijciat oculos in Magistrum cœlestem , ac dulcissimum Redemptorem nostrum , qui Apostolos rudes , abiectos , & multis etiam passionibus obnoxios , nunquam fastidiuit . Sed amavit eos , pertulit eos , & suauissima dilectione erudiuit eos .

- 6 E contrario , si aliqua de causa , puta ob eximiam virtutem , ingenij perspicacitatem ,

tem, aut alias naturæ, seu diuinæ gratiæ dotes, sentiat se in aliquem fieri propensio- rem, quàm in alios; attentè consideret; ne amoris modum excedat. Etsi enim is affectus ferri possit, quando ob egregiam sanctitatem, vel etiam dotes alias bonas generatur, nec exui possit, quoties libet; timendum est tamen, ne degeneret, ut cum bono spiritu cœperit, spiritu non bono consummetur.

- 7 Quamdiu autem is affectus feruet (& se- cluso eo singulari affectu vniuersè quouis tempore, & loco, vbi ab alijs possit de- prehendi) cauere debet, ne singulari ver- borum, & operum ostensione, aliquem se præ alijs amare significet. Nocebit e- nim alijs vehementer, si rem hanc minùs eaturè perpenderit. Dum enim vni dunta- xat, coram alijs eiusdem boni auidis, be- neficium confertur; ægrè ferunt alijs, eo se priuari, & sibi alium quemuis anteponi. Sit ergo æquus Magister, & bonus boni communis æstimator. Hæc de affectu.

- 8 Quod ad sermonem spectat, studeat Ma- gister, siue priuatis in colloquijs, siue in communibus exhortationibus, siue etiam in culparum correptionibus, verba melle- charitatis imbueret, & sermonem spiritu lenitatis temperare. Certoq; sibi per- suadeat,

suadeat, verborum asperitatem, nedum contumeliosas increpationes, spirituali profectui viam præcludere. Aut enim, eiusmodi verba corde summisso audiuntur, aut secus. Si secus, exploratum est, cor inde magis obdurari, & correptoris odium concipere. Si patienter audiantur, timor ut plurimum, non filialis, sed servilis, ac proinde violentus generatur. Omnino autem compertum est, ad perfectam charitatem eo timore corda parum proficere.

- 9 Si autem lenis sermo sit, ita ut non præceps aliqua passio, sed Christi charitas eum proferre videatur; sensim illabitur in cor, & illud emollit. Asperiora quippe verba, quasi iacula cor elidit, ne vulnereetur; lenia verò, quasi mollia quædam fomenta libenter accipit. Quocirca Iesus Christus ipse Magistrorum exemplar, suaviissimis potius instructionibus, quam increpationibus rudes adhuc discipulos erudiebat. Cuius in schola Paulus eruditus methodum correptionum præscripsit aiēs: Si præoccupatus fuerit homo in aliquo delicto, vos qui spirituales estis, huiusmodi instruite in spiritu lenitatis. Non inquit, arguite, corripite, vel aliquid eiusmodi, sed instruite. Neq; inquit Vos instruete,

C sed,

sed, Vos, qui spirituales estis, instruite: ac si apertius dixisset, non esse virorum spiritualium hoc est, eorum, qui à Spiritu sancto aguntur, inuehi, vel commoueri aduersus delinquentes; sed potius verborum, & actuum lenitate illos non tam carpere, quam ad salutem instruere.

- 10 Iam verò, si in culparum correptione, vbi culpæ id videntur exposcere, adhuc oportet lenire sermonem; minimè dubium erit, in exhortationibus ad virtutes acquirendas, vitia extirpanda, mundum contemnendum, & similibus alijs, non esse miscenda acria verba. Ex eo inquam verborum genere, quibus nonnulli concionatores, ad christianam perfectionem nituntur cor violenter impellere. Sint ergo verba Magistri suauia, & Spiritus sancti vnctione delinita: & ijs planè verbis certò speret, se corda Nouitiorum, quasi iaculis confixurum. Sic enim Spiritu Iesu Christi agetur tanquam idoneus eius minister. Eius nempe, de quo scriptum est: Molliciter sermones eius super oleum: & ipsi sunt iacula.

- 11 Si verò culpæ (vt decet) corripiendæ sint, culpam sic à persona secernat, vt interim dum culpam reprehendit, personam diligere videatur. Quod certè assequetur, si ab-

si abstractè culpæ deformitatem repræsentet, ut personæ ipsi displiceat, & personam intercalatis verbis blandè alloquatur, tanquàm rem sanè amabilem, & à culpæ turpitudine longè diuersam. Vitet, quoad poterit, verba Magisterij auctoritatem redolentia: & velut vnus è discipulis, non quasi iam perfectionem adeptus, verùm tanquàm in agone contendens, & sequens, si quo modo comprehendat, comitem, & participem laborum se illis adiungat. Sic enim cordibus illorum dominabitur. Hæc de verbis.

12. Quod verò ad opera pertinet. Singulari amoris significatione non solum in spiritualibus, quæ potiore locum obtinent, sed etiam in corporalibus necessitatibus, discipulis adsit, siue valeant, siue ægrotent. Et nonnullas quotidianæ disciplinæ intermissiones, cum eos refectione, somno, vel alijs commoditatibus indigere deprehendit, indulgeat. Quin etiam, & tempus anteuertat, aliquasq, eiusmodi modicas, & raras intermissiones non vsq, adeò necessarias, ijs præsertim, qui sunt natu minores, & delicatiores, per obedientiam, iniungat. Vix enim dici potest, quantam vim eiusmodi patris in filios indulgentia, habeat, ad cursum perfectionis incitandum.

dum, Adolescentes quippe, quos austeritatis metus à statu monastico retardabat, quiq; externa tantummodò hæc corporis incommoda formidabant (nam luctus internas his grauiiores non didicerāt) cum animaduertunt Magistrum non ad eos laboribus vexandos, sed potius recreandos esse pronum; carnis curam in eum conijciunt, quem benignum experiuntur, & liberiùs se totos spiritualibus exercitijs tradunt. Contrà verò, si in eo genere Magistrum seuerum offendant, non modò, non celerius currunt, verùm præ anxietate, & metu seueritatis, aut sui curam non deponunt, aut certè ab incepto monasticæ vitæ statu desistunt.

- 13 Iam igitur, si corporalia adeò commendanda sunt ad nouas Dei plantas colendas, quid hic de charitatis actibus ad spiritum alendum præstandis addendum esset? Nemo magisterio isto dignus censendus est, qui cum Infirmis, Apostolico more, non infirmatur, qui, cum alij scandala patiuntur non vritur. Intueatur ergo Magister, post Iesum Christum Redemptorem nostrum, qui est primum exemplar, Pauli Apostoli animum, & actus ad officium hoc explendum opportunissimos. Suo enim officio exactè satisfaciet, si Apostolum

lum repræsentare studuerit. Exhibuit quippe se, vno præsertim charitatis officio, in Ecclesiæ nascentis filios, qualem in claustro se gerere debet Magister erga recen-ter indutos. Eo vsque enim flagrauit in filios, quos in Christo genuerat, & semel ac iterum parturire consueuerat; vt multiplici transformatione, modò in patrem, modò in matrem, modò etiam in nutrice-m mutatus, singulorum personas induēs, singulorum mala patiens, singulorum bonis exultans, omnibus omnia fieret, vt omnes faceret saluos.

- 14 Quo circa non modò ijs præscriptionibus, quæ de affectibus, verbis & operibus superiùs traditæ sunt, sed & quibuscumque alijs modis, quos ei diuinus spiritus suggererit in corda discipulorum se insinuare, & singulorum quasi nutrix fieri curet. Quicquid autem in hoc genere laboris posuerit, eò directurus est, vt corda discipulorum capiat, & eos, iuxta Apostoli documentum, quasi virgines castas vni viro, hoc est, Christo despondeat. Fieri quippe non potest, vt per iustitiæ vias eos fœliciter ducat, & Christo coniungat, nisi ab eis ametur. Necesse enim est, vt sine ambiguitate vlla Nouitij Magistro suo, omnes affectus suos prosperos, siue aduer-

fos, motus omnes, passionēs, tentationes, consolationes, desolationes, ac denique bona, & mala vniuersa, quibus quouis modo afficiuntur, posito timore, verecundia, seu quocumque alio respectu fidentissime detegant. Quomodo verò inducentur ad res has difficiles superandas, & secreta hæc aperienda ei, quem minimè diligunt? Profectò, sine amore ac fiducia inde orta victoria hæc neutiquam speranda est.

- 15- Cum ergo exploratum sit, sine victoria cordium Magistrum spiritualibus morbis Nouitiorum, non posse succurrere, neque verò sanari incipientes persanare; naue operam, vt ab eis, quos impensè amare debet, reciproce ametur. Et hanc vnam è potissimis præceptionibus, quæ ad spirituales profectum tradi solent, existimet. Excogitet modos, quibus opportunè vtatur ad discipulos erga seipsum adeò benè afficiendos, vt quantumuis passionibus, & tentationibus agitati, non quærant peregrina aliorum Religiosorum solatia: sed in vno Magistro omne remedium, ac solatium se habere confidant. Et vt nihil intentatum in hoc christianæ charitatis officio relinquat; paternis visceribus eos hortetur ad interiores omnes perturbationes sibi detegendas, disertè aiens, rem fore sibi

sibi iucundissimam, tametsi diuturnam, & grauissimam inferendæ Magistro mortis tentationem aperirent. Et ne verba leuia esse videantur, si quando aliquis grauiatamenta reuelet, illum amantissimè audiat, & singulari amoris ostensione peculiarem illius curam gerat. Sic enim breuius, quàm explicari possit, animi vehementer commoti, dulcissimæq; charitatis stimulo incitati, viam, quam per menses fortasse multos aggredi formidarunt, paucorum dierum alacritate conficient. Sic etiam ex vno Magistri experimento conuicti in superuenientibus afflictionum, & passionum motibus, ad eundem celerius, & fidentius reuertentur, eiusq; monita tenaciùs apprehendent. Vt verò discipulis omnibus fiduciam ingeneret, noxiumque illis pudorem, seu timorem adimat, primos interdum imperfectionum motus, quos patitur, illis prudenter detegat: vt ij non eum Magistrum se habere credant, qui non possit compati infirmitatibus eorum.

- 16 Hæc de charitate, tenuiter quidem, pro tantæ virtutis dignitate, & necessaria Magistri instructione notauimus. Verùm grauius admonemus, debere Magistrum è capitibus, & quasi fontibus his, pluri-

ma alia, ad quotidianos, & multiplices euentus studio multo derituare, si velit nouam Dei prolem (vt decet) excolere. Postulet à Deo Sapientiam hanc, & dabitur ei affluenter; & lapides viuos ad structuram cœlestis Ierusalem exquisitos, quos habet in manibus, vt Sapiens architectus coaptabit.

Cap. 4. De Zelo.

1 **N**Ecesse est etiam, qui boni communis, non cuiusuis sed planè maximi curam gerit, ita Dei zelo flagrare, vt verè dicere queat: Zelus domus tuæ comedit me. Zelus hic stimulus quidam, & diuini amoris effectus est, à zelo seu zelotypia corporeæ pulchritudinis alienissimus. Zelotypia, quippe consortes rei, in quam fertur, ferre non valet: Dei verò zelus vniuersas creaturas pro captu quatuorq; suo in diuinæ bonitatis, quam respicit, consortium admittit, ac pro viribus, inducit.

2 Hoc ergo zelo Magister, ardentissimæ charitatis igne succensus, astuare debet: vt videlicet non modò eos, quos regit, in Dei consortium, & monasticæ perfectionis

nis culmen nitatur perducere ; Verum & eò zeli pertingat, vt vix ferre valeat, vllum eorum, quos educat, esse christianæ illius perfectionis exortem. Ex eo quippe zelo in opus sibi creditum totus incumbet, dabitq; operam, vt. Nouitij omnes cursum perfectionis, certis legibus & ritibus percurrendum, constanti æmulatione conficiant.

3 Quia verò ex hoc ipso zelo multa Magister erga alios in culparum correptione, legumq; obseruatione effecturus est, in quibus oportet eum labe carere : omnino sibi persuadeat, potissimum eius zeli fructum, propriam esse iustitiam ; nec zelum esse sed audaciam, vel cæcitatem nimiam, dum ipse lente procedit, neque de se corrigendo serio cogitat, alios ad profectum grandi verborum exaggeratione perurgere. Se quippe ipsum eisdem adhortationibus, quibus alios instruit, proculdubio arguit, & vitæ suæ deformitatem apertius, quam si taceret, ostentat : atq; per hoc ipsum nihil dicendo proficit.

4 Sit ergo Magister irreprehensibili integritate conspicuus, institutiq; proprii fideissimus obseruator. In regulæ, constitutionum, instructionum, & cæremoniarum obseruatione sit maximè sedulus : & in
passio-

passionum ac sensuum mortificatione, studioq; virtutum esse curet eximius . Hæc nimirum omnia zeli lex à Magistro exactè requirit , vt inculpata eius vita Nouitios instruat, corripiat, hortetur, atq; perficiat. Et hæc quidem Magistri animo perenniter impressa permaneant . Quando verò discipulos moniturus vel correpturus est, prius seipsum introspeciat , si fortè bono , ad quod alios exhortari cupit , ipse careat , vel malo , à quo alios cogitat dehortari , laboret : ne cum alijs, prædicauerit , ipse reprobus fiat .

- 5 Postquam ergo Dei zelo Magister seipsum examinauerit , & composuerit , ad discipulorum profectum seriò admodum, eum zelum exercebit , siue in culparum, correptione , siue in adhortatione ad passionum subiugandas ac virtutes acquirendas , siue in assiduis monitis ad instituti , ac legum propriarum amorem , & obseruationem , quæ sunt tria capita exercendo erga Nouitios zelo opportunissima ordine obseruato tractanda .

- 6 Quod attinet ad caput primum , hoc est , ad zelum , quo culpæ redargui debent, necesse est duo expendere , radicem videlicet, ac speciem culparum . Radices sunt habitus vitiosi , consuetudines prauæ , & passionum

fiones indomitæ, in quas debet Magister falcem mittere. Quamdiu enim non refecantur, culpas germinabunt. In specie culparum, ex obiecto, & circumstantijs, & ex lege in quam peccatur, gravitatem metimur. Gravior enim, (quod ad leges spectat) culpa est, Decalogi quàm regulæ, regulæ quàm constitutionum, constitutionum, quàm cæremoniarum transgressio.

7 Erga culpas igitur vniuersas attentè Magister inspiciat radicem, & voluntatem, cum specie culparum. Radicem quidem, vt in correptionibus, & remedijs adhibendis, semper ad eam extirpandam animum intendat: & discipulos ad eam dignoscendam erudiat. Immensæ quippe utilitatis est, vt qui spiritalibus morbis, hoc est, vitijs ægrotant, se ijs pravis affectibus laborare cognoscant, crebroq; considerent: vt remedia quærant, & exerceant. Ex defectu enim doctrinæ huius in Religionibus iam laxatis, infœlices Religiosi graviter affecti, tanquàm phrenetici ad mortem vsque laborant, neque remedium exquirunt.

8 Voluntatem verò cum specie culparum, Magister ponderabit: vt nec tam acriter corripiat, quàm exigit culpæ species, si parum

parum voluntaria fuerit : nec tam suauiter , si voluntatis malitia excreuerit . Solet enim monachus vim voluntatis tantam ad ridiculas res , quas in sæculo neglexisset , conferre , quantam in diuitijs , vel honoribus mundi maximis posuisset . Cum enim appetitui nondum mortificato pinguiorem mundi pastum abstulerit , auidè ac rapidè fertur in ea bona apparentia , quæ intra claustra valet inuenire : quod oculatè notandum est .

- 9 Postquam ergo Magister culparum species , circumstantiasq; perpenderit , animo sedato , vbi tempus decretum accesserit , ad correptionem , modo statim describendo , procedet . Dictum est , animo sedato , debet enim accuratissimè cauere , ne cum se intrinsecus perturbari sentit , aliquem corripiat ; sed correptionem in tempus animi tranquilli proroget , nisi cum ex officij obligatione cogitur mox corripere . Vix enim vnquam perturbatus animus salutis proximorum profuit . Quando igitur , siue sedato animo , siue propter instantem officij obligationem , adhuc inquieto , correptio exercenda est ; ita se Magister gerat , vt (quod in cap. de charitate monuimus) culpam à persona discernat , vt pateat eum , non aduersus personam , sed aduersus

uersus culpam excandescere. Semperque, ut superius dicere cœpimus, dum corripit, non tam in culparum superficiem, quam in radices earum oculos mentis dirigit: ut scilicet noxias radices vitiorum, & passionum extirpet: nam quandiu non reuelluntur, culpas novas germinabunt.

10. Pinget in exhortationibus culparum turpitudinem tam exactè, ut eas discipuli vel pictas oderint. doceatque vel in minima culpa plus mali ac deformitatis inesse, quam in vniuersis cruciatibus inferni. Moneat culpas etiam minimas incipientibus esse perniciosas, tametsi adultis non ita nocerent. Modica enim læsio tenellam plantam arefacit, quæ non kedit adultam. Etenim si Nouitiorum animis Dei zelo culparum execrationem ingenerare studuerit; decorem domus Dei insigniter augebit, & ad cursum perfectionis illos vehementer incitabit. Hæc de primo è tribus capitibus, vbi zelus exercendus est.

11. Caput zeli secundum, latissimum Magistro campum aperit, dum cadendam vitiorum passionumq; syluam, & virtutum arduitatem superandam obijcit. Huc quippe Magistri vires in communibus exhortationibus, priuatisque colloquijs, & quouis alio communicationis genere, conferendę

ferendæ sunt : & hoc proprium zeli officium est , vt ab ijs , quos Deo conciliare cupit , auferat , quod puritati ad vnionem diuinam requisitæ obstat , & conferat (quoad per eum fieri potest) id per quod vnio illa cœlestis celebranda est . Docet ergo modum passionum mortificandi , & virtutes acquirendi , quibuscumq; medijs , modisque valuerit : vteturque ad hunc finem instructione Nouitiorum , vbi de re hac , distinctè , abundeque disseruimus . Id quippe ipsum quod Nouitij propriam instructionem legentes ediscunt , exerce-reque constituunt ad passionum virtutumque victoriam , à Magistro viuæ vocis oraculo tradendum , & amplificandum est .

- 12 Iam vero vt tertio zeli capiti satisfaciatur , vbi proprii instituti ratio imprimis habenda est , consideret Magister , se discipulos instruere ad vnâ vnius Religionis disciplinam ; quam , si perfecti Religiosi esse velint , plurimi facere , ac intimè diligere debent . Quapropter det operam , vt ad Regulæ Constitutionum , cæremoniarumque propriarum custodiam , sic afficiantur ; vt ex alijs disciplinis nihil ijs sapientius , vel vtilius , vel amabilius videri possit . Hortetur sæpenumero , vt sint boni status proprii æstimatores , & vel minimos

mos ritus amore summo prosequi, & profuso quoq; sanguine obseruare constituent. Moneat frequenter, vt hanc vnā suā Religionis disciplinam omnibus alijs anteponant. Etsi enim aliā quoq; perfectā, aut fortasse perfectiores sint; at non omnes promiscuē singulis congruunt. Ordine quippe miro diuinæ Sapientiæ videmus cētus Religiosorum esse discretos; & instinctu diuerso alios in hęc, alios in alia claustra vocari: vbi arreptam semel peculiarem monasticæ vitæ rationem à Deo inspiratam, non licet alienis doctrinis posthabere.

13 Instituti ergo proprij obseruationem crebrò inculcabit: docebitque singulos Religionis actus, & ritus tam rigidè à veris professoribus obseruari debere, quàm si grauiā præcepta essent, quæ mortalis culpæ reatu transgressores innecterent. Cuius certè æstimationis ratio identidem repetenda est, nempe, quòd per singulas etiam leuissimas cæremonias expressa Dei voluntas innotescat; quæ veros monachos æquè mouere debet, ac bonos sæculares grauiora præcepta mouerent.

14 Sunt & alia permulta, quæ Dei zelo Magistrum vrgeri debent, quæ ipse in hac ipsa sua instructione perspiciet, & per se quoque

que extra Instructionem hanc deprehendet: quorum studium illi impensè commendamus. Euigilet, qui custodit Israel, & vulpes paruulas capiat, ne florentem vineam demoliantur. Exploret vniuscuiusque ingenium, & mores: consideretq; num aliquis teneris Dei fœtibus clàm noceat. Curas omnes alias abijciat, & in hanc vnam omnes animæ vires conferat. Pascat nouellum gregem ex animo; & veri pastoris more, vniuersis communibus actibus Nouitiorum intersit: zelus quippe non fert, vt ab vllis eorum actibus, leui prætextu absit. Denique vt caput hoc monito vno, quod zeli propriissimum est, claudamus, vigilantissimè animaduertat, num

*Hic impet
rè cōmen
dandum
foret co-
rum, qui
in Reli-
gionē ad-
mittuntur
examen,
sed fun-
dus hac
nō solius
Magistri
est,* aliquis è Nouitijs, statu in quem vocatus est, abutatur; an sit audax, ignauus, loquax, inuerecundus, piger, orationis & præsentia Dei incuriosus, ad actus communes tardus, intemperans, contentiosus, aut alijs eiusmodi vitijs notatus: & si post sedulam culturam non seriò resipiscat exclusis apparentis misericordiæ rationibus det operam, vt è claustro expellatur, antequàm contagio vitiorum, quibus laborat, alios inficiat. Hic quippe zelus Deo acceptissimus & Religioni saluberrimus est; sine quo, Magister quantumuis

alijs

alijs virtutibus præstaret, officij sui partes explere nequiret.

Cap. 5. De oratione & studio rerum diuinarum.

- 1 **N**emo educationi Nouitiorum iure præfici potest, qui orationis studio deditissimus non sit: quod multis rationibus euincitur. Et primum quidem, virtutes eas, quibus ad officium exequendum indiget, non valet quantauis sedulitate parare, si viribus humanis, vel ordinarijs aliorum Religiosorum exercitijs duntaxat innitatur. Eget quippe virtutibus eximijs, & singulari Dei sapientia, vt ex ijs, quæ de humilitate scripsimus, conijci potest. Quocirca vnum ei superest remedium, ad omnia bona paranda, malaque omnia procul arcenda præsentissimum, orationis videlicet studium, vbi perenni animi eleuatione auxilium perenne deposcitur, & impetratur.
- 2 Subest ratio secunda planè efficacissima. Magister enim ita rerum diuinarum debet esse consultus, vt plurimas, & quotidianas difficultates Nouitijs in oratione subortas, facile dirimere possit. At quomodo
- D dubia

dubia dissoluet, qui eius doctrinæ imperitus est? Augetur huius rationis vis, si euentus multiplices, in quibus Nouitij anxie laborant, expendamus. Experimentis enim plurimis nouimus Angelum Satanæ, pro lucis Angelo nouis Religiosis adhuc rudibus seipsum obtrudere; quomodo ergo verum à falso secerneret, qui modicè spiritualis est?

- 3 Ratio tertia petitur ab exemplo, quod ad erudiendos Nouitios quemadmodum, & alios homines, vim habet insignem. Manifestum est autem, nō apud claustra reformatà tātum, verum & apud alia non reformatà, ex communi omnium consensione, semper creditum fuisse, eos in Magistros Nouitiorum eligendos esse, qui orationis studio, vel apparenter dediti sint. Neque enim sibi vel ipsi orationis imperiti persuadere possunt, hominem parum deuotum (vt vulgò dicunt) ijs, quos deuotio ducit in claustra, idoneè præesse, ac prodesse valere. Ad officium ergo boni Magistri pertinebit, non apparenter, sed verè id præstare, sine quo, ex omnium proborum ac improborum consensu, officio satisfacere non posse existimatur. Et quidem ratio hæc, licet ob constantem omnium existimationem, mouere debeat, ex eo tamen.

men Magistri animum potissimum debet impellere, quòd vera sit, & bono exemplo nitatur. Quia enim ratione Nouitij rerum cœlestium studio iugiter vacabunt, si Magistrum ijs rebus modicum tempus impendere perspexerint? Etenim difficillimè flectentur: fientq; velut arentia ligna, & indies magis obdurabuntur: erroremq; grauissimum Magistri auctoritate confirmabunt.

4 Ratio quarta ducitur à tradenda doctrina. Neceffe quippe est, Nouitios orandi modum disertè docere: à primis enim diebus, hoc spiritu instruendi sunt, si adsit verum salutis eorum desiderium. Iam igitur ægrè poterit alios, vt par est, erudire, qui non ex professo studium orationis exercuit, & per se, quæ docet, experiri conatus est.

5 Profectò Magister tam debet orationis esse peritus, vt more fundibulariorum Gabaa, qui capillum iacto lapide tam certo percutere posse credebantur, vt lapis in alterutram partem minimè deferretur, subtiles cogitationes capillis notatas, absque errore, interfecare, & syncerum ab simulato secernere possit: quod ad scientiam sanctorum spectat. Vtèrius verò, quod ad exemplum attinet, adeò debet studio

D 2 oratio-

orationis insistere, vt Nouitij, alia admonitione, quam Magistri exemplo non indigeant, ad orationem constantissimè frequentandam.

6 Vacet ergo intentissimè rerum diuinarum studio, & Mysticæ Theologiæ non speculationi tantum, sed gustui quoque, quoad poterit, seipsum, vitæ puritate, & vñionis diuinæ amore coaptet. Dei præsentiam menti impressam fidissimam memoria, & cordis vigilia seruet: vt cœlesti lumine perfusus ipse proficiat, & Nouitios ad spiritualem profectum accepta è cœlo luce promoueat.

7 Doceat Nouitios orandi modum, & alia huc spectantia, quæ ipse Sanctorum Patrum lectione, Seniorum consilijs, experimentisq; didicerit. Qua in re si strenuè se gerat, singularem discipulorum profectum, & sibi cumulatam à Domino præmium meritò sperabit. Si enim discipulos rerum cœlestium studiosos fecerit, opus insigne patrabit, vnde singularis Dei gloria singulareq; Religionis bonum emanabit: quod Clementissimus Redemptor noster Iesus Christus solet amplè remunerare.

Cap. 6. De lectione, & catalogo librorum.

I **Q**uia hominis animus mortali corpore clausus, quantumvis rerum cœlestium studio addictus, ipso carnis pondere à proposito importunè diuertitur, naturæ inconstantia eam iugem cordis intentionem ferre non valente: salutare consilium est, spirituales vitam diuersorum exercitiorum varietate condire. Quocirca Magister, quem ad perenne studium orationis adhortati sumus, lectionem, piam orationis altricem sæpe repetat, & oratione, ac lectione vitam contexat: eiusmodiq; texturam discipulis summo opere commendet: quod his rationibus efficiet.

2 Ratio prima. Lectio repetita, vti nunc indicare cœpimus, tedium, quod à perenni vnius formæ studio natura patitur, extenuat: quia suauius quiddam est animam operi arduo insistentem, per interualla relaxare, quàm perenniter eiusdem operis arduitate premere. Accedit huc, quòd lectio ipsa animum non conantem (vt in-

D 3 ora-

oratione) solet, sed alienos labores absque conatu recensentem; conceptus varios, pro lectionis varietate, suauiter format, & genus quoddam delectationis sensim illabentis percipit.

- 3 Ratio secunda. Lectio à pijs præsertim animis rectèq; compositis vsurpata docet multa, quæ, ne orando quidem, addiscuntur. Diuina quippe Sapientia Sanctis Patribus multa reuelauit, quæ illi scripto digesserunt, ut nos inde erudiremur. Neque postulandum est, ut nobis passim eiusmodi secreta reuelentur, quandoquidem è Sanctorum scriptis, possumus illa cognoscere, ac in bona nostra priuata deriuare.

- 4 Ratio tertia. Lectio pia sedata, alteq; perpenſa pios animos vehementer commouet, & salubrior plerumq; quàm oratio ipsa existit: quod experientia crebra conuincit. Etenim si, ut è vulgatissimis patet historijs, multi, qui in culpæ, luto iacebant, fortuitò librum aliquem arripien-
tes ac ægrè legentes, repente commoti, emolliti, ac in Dei filios mutati sunt: quid fiet ijs, qui non perfunctoriè, sed casto, ac sincero proficiendi, ac Deo placendi studio, sancta lectione pascuntur? Profectò immensa inde lucra proueniunt. Prouenit
certè,

certè, (vt de re nostra dicamus) Magistri illuminatio, pia & vtilis oblectatio, cordis emollitio, cœlestia desideria & concepti in oratione caloris fomenta quæ lectoris ipsius bona sunt. Prouenit præterea clarior notitia doctrinæ Sanctorum Patrum, ac virorum spiritualium qua Magister imbutus, fit indies aptior ad Nouitios publicè, priuatimq; instruendos: quod est maximum boni communis incrementum.

- 5 Magister ergo his rationibus flexus sit piæ lectionis studiosissimus; & sibi, alijsque, quorum curam gerit, exercitio planè suauissimo consulere pergat. Verùm quia non modica ex bono librorum delectu utilitas existit; subiecto Catalogo vtatur, quàm frequenter poterit.

Catalogus librorum Magistri.

- 6 Sancta Euangelia. Epistolæ Pauli. Basilij Ascetica & Regulæ. Gregorij Moralia, & de cura pastoralis. Augustini Confessiones, Meditationes, & Soliloquia. Opuscula Bernardi. Opuscula Sancti Bonauenturæ. Cassiani opera. Hugo de Sancto Victore de Claustro animæ. Ricardus de Sancto Victore. Humbertus de eruditione Religiosorum. Climacus. Innocentius & Gerson de Contemptu mundi, &

alia Gersonis opuscula . Thomas de Kempis . Tractatus Beati Vincentij de vita spiritali . Opera Blossii . Opuscula Dionisii Carthusiani . Tauleri Institutiones . Albertus Magnus de Virtutibus . Landulphus de vita Christi, & alij similes.

Libri vulgares .

- 7 Opera P. Fr. Ludouici Granatensis . Opera P. Auilæ . Opera P. Didaci Pérez . P. Arias de Oratione , & mortificatione . Opera B. Terefiæ , & alij similes libri.

Libri historici .

- 8 Sancti Gregorij Dialogi . Gregorius Turonensis de gloria Confessorum , & Vita Sancti Martini . Eusebij historia Ecclesiastica . Theodoretii historia Religiosa . Vitæ Patrum selectæ . Speculum exemplorum . Vitæ Sanctorum Lippomani , & Surij . Petrus Damianus , & Petrus Cluniacensis de miraculis . Religionum Chronica . Vitæ Sanctorum ætatis nostræ , & alij libri similes . Libros ergo recensitos Magister accuratè , pro temporum , & laborum occasione leget : atque ex his , & alijs similibus , prout expedire censuerit , Nouitijs distribuet . At diligenter caueat ne , absque ipsius consilio , ulli doctrinæ seu verbo

verbo tenus acceptæ, seu librorum quantumvis probatorum adhæreant. Et multò accuratiùs, ne illam exerceant. Multos quippe Angelus Satanæ, in lectionem, piam seipsum insinuans, & sine Magistri consilio, ad vsum rerum sublimium præmaturè impellens, pio colore seduxit: vt propterea à claustris infœliciter expulsi fuerint: quod nobis experientia compertum est.

Hæc de prima Instructionis parte.





PARS SECVNDA

De Magistri prudentia .



Cap. 1. De prudentia in commune.



I MNIS Novitiorum prudentia in vno Magistro ponenda est. Cum enim propriū prudentiæ opus sit præcipere, ac media fini consentanea præscribere; nefas est, novos fratres, qui nondum parere didicerunt, præceptores, mediorumq; præscriptores fieri. Quocirca in Novitiorum Instructione cum de virtutibus ageremus pruden-

prudentiam in vno duntaxat diligentia capite tetigimus, quod alios potiores prudentia actus nouis fratribus minimè congruere cerneremus. Quàm sanè obseruationem ideò hic recensemus, quod ex hoc ipso argumento vehementer prudentiam Magistro persuadere valeamus. Si enim tota Nouitiorum prudentia penes illum residere debet, vt sit ipse idoneus omnium censor, & moderator; manifestum est in re tanta multum laboris, ac sollicitudinis esse collocandum.

2 Quia verò (vt rectè vulgò dicitur) In senibus est prudentia, quæ longâ rerum experientia, & accurata euentuum obseruatione paratur, & alitur: Conueniat Magister, quàm frequenter poterit, patres atate, ac doctrina spirituq; prouectos, quorum consilijs, in rebus dubijs decidendis vtatur. Et ipse, per se, quoad valebit, anteauctos euentus expendat, præsentis occasiones obseruet; vt ex mutua rerum similium collatione, quid sit futurum præfagiat.

3 Ne sit præceptis in sententia dicenda, responsisq; reddendis: sed assuescat modo respondendi sedato, & donec rem satis circumspexerit, & si opus fuerit, cum alijs contulerit, responsum differat. Qua rament.

men in re, caueat, ne scrupulosè nimis minutissima quæq; velit præmeditari, & cum alijs conferre : hoc enim dilationis genus in rebus minimè difficilibus nimium frequens cursum rectæ gubernationis, & spiritualis profectus impedit, & fastidia multa parit.

4 Ne sit nimium credulus, vt nempe, facile credat Nouitios vel festinatam sanctitatem comparasse, vel è contrario, paucorum experimentorum indicio, quia non præclarè se gesserint, desperandos esse. Sed cunctetur; & longiore tempore, rerum circumstantias consideret.

5 Suauitatem communicationis ita gravitate temperet, vt Nouitij concipiant simul amorem erga illum & reuerentiam. Neque angatur animo, quasi propriam existimationem quærat. Oportet enim, eam esse Magistri erga discipulos auctoritatem, cui collum illi, in re quantumuis graui, atque difficili, facilè subdant.

6 Simulet interdum se culpas minimè deprehendere, tunc præsertim, cum ex earum iterata correptione tædium potius, quam correctio speratur. Et alijs pietatis incitamentis, quos correptio non emolliret, ad emendationem alliciat. Et postquam ostensione charitatis, puta, do-

nata

nata imaguncula, vel libello aliquo, beneuolentiam captauerit, animum iam mollem, & proficere paratum corripiat: vt præteritam culpam oderit, & futuram præcaueat.

7 Tametsi cuiusq; Nouitij animum excolere, & mortificationem crucis Christi accuratè docere debeat; ita tamen vniuscuiusque ingenium experiatur, vt non statim à principio insignes passionum victorias, & clarissimos virtutum actus exquirat. Minoribus ergo triumphis sub initium contentus sit; & ad maiores sensim inducat.

8 In explorando cuiusq; ingenio plurimum operæ ponat: & moneat vt quisque antea in sæculo vitæ rationem exponat, vitia, & passionēs, quibus molestius vexatur aperiat; vt sciat vnicuique consulere. Et quos naturam bonam sortitos esse perspexerit, non statim magni faciat, quòd multos virtutum actus, absque difficultate, exercere conspiciat. Eos verò æstimandos pluris censeat, qui cum naturam parum bonam sorte acceperint, sub renuntiationis tamen initium, cum proprijs passionibus luctari, & virtutum actus licet exiguos obire consueſcunt, clarior quippe hæc luctatorum victoria est, quæ si lucta-

perſe-

perseueret, magnis certè momentis augebitur. Sed ad peculiaria prudentiæ capita descendamus.

Cap. 2. De prudentia erga Nouitios omnes recenter indutos.

Rectè dictum est. Dimidium facti, qui benè cœpit habet: perspectum est enim primam eorum, qui mundo renuntiant, institutionem, si suis numeris absoluta sit, adeò altè Nouitiorum animis imprimi; vt intra dies paucos, mira transformatione, ex hominibus in Angelos mutati videantur. Quapropter in nouis fratribus absque moræ erudiendis Magister sit maximè sedulus; & ne diem quidem vnum, sine accurata instructione labi permittat. Sed vt prudenter agat, firmaq; fundamenta ædificij, quod molitur iaciat, quæ subijcimus, obseruet.

1. Inter vniuersos christianæ perfectionis tractatores constitutum est, viam tutam, & ab omni erroris suspicione alienam esse eam, quæ ex oratione, & mortificatione componitur; adeò, vt siquis eleuandæ in Deum mentis, & voluntatem propriam, sen-

sensusq; suos mortificandi curam gerat, palmam obtinuisse videatur. Neque rem hanc per se compertam rationibus adstruere, necesse est: nemo enim tam rudis in Magistrum optabitur, qui doctrinam hanc exploratam non habeat, cum perfectam animæ, corporisq; culturam manifestè complectatur. Hac ergo doctrina posita à primis diebus fratres indutos Magister per se, aut si legitimè impediatur, per socium, doceat, qua ratione orare, præsentiam Dei menti impressam gerere, orationibus iaculatorijs, frequenter cor sursum impellere, & actus, quos exercent in Deum dirigere debeant, quemadmodum in eorum Instructione tradidimus: quod est primum caput. Docebit etiam, qua ratione debeant in rebus modicis propriam voluntatem abnegare, propriosque sensus disciplina mortificationis exercere; quod est caput secundum.

- 3 Exemplum mortificationis exercendæ sit. Dum libet intra cellam sedere, eo ipso, genuflectere, dum placet quicquam intueri, eo ipso, oculos cohibere. Dum in Refectorio, cibus appetitum irritat, eo ipso, buccellas aliquot puta, duas, aut tres, Iesu Christi amore relinquere. Ecce planissimum, & vtilissimum incipiendæ mortificationis-

cationis exemplum: quod cum spiritu orationis coniunctum; ab ipso Religionis primordio, summam felicitatem promittit. Quod certè adeò verum, & testatum est; vt si Nouitij faustum hoc incœptum ad finem vsque protendant, eximiam sanctitatem paraturi credantur, quod exempla multa conuincunt.

- 4 Erit autem insignis emolumentum, si Magister à primis diebus, aliquem leuium harum mortificationum numerum præfigat, quem nouelli fratres, quasi quotidianum pensum exoluant, puta numerum septenarium, quem in primis certissimè impleant, quamuis ultra eum numerum, absque numero, procurrere debeant. Illud quippe opus certo numero definitum, animos vigilantiores efficit, & genus quoddam fidelitatis Deo acceptissimæ est, quæ arduitatem quandam præfert laude digniorem, quàm numerus mortificationum maior solutus, & incertus. Monendi sunt autem fratres, vt si (quod euenire inexpertis solet) in examine conscientie nocturno, animaduernerint, se numerum illum non expleuisse, antequàm cubitum eant, totidem saltem prostrationibus illum compleant. atq; in eum modum, mortificationis disciplinã tenacissimè apprehendãt.

5 At enim quia instar stipitum è sylua eorum Nouitij in manus artificis, à Deo mittuntur, vt dolentur, & poliantur, atque ad fabricam domus Dei coaptentur; dabit operam Magister, vt ab initio, antequam eos mortificationibus varijs exercere incipiat, se illis propitium, & beneuolum exhibeat. Quod eò conferet, vt illi adhuc spiritualis amoris ignari, ad primos ingressus, durum rectorem se habituros non existiment, & mortificationem crucis expauescant. Præstabunt illi sanè minus difficulter, aut fortasse absque difficultate modicas illas mortificationes, quas diximus eorum fidei committendas, & intra, vel extra cellam exercendas: at eas, quæ extrinsecus, hoc est à Magistro inferuntur, vtpote difficiliores non adeò facile omnes accipient. Credendum est autem omnes illas non difficulter accepturos, si Magistrum prius patrem, quàm iudicem experiantur.

6 Præmissa ergo beneuolentiæ ostensione, vt dictum est, monasticæ prudentiæ maxima pars est, novos fratres leuibus mortificationibus intercalatis sensim exercere; vt immenso lucro, ad grauiora experimenta comparentur. Vt si, exempli gratia, Magister videat nouum fratrem ve-

E Item

stem nouam, qua est indutus amare; iubeat ut cum veste obsoleta commutet. Si Breuiarium nimis placeat; aliud minus gratum, illo sublato, tradat. Si cella sit commoda, in aliam minùs commodam, transire præcipiat. Hæc quippe exercitia prudenter, & cum intermissione vſitata, à primis quoque diebus multiplices coronas promerentur, & ad grauissimas luctas animos præmuniunt. Profunt prætereà, ut Magister longiore probatione discernat, quinam è Nouitijs professione digni sint. Nam si in breui vnius anni probatione, ad vltimos menses mortificationis examen differatur; vix pacata conscientia decerni potest, an emittendæ professioni idonei sint. Facile quippe animus professionis cupidus trium, quatuorue mensium mortificationem, vitæq; correctionem simulat.

7 Iniunget socio, vel alicui fratri, ex antiquioribus fidissimo, ut recenter indutos, de communioribus cæremonijs, confestim instruat, & de communibus modestiæ regulis admoneat.

8 Ipse verò Magister recenter ingressos frequentius, quàm alios visitet: & aliquam lecti, vel victus commoditatem ijs, præsertim qui delicatesiores sint, per dies aliquot,

quot indulgeat, quando spectatis personarum, & temporum circumstantijs crediderit expedire. Vniuersè quippe hanc indulgentiam permittere non expedit: certum est autem, erga viros graues, puerosue ingenuos è commodissimo vitæ genere in austeram Religionis disciplinam transeuntes, illa vti opus esse. Consideret omnia Magister & lumen à Deo iugiter postulet ad rem hanc, & alias similes, vbi periculum laxitatis imminere videtur, discernendas.

Cap. 3. De prudentia erga Novitios pueros vel adolescentes.

Discrimen ætatis, prudentiæ lege, ab educatoribus idoneis obseruandum est: ne aut naturam vires acquirentem eneruent, & ferendis Religionis oneribus ineptam efficiant: aut è contrario, tenellæ ætatis prætextu, indulgentiam nimiam, & pueriles mores impunè excurrere, obseruantiamq; regularem extenuare permittant. Quocirca subiecta consilia prudens Magister obseruet.

2 Mox ac Nouitij ætatis illius induti sunt,

E 2 seorsim

seorsim vocatos noui status, in quem vocati sunt, amanter admoneat: horteturq; ne in posterum, se pueros existiment, sed viriles actus ætate prouecta dignos cogitent, & proponant. Proderit autem puerilium actuum deformitatem & virilium operum honestatem repræsentare.

3 Obseruet accuratè, ne per Cœnobium, licenter discurrant, & communibus actibus inquieti interesse assuescant, quæ sunt vitia ætati illi familiaria.

4 Ne sit nimium seuerus defectuum cenfor: sed ita illos corripiat, vt parcat. Modicus quippe captus eius ætatis proprius culpas extenuat.

5 Sic illos priuatis colloquijs instruat, vt pædagogus solet principis alicuius liberos erudire, hoc est, amantissimè atque creberrimè. Nam ætas illa communes exhortationes non satis ponderat, ob naturalem nec dum reformatam leuitatem.

Atque idcirco quisque seorsim patientia, & lenitate multa instruendus est, donec formetur Christus in illo.

6 Ne fidat inconstantia illi, quasi, quæ pollicentur pueri fideliter exequantur: sed rationem eorum, quæ cogitant, & efficiunt, sæpenumero exigat: iteratisq; monitis cordatos efficiat.

7 Quod

7. Quod ad corporis curam spectat, ita rigorem disciplinæ temperet, ut naturam vires acquirentem non frangat. Exerceat mortificationem corporis leuiorem, cui æquum est ætatem illam assuescere, ut ad senectutem usque crucis amorem seruet: at sanitatis non lædendæ rationem habeat. Ex incuria quippe admonitionis huius, nonnulli feruentiores, quàm prudentiores bono communi vehementer nocent. Nam quos in pueritia nimis corporis afflictionibus vexat, per reliquum totius vitæ tempus ægrotare faciunt, & morbi causam, hoc est mortificationem odisse. Creant igitur non bonos disciplinæ monasticæ observatores, sed perennes inimicos crucis Christi, quod in Religionibus præsertim austeris, attentè ponderandum est.

8. Mediocritas hic probanda est: ut per hebdomadas singulas, dimidiatis saltem binis diebus, pueri, & adolescentes vini abstinentiam, cibi temperantiam, catenulas, & cilicia, vel alia mortificandi corporis instrumenta experiantur, ut carnem spiritui subiugare condiscant. Iam verò exceptis monitis his, quæ de pueritia adolescentiaque præscripsimus, alijsue similibus, cætera, quæ ad ætatem illam instruendam

pertinent, erunt cum cæteris communia.

Cap. 4. De prudentia erga Novitios maiores natu.

Qui natu maiores ad statum monasticum à sæculo ascendunt, accuratius examinandi sunt, & severius exercendi. Assueverunt enim sæculo, & amorem bonorum temporalium altius conceperunt. Secum ferunt noxios vitiorum habitus, iudicij, ac voluntatis propriæ diuturnam consuetudinem, aliâq; similia monasticæ perfectionis impedimenta, quibus Novitij iuniores carent. Quocirca nouo prudentiæ genere hic opus est.

2. Curet ergo Magister adultos ætate intus, & in cute pernoscere; solent enim eiusmodi homines statum monasticum non tam spiritu Dei, quam rationibus politicis acti sic aggredi, ut vno saltem anno simplicitatem simulent, posteaq; licenter ac dolose agant. Qui emissa professione audaciam sæculi resumentes iusigne damnum Religioni inferunt pacemq; de medio tollunt: Immo & in ipso Nouitiatus anno
- clam

clam Magistro animos simpliciorum auer-
tunt, & ad laxè viuendum inducunt. Ip-
forum ergo relatu, elapsæ in sæculo vitæ
història accepta, quibus morbis laboraue-
rint exactè perpendat, vt remedij genus
personis adaptet.

- 3 Agat cum illis seriò, & seorsim vocatos
inducat ad viriliter pugnandum; vt scili-
cet velint grauioribus experimentis exer-
ceri, ad vitia olim contracta radicitus ex-
tirpanda, & ad virtutes acquirendas.
- 4 In aliquot velut classes Novitios distri-
buet, vt interdum, pro ætatum discrimi-
ne, illos seu publicè, seu priuatim admo-
neat, pro temporum, rerumq; ratione.
Maiores verò natu exhortabitur ad cele-
rius currendum ex iuniorum comparatio-
ne. Non enim æquum est, eos, qui multa
peccarunt, non maiora conari, quàm qui
leniter, breuiq; deliquerunt.
- 5 Proponat illis Magister ardua, vt perspi-
ciat, an seriò conari, & arduitatem supe-
rare decernant. Et benè animatis occasio-
nes proposita exequendi offerat.
- 6 Ne moleste ferat, si acerrimis tentatio-
nibus infestentur, qui contra diuturnas
consuetudines armantur, & pugnant: sed
illos soletur, & roboret, donec victoria
sui potiuntur. Hi quippe si diuina gratia,

& cultura boni educatoris adsint, perfectiores Religiosi euadere solent, quàm qui infantes in claustra venere. Horrent enim malum, quod passi sunt, & eximios virtutum actus fortissimè dimicando producant. Atque adeò in altiore diuinæ gratiæ statum assurgere solent, quàm qui nullos conscientiae stimulos patientes (quales innoxij multi sunt) lentè agere consuecunt.

Cap. 5. De prudentia erga viros graues in Religionem ingressos.

1. **M**agna certè prudentiæ iustorum pars est, nouam iustitiam in uasis fictilibus alere. Huic ergo studeat Magister, & non solum ætates, sed dignitates quoque personarum ad rectè agendum expendat.
2. Curet imprimis, ut ob personarum grauitatem, quæcumque ex capite considerata, rigor disciplinæ monasticæ non lenescat. Grauis quippe ultionis reus erit, si ob rationes humanas, obseruantiam relaxari, ac proinde gloriam Dei restringi ferat.
3. Caterùm salua custodiæ legum integritate,

tate, ita cum viris grauib; se gerat; vt non summum ius, quod summa iniuria solet appellari, ab eis passim exigat, quale ab alijs forte inæqualibus seuerius exigeret. Exemplum sit genuflexio. Si enim Nouitij, vt decet, Magistrum genuflexi alloquantur, non continuo decebit, vt si Magister ferat alios ætate, & meritis minores per horam dimidiam secum genibus flexis verba facere, virum grauiorem eodem ritu tamdiu genuflexum esse patiantur. Decebit potius, vt illum citius expediat, vel stare, vel sedere quoque iubeat.

- 4 Idem, ad proportionem, de alijs ritibus, & actibus dicendum est: quod Magister prudenter obseruet. In ijs verò quæ ad vitæ asperitatem pertinent, ne cum eiusmodi viris nimium seuerè agat: sed parcat interdum: sibiq; persuadeat, lenitate hac, se illos perfectius culturum, & ad verarum virtutum culturam perducturum.
- 5 Frequenter illos in cellis existentes visitet, & de animæ, corporisq; valetudine, interroget, tanquam cui eorum cura cordi sit: & communicationis suauitate illos ad proficiendum, & perseuerandum alliciat.

Cap. 6. De prudentia erga Nouitios doctrina præstantes.

1 **S**tatim ac Nouitius doctrina insignis admissus fuerit, Magister illum noui status admoneat; vt velut infans modò genitus lacte se indigere consideret, & alphabetum Christi à primis elementis incipiat. Suadeatq; quandam salubrem scientiæ in sæculo partæ obliuionem, vt Sanctorum scientiam ediscat. Quin etiam hortetur, vt se nihil scire opinetur, & stultus fiat vt sit sapiens; addatq; certò nouerit acquisitam scientiam nocituram, si ea, contra, vel præter obedientiæ placitum vtatur.

2 In locis publicis, ne sinat eiusmodi Nouitium scientiam ex occasione, vt fieri solet, ostentare. Quippe alicuius interrogationis occasione, gloriola vana nouos Dei milites vexare solet; vt eruditè, disertèque respondeant, ac per hoc ab alijs in admiratione habeantur. Hæc ergo responsa Magister impediat: &, si fortè inopinatò reddantur, postmodum in Oratorio corripiat: doceatque monasticum ac simplicem respondendi modum.

3 Quod

- 3 Quod si Magister doctrina excellat; Nouitium altum sapere, & vanè respondere conantem, non auctoritate magisterij tantum, verum doctrina conuincat, seu refellat: ne discipuli condiscipulum Magistro doctiorem se habere credant; quod eos à Magistri fide diuertet, & ad mala multa viam proculdubiò faciet. Neque verò si ad refellendum Nouitium opus sit multa eruditè eloquentèq; proferre, Magister vanæ gloriæ stimulum vereatur; sed tentationem eam fortè obrepentem contemnat, actumq; illum virtutis officio suo debitæ persequatur.
- 4 Iam verò Nouitijs eruditis iudicij proprii, quod illi rationibus multis astruere solent; abnegationem sæpe commendat; multaq; illis, quemadmodum & omnibus proprii iudicij tenacibus, apparenter rationi dissentanea præcipiat, vt intellectum (ad obsequium fidei Iesu Christi) in captiuitatem redigere discant.
- 5 Caueat ne alij Nouitij, quos his tentationibus infestari certum est, eum, quem doctrina excultum nouerunt, consulant, vt ab eo quicquam ediscant. Quemadmodum enim furtiui fructus dulciores videri solent; ita furtiua eruditio salubrior solet apparere.

- 6 In exhortationibus, seu colloquijs peculiaribus, pietatem, & christianam perfectionem sic commendet, vt qui eruditi sunt, certò sibi persuadeant, in cœtibus Religiosorum, non doctrinam, sicut, neq; nobilitatem vel dotes alias electis ac reprobis communes, magni fieri.
- 7 Denique Nouitios doctiores Magister, quacumque ratione poterit sollicitè curet excolere: si enim rectè illos educauerit, Religionis bonum, ac proinde gloriam, Dei, & salutem proximorum mirificè promouebit.

Cap. 7. De prudentia in directione spirituum.

- 1 **H**ic principio ponendum est, Nouitios singulos recenter indutos de antea acta vita interrogandos an pacata conscientia sint, an, erga præteritas confessiones aliquem remorsum patiantur, an ex capitibus alijs ad Dei gratiam, & amicitiam requisitis perturbentur. Deinde ponendum, potissimam primamq; curam esse debere, vt qui conscientiz remorsu affliguntur, expiata per integram, perfectamq; culpaz
- rum

rum confessionem , conscientia quiescant. Quomodo enim de progressu cogitabunt ; qui principio carent ? Principio verò carere dicimus , quos conscientia culpæ mortalis nondum absterfæ redarguit .

2 Posito ergo principio , & ingenio , ac moribus cuiusque Nouitij aliquandiù benè perpensis , vnoquoque interrogato , ac de internis actibus , & affectibus , rationem syncerè reddente , in spiritibus discernendis , ac dirigendis multum operæ Magister positurus est .

3 Expendat ergo , quo spiritu discipulorum quisque à Deo ducatur ; ne fortè illum inopinus extinguat . Spiritum autem hic appellamus , affectum , quo vniuscuiusque animus à Deo ducitur : quo , maiori ex parte , quisque se percipit emolliri , compungi , ad virtutes inflammari , ad propulsandas tentationes præmuniri . Hunc primum internoscere opus est . Deinde , verò ita eum alere , vt anima inde violenter non auellatur , sed sinatur ostensa cœlitus via procedere : quod exemplo subiecto declaramus .

4 Etenim , si quis animaduertit , se consideratis Inferni cruciatibus , mortis , amaritudine , Iudicij seueritate , ad virtutum culturam vel minimè affici , vel parùm
vrge-

yrgeri , & vna solius æternæ gloriæ meditatione ad omne bonum opus incendi: non expedit ab ea meditatione animam renitentem diuellere , quam voluit Deus singulari eo pastu nutrire , & ad pietatis officia permouere .

- 5 Idem prorsus inter alia obiecta nobiliora delectus habendus est . Si enim quis infantia Christi , non verò passionis meditatione pascatur ; sinendus est ibi erudiri , vbi gymnasium ei Deus præparauit : Denique si inter Christi passiones , sola (exempli gratia) crucis gestatio animum mouet ; ibi perdurare sinatur . Quod enim , instinctu Dei agatur ; ex eo probabiliter admodum conijcitur , quòd inde , & non aliunde ad pietatem vires hauriat .
- 6 Quòd si quis , nec in certa vna vnus rei cogitatione persistere valeat , & iaculatorijs orationibus efficacius se impelli sentiat ; illas frequentet , nec vni meditationi diu cogatur insistere , ne anima coactione illa exacerbetur .
- 7 Verùm est tamen , in prædicto multiplici Spiritus ductu posse latere dolos ; dum , anima perceptione suauitatis , quam elicit ex obiecto vno , cætera fastidit : & ibi torpescens , mortificationis opera , & labores formidans , ægrè fert inde diuelli .

Pro-

Propterea opus est, & hos ipsos affectus explorare, & animam inde inuitam ad experimentum nonnunquam auertere. Ut veritate perspecta, vel dolus detegatur, vel securius anima suum pastum resumere sinatur.

- 8 At verò ad hæc prudentius discernenda, opus est, cuiusque ingenium percallere, si intellectu polleat, si facile amet, aut oderit, si informandis rerum imaginibus vehemens sit, aut remissior. Quæ sit orandi ratio, quam obseruat, quæ sit indoles, quàm firma sit corporis constitutio, & alia eiusmodi, quæ passim à spiritualibus viris annotantur. Quæ omnia rectè perpenſa, atque mutuò collata id præstant, ut qualis sit cuiusque natura, qualis gratia, Magister dignoscat; & ut bonus Dei minister Deo cooperetur, ea scilicet via incedens, quam Deus ostendit.

- 9 Ex perfectâ verò naturæ cuiusque inspectione, & spiritus, quo ducitur, exploratione, decernendum est, qua mensura, contemplatiuæ, siue actiuæ vitæ exercitia vnicuique iniungenda sint. Citiùs enim quosdam modica contemplatiuæ, & maior actiuæ exercitatio ad perfectionem prouehit: quosdam è contrario contemplatio perficit, & actio, nisi modicè admista

mixta retardat . Quo tamen discrimine non includimus communes Religionis actus , quos ab omnibus ad vnguem exerceri necesse est , cuiuscumque ingenij , ac virtutis illi sint .

10 E naturali capitis affectione alia perutilis observatio ducitur . Sunt quippe non nulli , adeò infirma , & inconstanti phantasia , vt nullam imaginem formare , in nullaque fortasse formata persistere valeant . Et videntur operam perdere , quia quicquid figurare conantur , statim dissipatur , ac evanescit . Vnumq; eis remedium superest ad cogitationem compescendam , carptim scilicet legere , & per intervalla , quæ legunt , expendere , quoad usque feruor lectione excitatus elanguet , lectionemq; resumant . Ij pariter finendi sunt incedere , qua via ducuntur . Non enim via parùm fructuosa , & ad cor permouendum efficax est ,

11 E contrario sunt aliqui , adeò vehementer , quicquid libet , imaginatione formantes , vt sibi , paulò minus , quæ cogitant , cernere videantur . Hi coercendi sunt , interciso discursu , & interdum actiuæ vitæ iniunctis exercitijs , donec discant vim phantasiæ , ratione temperare , vel Religioni conuincantur inepti , si absque moderatio-

- deratione, & cum aperto diabolica illusione periculo, imaginibus adhæreant.
- 12 Alij capite parum firmo à natura sunt, qui si prolixè orationi vacent, oneri succumbunt: & in nimiam imbecillitatem, vel etiam in amentiam facillè incidunt: qui tamen breuiore spatio temporis, sine documento orare valerent.
- 13 Demùm in hoc genere Nouitij modum excedere solent vim ad feruenter orandum, corpore toto facientes, ac si fructus orationis à Deo extorquendus esset. Unde capitis læsio, stomachi imbecillitas, sanguinis excreatio; & alia damna dimanant, quibus, sub cursus initium, noui milites eneruantur. Qui, si duce prudentia, regerentur, sine defectione in orationis studio perseverarent.
- 14 Temperanda sunt omnia, ne medium virtutis excedant; ipsa quoque exercitia, quæ spiritualia, & salutaria ex genere sunt. Non enim sat est, bona esse, nisi benè, hoc est, cum proportionè exerceantur. Quapropter & preces ipsæ temperandæ sunt, ad quas noui fratres, ex propria deuotione, aut dæmonis illusione, propensiores interdum, quàm ad communes Religionis actus fieri solent. Ijs enim grayantur, ne in rerum internarum stu-
- F dio

dio multum operæ ponant. Quocirca præter Officium Diuinum, Beatissimæ Virginis coronam, Sanctorumq; tutelarium, commemorationes, & solitas preces, quas ad lucrandas Indulgentias recitare mos est, Magister non permittat fratres ijs oneribus premi: nisi causa iusta prius expensa peculiare quippiam alicui permitti debere persuadeat. Pauca hæc, quæ de spirituum directione tradidimus, licet vtilia sint, non sunt ea tamen, quæ ad rem tantam Magistro sufficiant: quamobrem his vtetur, & alia studio multo è Sanctorum lectione, & è virorum spiritualium consultatione requiret.

Cap. 8. De prudentia in experiendis Nouitijs.

AD omne militiæ siue corporalis siue spiritualis genus experimenta, ex omnium sapientum sententia, plurimum ponderis habent. Ex ijs quippe decernitur, quisnam idoneus, vel ineptus sit: & probatione seclusa, vix de re tanta prudenter decerni potest. Quapropter, cum Religiosi omnes ad spiritualem militiam nomina-
dede-

dederint, ad Magistri spectat officium, Nouitios experiri.

- 2 Personis ergo, circumstantijsq; perpen-
sis, iniunget ad tempus Nouitijs aliqua
cœnobij ministeria, vbi cum secularibus
non sit commercium: vt exploret, an ijs
occasionibus, obedientiæ, humilitatis,
mansuetudinis, silentij tenaces sint. An
passiones effrænes prodant. An mentem
à præsentia Dei studio relaxent, & eiu-
smodi alia: quæ, si Nouitiatus annum in-
tegrum non probati ducerent, celare, &
ouina pelle lupos contegere valerent.

- 3 Rebus maturè perpensis, submitteat pru-
dentiores aliquos patres, vt Nouitios ten-
tent, ad aliquid præter ordinem agen-
dum. Vt pateat qua cordis constantia
sint, an humanis rationibus succumbant,
an in obedientiæ fide permaneant. Exem-
plum sit. Si pater aliquis è grauioribus
Nouitium obuium artificiosè de valetudi-
ne, alijsuè rebus minimè necessarijs inter-
roget, prolixèq; moretur, identidem
multa eiusmodi rogans, & nisi respondeat,
iram simulans, donec vel gloriosè tacen-
do vincat, vel inconstantia signum loquen-
do exhibeat. Idem de importuna instan-
tia ad modicam aquam, absque venia su-
perioris, degustandam, sub prætextu ca-

loris nimij. Rem scilicet extenuando, ob paruitatem, nimiumq; ius appellando, si Novitius omnino abstinere velit. En exempla duo satis familiaria, quibus alia similia & plurima, & creberrima succurrunt: quæ si prudenter adhibeantur; ad cursum perfectionis incitandum opportunissima sunt.

- 4 Proderit interdum, vt Magister ipse per se, aut, re maturè discussa per alios, irasimulata, Novitios nonnullis verbis asperioribus exagitet, vestibùs laceris, & fordidis induat, verberibus, aut alijs monasticæ disciplinæ, & sanctæ mortificationis instrumentis exerceat: vt neglectui, propter Christum haberi discant. Vitabit autem in exercitijs eiusmodi quæ risum excitare possint, ne sancta exercitia in modos sæculares degenerent.
- 5 Præcipiet aliqua seu verè seu apparenter rationi contraria, puta, quæ vires Novitij alicuius excedant: vt exploret, quæ fide, obedientiam colant: an ratione humana nimis vtantur, an obedientiæ viribus omnia se posse confidant.
- 6 Nonnunquam simulabit obliuionem, prostratos per aliquod temporis spatium velut oblitus relinquens, quos redarguit, ad patientiæ, & humilitatis examen.

7 Imputabit eis aliqua falsa verbis amphibologicis velata, puta, esum, vel potum diebus Ieiunij regularis, vel sermonem tempore nocturni silentij: ac eos, ob id, obiurgabit, vt virtutem humilitatis, ac mansuetudinis ediscant.

8 His tamen in experimentis, alijsq; similibus, obseruet cuiusque mores, & ingenium: nec magni pendat quorundam apparentem humilitatem, qui sanè eiusmodi neglectum non valde detestant, quòd naturam degenerem fortiti sint. Constat enim vilitatem hanc longe à vera humilitate distare. Sed pro magno ducat contemptum sensu vehementer renitente subire, & arduitatē hanc lucta longa superare: ne pro veris virtutibus falsas elegantē pictas nostræ salutis inimicus obtrudat.

9 Consideret Magister supradicta experimenta ita debere Nouitijs attemperari, vt (nisi extraordinaria aliqua ratio contrarium exposcat) breuia, & intercalata sint; ne fortè nouellos milites cibo solido nondum assuetos mœstitia vexet, vel opprimat. Exploreť vnumquemquē dum mortificationibus exercetur, an aliquid in præsentī detegat, vel futurum portendat, quod Religioni possit officere: Patresq; de

re fideliter moneat, quod exemplo subiecto rectius animaduertet.

- 10 Etenim si nosset alicui è discipulis vitium aliquod graue, siue naturale, siue ex consuetudine, siue ex fragilitate, aut quauis alia de causa, altè firmiterq; impressum, fuisse; deberet eniti, vt is spontè recederet, vel à Patribus expelleretur: nisi tantus in eo diuinæ gratiæ vigor cerneretur, qui vitium, accedente mediocri Magistri diligentia, extirpandum persuaderet. Pauci quippe eiusmodi vitijs affecti ita sui victoria potiuntur, vt in claustris non potius noceant, quàm proficiant: tametsi vocationis calore primùm concepto benè affecti videantur.

Cap. 9 De prudentia erga Nouitios tentationibus vexatos.

- 1 **C**ampus hic latissimè patet: multiplices quippe tentationes longam orationem exposcunt, si de ijs pressè agendum sit. Verùm tractatio hæc à nobis modò suscipienda non est, cum habeat in alijs scriptoribus capita & Nouitijs, & alijs hominibùs communia. Eodem enim modo Nouitius,

tius, ac ceteri homines, tentationes fidei, castitatis, desperationis, aliasq; similes propulsare debebit. Hic tamen Magistri prudentiam, qua erga tentatos uti debet, tractare consilium est.

2. Primum ergo Magister patientiam colere meminerit, quæ à Novitijs præsertim, tentatis exerceri solet: & dies noctesq; si opus fuerit, in ijs solandis, instruendis, & roborandis infumat. Oret, sacrificet, excogitet remedia, & si Novitij aliàs prohi sint, ne angatur, si tentationes, & gravissimæ, & longissimæ incumbant.
3. Ne addat afflictionem afflictis; nam dum quis à Deo seuerè tractatur, non expedit, gravius illum premere, quemadmodum prudentis medici non esset ab homine ægroto sani, ac validi hominis exercitia repetere. Quocirca ordinaria Cœnobij ministeria, solitasq; mortificationes, quibus alij non tentati facilè vtuntur, ijs qui sic vexantur moderatè iniungat, nisi fortè id sit tentationis genus, quod actiux vitæ occupationibus extenuetur. Exemplum fit. Siquis animi deiectione, aut infidelitate erga Superiorem, tentetur; erit opportunum consilium ab orationis, & chori actibus illum vulgò non divertere; cum psalmorum cantus &

oratio cor illuminent, ac fulciant, & proinde animi deiectionis, & infidelitatis remedia suggerant. Si quis verò inhonestis motibus, aut scrupulis infestetur, sanum consilium erit, ab oratione, illum ad rep^a amouere, domesticisq; obsequijs onerare; vt intellectus, & imaginatio orationis otio non abutantur, & subtilibus scrupulorum rationibus, turpibusq; imaginibus tentationes ingrauescant.

- 4 Doceat modum tentationibus resistendi, vt scilicet Nouitij legitimè certare discant: & primos tentationum motus intercidere assuescant: quæ certè regula, vniuersis tentationibus debet esse communis. Quia verò (vt experientia conuincit) Nouitij satis crebrò scrupulis vehementer angī solent: in promptu habeat remedia, quæ afflictis adhibeat. Cuiusmodi sunt, fiducia multis rationibus à scrupulosis exercenda. Persuasio fidei, quæ in Magistri sententiam, intellectum capitium redigere debent. Abstinere à discursibus, erga antea actæ vitæ peccata. Cogitationes scrupulorum recenter ortas, ac si forent libidinosa tentationes, confestim excutere. Nimium diuinæ iustitiæ timorem interim non recolere, sed amoris ac spei meditationes frequentare. Erit au-

tem

tem ad rem iubere, vt inter fratres alios, vbi simul agunt, proponat Nouitius scrupulosus ridicula dubia, quibus torquetur, vt publicè decidantur: Ibi quippe res cum risu accepta, & ab omnibus explosa tanquam ab omni rationis vsu aliena, tentatum ad eam quoque despiciendam, efficaciter fortasse mouebit, quod experimento perspectum est. His ergo consilijs, alijsq; similibus fratres scrupulis agitados Magister adiuuabit.

5. Eos verò, quos aliæ multiformes tentationes diuexant, præcipuè, quos aliqua ab statu monastico desistendi cogitatio vrget, vigilanter instruat. Cæteræ quippe tentationes, quæ Religiosum à statu semel arrepto non diuertunt, non vsque adeò formidabiles sunt: locus enim ille hominibus quantumuis tentatis salutem pollicetur: at ijs, qui vitio suo à proposito sancto resiliunt, modica spes salutis æternæ in sæculo superesse videtur. Quocirca in his potissimum solandis, & adiuuandis Magister plurimum laboris, & sollicitudinis collocare debebit.

Cap. 10. De prudentia in officijs iniungendis.

- 1 **M**onastica disciplina ratio postulat, vt Magister suos discipulos ad omne opus proprio instituto consentaneum erudiat.

Magna quippe pars decoris domus Dei, in hac variarum functionum peritia posita est, quæ à Nouitiorum educatore præteriri non debet.

- 2 Habeat ergo Magister scriptum Nouitiorum catalogum, quem, tanquam rationem redditurus, identidem legat atque recogitet. Et ordine seruato, domestica officia sic iniungat, vt catalogo percurso, singuli in orbem ad officia singula transeant, singuliquè omnia perdiscant. Res quippe facilis, & perutilis est, cuius neglectu, mirum est, quàm rudes, & inertes Religiosi fiant. Tempus autem officijs exercendis, iuxta rei difficultatem præscribendum est: neque enim par tempus culinæ, Refectorio, & Oratorij Sacristiæ assignari potest.

- 3 Cauendum est in hac prima officiorum iniunctione, ne Nouitij mox tanquam prin-

principales Ministri obsequia illa præstare sinantur. Exploratum est quippe multa hinc errata proditura; cum earum functionum planè ignari sint. Sed prouidendum est, ut antiquiores alij, puta paulò antè professi, vel, qui iam ferè Nouitiatum annum expleuerunt, & officia didicerunt, minùs antiquos sibi socios assignatos, per dies aliquot, instruant, obsequiaq; omnia simul obeant, donec recentiores soli, vel principales cuncta expedire nouerint.

- 4 Quia verò nonnulla obsequia nimis onerosa sunt, & Nouitios Choristas non esse labori tanto pares, manifestum est: animaduertat Magister nec expedire, neque verò (ut experientia docuit) fieri posse, ut ad ea præstanda omnes in orbem designentur. Quapropter satis erit, si eos, quos viribus pollere perspexerit, prout occasio tulerit, assignet. Quos verò nimium è labore fessos esse conspexerit, cibo, & somno reficiet.

- 5 Denique consideret, nonnullos, tametsi boni Religiosi sint, ex naturali vitio, quod mores non attingit, esse quibusdam officijs prorsus ineptos, adeò ut sine totius communitatis offensione illa exercere non possint. Hos ergo, postquam rem com-
- pertam

pertam habuerit, ab officijs illis eximat, & ad alia designet.

Cap. 11. De prudentia in recreatione Nouitiorum.

INter prudentiæ actus, laborum intermissio, & aliqua honesta recreatio meritò recensetur. Neque de asserto hoc, vlla inter viros Sapientes ac spirituales controuersia oriri potest. Controuersia verò multiplex, de modo condiendæ recreationis emergit, inde (vt credimus) quòd rarò admodum inuenire liceat virum, qui varios Religiosorum, simul agentium affectus, sine offensione, in vnum lætitiæ modum conciliet, ac temperet. Quamobrem Nouitiorum Magister rem hanc meditetur; & ad eam, prout decet, præstandam, se implorata Dei ope coaptet..

- 2 Et primùm quidem animaduertat, ad functionem hanc perfectè obeundam, singularem Dei gratiam, insignem in actionibus decorem, mirum in verbis leporem requiri. Nam, (vt vim diuinæ gratiæ modò fileamus) exploratum est, animos hominum quicumquè illi sint actionum decore,

core, ac sermonis suauitate vehementer affici; vt agrè non ferant, apud eum esse, illumq; dicentem audire, qui gestibus, & verbis auditores delectet.

3. Curet ergo Magister si ad hoc à natura valet, talentum sibi à Domino creditum, satis opportunam occasionem nactus exercere. Quod si natura parum iucundus, lepidusq; sit, arte vtatur; quæ ad opus hoc, eximio cum merito, vndecumquè conquirenda est. Atquè hac de causa, spirituales viri, quibus Nouitiorum educatio commissa est, existimant obsequium se præstare Deo, si multam eruditionem, historiasq; auditu iucundas, ex præmeditatione memoriæ mandent, vt Nouitios simul existentes, dicendo exhilarent, atquè delectent.

4. Verùm quia bifariam Nouitij à laboribus recreandi sunt, & ordinariè, vt in reformatis Religionibus fieri consuevit, modico tempore quotidie, ad eam rem, designato, & extraordinariè, paucis videlicet aliquot diebus, quibus Nouitij foras animi causa duci solent: æquum erit de vtrisque recreationibus scorsim agere.

5. Ponendum est hic, Magistrum, inter alias præceptiones, debere quoque recreationis

tionis

tionis meminisse : vt scilicet Nouitios instruat ad vultum hilarem , temperatam , scilicet ex grauitate , ac lætitia modestiam vbiq; præferendam . Sed in recreationis loco ; præsertim monebit , non modò omne supercilium , seu luctum , sed omnem quoque affectatæ deuotionis imaginem esse depellendam ; eumq; debere esse perfecti Religiosi vultum , qui statim ac conspicitur , cæteros exhilaret : neque tamen per hoc , leges modestiæ violari , sed custodiri .

6 Hac igitur instructione præmissa , duo præ oculis Magister habere debet in quauis recreatione , sed in quotidiana frequentius , vnum scilicet , vt ea , quæ molestiam parere possent , neque dicat ipse , neque dici patiatur ; alterum vt ex ijs , quæ sanctè , siue non profanè delectare possunt , ea proferat , faciatve , seu proferri fierivè iubeat , quæ animos magis oblectent .

7 Ex prima huius consilij bimembris parte efficitur , vt ibi culpæ nullæ corripiendæ sint : importuna quippe valde correptio foret , nisi in euentu aliquo rarissimo , vbi quis immodestus licenter aliquid ageret , vel diceret , cuius tolerantia reliquos fratres offenderet . At & tunc quàm breuissimè

finè res expedienda est, paucis aliquot verbis grauioribus aduersum fratrem immodestum prolatis, aut illo inde abire, iusso, vt cœpta recreatio procuret. Deducitur etiam ex obseruatione prædicta, vt Magister ibi res dictu, factuq; difficiles iniungere non debeat. Efficitur etiam, vt ibi natio vna præ alijs laudanda non sit. Consequitur præterea, vt exercitia, quæ appellamus Manualia, non ita, (vbi sedetur) præstanda sint, vt Magistro silente, omnes nimium mœstè laborent. Inter calatis quippe iucundis sententijs, vel interrogationibus lætitia labori admiscenda est. Denique multa hic, sed incerta Magistro occurrent, quæ prudenter prospiciet, an ea sint, quæ displicere possint; illaq; accuratè vitabit.

*Lege
cap 7
quar.
part.*

- 8 E secunda moniti bimembris parte efficitur, vt bono delectui rerum, quæ iuxta Cœnobiticam disciplinam Nouitios exhilarare possint, studendum sit. Huc spectat historiarum relatio, vt scilicet, non Magister tantum referat, sed alios, quos id decorè, ac lepidè præstare posse nouit, referre iubeat quid auditu iucundum, quo alij recreentur. Huc spectat facetum quippiam monastica sanctitate conditum: vt si Magister per seriem ab vnoquoque

scisci-

sciscitetur, si in animal irrationale ver-
tendus esset, quale animal eligeret: mul-
ta quippe ibi mira simplicitate proferun-
tur, quæ sine læsione modestiæ risum ex-
citant. Huc spectat iucunda singulorum
interrogatio, Quid scilicet ageret, si rex,
aut Summus Pontifex crearetur. Huc spe-
ctat leue aliquod certamen, quis amoris
Dei, vel spei actum omnium perfectissimè
producat, imaguncula aliqua, vel munu-
sculo alio victori proposito. Huc spectat
non minùs iucunda, quàm utilis passio-
num repræsentatio, vt nempe, Magistro
designante, vnus hominem iratum, alter
hominem timidum, alius hominem auda-
cem, alius tristem, aut aliter affectum,
gestu repræsentet. Huc spectat lætissimus
actus, quo Magister quasi Christus ipse,
foret, fratrem aliquem gloria immortalis,
pro laboribus antea actis coronat, ijs vide-
licet verbis, & actibus vtens, quibus re-
uera Christum erga animam ex hac vita
in cælum migrantem vt probabiliter cen-
semus. Huc spectat cantus psalmorum,
aut piorum carminum quæ animos in cœ-
lum suspirantes mirificè exhilarant, & in-
flamment. Hæc & similia alia, quæ per-
censere non possumus, id efficiunt, vt mo-
dica illa recreatio sanctè castèque suscep-
fasti-

fastidia, si quæ subierint, pellat; animos exhilaret, spiritum alat, & ad grauiores monasticæ disciplinæ actus vires adaugeat.

- 9 In extraordinarijs recreationibus Magister veniam dabit, aut si opus fuerit, iubebit, vt Nouitij inter se amanter modestèque verba faciant. Vt genus aliquod honesti ludi, puta lapidum iactus ad aliquam metam, vel alium similem actum, vel coniuncti omnes, vel in numeros discreti exerceant. Vt simul omnes, aut bini, terni, vel vt fors tulerit, alio numero sociati canant. Vt per hortum, villamve, inquam accesserint, deambulent. Vt martyria varia, quæ latissimum, & utilissimum spectaculum exhibent, alio exempli gratia tyrannum, alio carnificem, alio martyrem siue personas alias agente, productis varijs fidei, spei, amoris, & aliarum virtutum actibus repræsentent. Hæc ergo & alia similia Magister obseruabit, vt discipulos salubriter recreet.

- 10 Lata verò exercitia hæc, præter multiplicem spiritus, & corporis utilitatem, id præstant Magistro, vt dum discipulos liberius pro suo vnumquemque ingenio agere finit, quis, quisque sit, facile perspiciat. Nusquam enim tam facile ingenium

cuiusque exploratur, quàm ubi naturæ laxantur habentæ, & quod placet, quisque exequi finitur. At ob rationes multas status monastici proprias, cum quid indecorum Nouitij in ijs occasionibus admittunt, in subsequentium dierum exhortationibus Magister illum admoneat, ut ipse corrigatur, & tam ipse, quàm alij similia mala, præcaueant. Quin etiam, ante solenniorum recreationum dies, fratribus omnibus modestiæ decorem commendet, ut sanctius recreentur. Adhuc enim ea admonitione præmissa, libertatis occasio ad ingeniorum & morum inspectionem, satis lucis afferre solet.

Cap. 12. De prudentia ad perfectionem Nouitiorum promouendam.

Ille sanè prudentissimus Nouitiorum Magister existimandus est, qui nouit excogitare, & exequi media ad discipulos breui perficiendos opportuna. Hic autem non agimus de medijs illis proculdubiò probatissimis, quæ votorum, Regulæ, Constitutionum, & Instructionum obseruatione continentur. Ea quippe media

dia in laxis quoque Religionibus præscripta sunt, & non ideò satis obseruantur: in reformatis verò ideò obseruantur, quòd ab idoneis Nouitiorum Magistris, nouelli discipuli medijs alijs planè spiritualibus ad eorum custodiam inducuntur. Atque ideò, de his medijs, quæ prudentiæ sanctorum propria sunt, nonnihil modò dicendum est.

- 2 - Et primùm quidem det operam Magister vt discipuli maiora, quàm quæ Religio præscripsit, præstare constituent. Exiguus quippe prouentus speraretur, si ad altiora, quàm iubeantur, minimè aspirarent, quod per se perspicuum, & experientia nimis compertum est. Hanc verò magnanimitatem discipulorum cordibus ingenerabit, si exemplo ipse maiora præstiterit, & verbo mox ad imitationem Sanctorum illos animauerit: quod vniuersè dictum sit. Sed ad media aliquot peculiaria descendamus.

- 3 - Notissima sunt media illa, quæ Congregatio nostra præscripsit, & Votis, Regulæ, Constitutionibus, ac Instructionibus adiunxit, vt non modò Nouitij verùm & professi exercerentur. Mortificationes videlicet ordinariæ, & extraordinariæ, ordinariæ, vt oculos per dies aliquot velatos, os

transuerso modico ligno auribus religato obstructum gerere; extraordinariæ, vt scapulis honestè detectis sensimq; verberatis in Refectorium ingredi, genibusq; flexis culpas suas proferre. Huius generis media quoque sunt, exercitia illa omnia, quæ in Nouitiorum Instructione, quarta præsertim parte, posuimus; siue ad orationis studium, pertineant, vt matutina, & diurna actuum in Deum directio, Dei præsentia, ordinata & perennis oratio, quæ coram altari Sacramenti à fratribus exercetur: siue ad studium mortificationis spectent, vt abstinentia, & seuerior corporis maceratio ante solennissima festa suscepta, vt certamina de rebus arduis ad passionum mortificationem fieri solita, vt vestes laceræ, vt exercitia humilia valentium, vel ægrotantium obsequijs destinata: siue ad virtutum progressum attineant; vt certamen menstruum de virtutis vnus cultu, designato præmio, propositum, vt virtutis quoq; vnus cultura per hebdomadas singulas proposita: siue ad intellectus illuminationem, & inflammationem affectus dirigantur, vt exhortationes quotidianæ, priuata colloquia, frequentissima consilia, & creber Sacramentorum vsus. Media hæc, & alia, quæ silemus,
iam

iam inter fratres nostros vim legis, longa & accurata obseruatione laudatissimæ obtinuerunt. Sed Magister alia, quæ sancto quodam artificio nouos fratres ad vltiorem perfectionem, sine tædio, perurgeant inuenturus est.

- 4 Erit ergo medium vnum, ad singulos erudiendos, & solandos appositissimum, vt per dies singulos vnum, aut duos è Nouitijs priuatim vocatos instruat, & peculiaribus monitis, quibus eos magis indigere perspexerit, erudiat: atq; in hunc modum, in orbem, Nouitios omnes singulatim percurrentes, ad caput redeat, rotamq; hanc semper vertat. Quàm sit autem modus hic ad promouendam perfectionem efficax, viris vel mediocriter spiritualibus manifestum est; habet enim erga vnumquemq; plus amoris, plus ponderis, & æstimationis. Exercitia quippe mediaq; communia, quod ad vnumquemq; excolendum spectat, vt experientia docuit, cum hoc medio comparari non possunt. Arripit enim quisq; quæ sibi peculiariter committuntur, multò auidius, quàm quæ confertim omnibus prærogari videt. Crescit reciprocus inter Magistrum & discipulos amor, crescit fiducia; enascitur inde fidelitas maior, dili-

gentia maior, quasi de rebus ad animum, cuiusq; perficiendum singulari providentia dispositis, de quibus quisq; cum per orbem vocabitur, rationem redditurus sit. Ne igitur pigritetur Magister, sed pascat singulos, & confirmet. Quod si Novitius numerosus sit, nec ob multiplices labores officium hoc præstare possit: Socio probato, ac fideli, quem habebit, hunc laborem demandet, ut scilicet de certis capitibus, quæ ipse Socio præscribet, singulos in orbem Magistri nomine erudiat; & ad ipsum, quicquid nouerit, referat, ut singulis opportuna remedia, auxiliaque provideat.

- 5 Alterum medium. Per annos singulos quoddam examen siue scrutinium Novitiorum faciat, designatis videlicet tribus, quatuorve diebus, ut quisq; præmeditetur, qua potissimum passione acrius infestetur, ac proinde, qua nam virtute præsertim indigeat, & expleta præmeditatione, à Magistro vocatus, quid de se senserit, aperiat: Ut Magister ipse Novitium, ad sui cognitionem, ac victoriam iuvet. Postquam verò Novitius, omnia retulerit, Magister attentè rem explorabit, & vel errantem corriget, vel benè de se iudicantem adiuuabit; ut per totius vitæ cursum certis-

certis-

certissimè statuat, aduersus passionem, illam, qua sentit se molestius vexari, bellum gerere, & ad parandam virtutem qua magis indiget conari, atque in eum finem, peculiaribus medijs à Magistro præscribendis uti. Medium hoc quàm sit vtile, nemo rationis compos ambigere potest, cum ad sui cognitionem, ac victoriam, plurimum valeat. Omnibus ergo Novitijs singulatim examinatis, & in classes iuxta passionum virtutumq; delectum distributis, Magister proximis diebus factum examen subsequenter, consilia in hunc modum dare poterit. Vocabit in medium Oratorij, exempli gratia, eos, qui æstimatione sui vexati humilitatis virtute potissimum indigent: & vna exhortatione integra illos ad studium eius virtutis urgebit, præscribetque media prius accuratè perpenſa, quibus per totius vitæ cursum, operam nauaturi sunt. Rationes, quibus vnius virtutis delectum, tanquàm medium ad Christianam perfectionem, breui efficaciterq; comparandam opportunissimum persuadebit, habentur in nostra Instructione Novitiorum, tertia parte, vnde illas petere valebit. Iam verò, vt propositum molestissimæ passionis subiugandæ, & virtutis maximè necessariæ,

toto vitæ cursu, colendæ altiùs imprima-
tur; ad rem erit, in dicto die, omnes ad
communione solennissimam hortari, vt
ante Eucharistiæ sumptionem, Conceptis
verbis, cultum virtutis perennem firmi-
ter quisque proponat, absolutisq; verbis,
vt inter nos fieri consuevit, Sacramentum
sumat, Verba verò hæc, aut similia pro-
ferentur: Magistro ad fratres conuerso, Sa-
cramentumq; supra pyxidem, aut pate-
nam eleuatum tenente. Dulcissime Deus,
ac mitissime Redemptor noster Iesu Chri-
ste, Ego Prater, N. infinita bonitate tua,
fretus firmiter propono, me, per totius vi-
tæ cursum, virtuti (humilitatis) operam
diligentissimè daturum; ad gloriam tua
diuinæ Maiestatis, & purissimæ Virginis
Mariæ genitricis tuæ;

- 6 Aliud medium erit, cuiusque Nouitij vi-
res animi corporisq; perpendere, & mo-
nere, vt vnusquisq; aliquod pœnitentiæ
genus excogitet, cuius desiderio tenea-
tur, ad Christianæ mortificationis habi-
tum acquirendum, carnemq; spiritui sub-
iugandam. Monebit autem, vt singu-
li, postquam rem cogitauerint, scripto
notent, quod agere, (si obedientia annue-
rit) apud se statuerint, & ad ipsum, cum
vocati fuerint, deferant. Scripta ergo ad

se

se perlata perleget, & moderabitur, ita, ut neq; corpus nimis eneruet, neq; verò omnia prorsus improbet, aut neget. Magni quippe ponderis est, pueros crucis mortificationi assuescere. Propendeat verò in partem mitiorem, ut modicum, sit, quod concedit: Sic enim prudenter sperare poterit Novitios, quod semel statuunt, ubiq; ad senectutemq; usque servaturos. Quando verò illos alijs laboribus exercuerit, vel alijs animi anxietatibus, aut temporis iniuria, puta nimio estu affictos conspexerit, meminerit præcipere, ut ijs diebus, decretam corporis macerationem, puta catenulam, cilicium, vel ieiunium supererogationis intermittant. Iam autem per se planum est, à proposito hoc, tempus infirmitatis, excipi. Excipitur quoque tempus, quo, vel ex voto, vel ex præcepto, aut consilio obedientiæ aliquid magis vel æque asperum præstant. Excipitur præterea novum Superioris mandatum, quod iustis de causis fratribus iam professis, & alijs grauioribus occupationibus intentis imponi posset. Quibus omnibus rectè consideratis remanet moderatum quoddam sanctæ mortificationis exercitium, quod firmiter arreptum, & perseveranter observatum carnis equum

equum fallacem domat ; & immensa spiritus bona producit .

Aliud medium erit , trium capitum principalium præscriptio , quomodo scilicet se erga Deum erga seipfos , & erga proximos perfectè gerere debeant . Designatis nempe paucissimis regulis , quas ad cor in Deum erigendum , ad seipfos intrinsecus , & extrinsecus ordinandos , & ad bonam cum proximo conuersationem ex grauitate ac hilaritate compositam exercendam obseruare conentur . Exemplum sit . Ad cor in Deum erigendum , multiplex actus fidei , spei , amoris , & contritionis cum solita Dei præsentia coniunctus . Ad seipfos ordinandos , multiplex abnegatio proprii appetitus , puta septies saltem , aut octies in singulos dies repetita , & cum peculiari oculorum , & linguæ custodia conciliata . Ad conuersationem proximorum , sermo parcus , & spiritualis , & cura proximis cedendi , & placendi , quoad , salua disciplina monastica , licebit . Etenim si quis pauca hæc monita tenaciter apprehenderet , methodicè proficeret , & breuiter perfectus euaderet .

Aliud medium erit extraordinaria communio ijs , qui aliquid solito maius & sanctius egerint , præmij loco concessa . Solito

lito maius, & sanctius intelligimus, orationem longiorem, abstinentiam rigidior, strictius silentium, modestiam perfectiorem aliaq; similia. Medij huius utilitas ex eo, perspicitur, quod in aliorum exemplum cedit. Ceteri quippe Novitij, vnum præ ceteris Sacram Eucharistiam, sumere cernentes, causamq; in cultu perfectiore virtutum positam esse scientes, proculdubio æmulationis stimulo tangen-

- 9 Aliud medium erit; sponsio de alicuius virtutis exercitio prudenter facta. Prudenter scilicet facta: quia nonnulli spirituales viri cursum perfectionis incitaturi, sponsiones simul innumeras de plurimarum virtutum cultura in calore spiritus faciunt; cum exploratum sit, eos non modò tot tantarumq; virtutum studium non posse iuxta sponsionis modum explere, verum neque iuxta humanam fragilitatem tot virtutum posse meminisse. Quocirca eiusmodi sponsiones pereunt cum sonitu verborum, quæ in ijs faciendis feruenter proferuntur. Sponsio ergo, quam promovendæ perfectioni medium appositum esse dicimus; multiplex esse non debet. Sed una vel altera virtute, eaq; simplicissima: ut scilicet animus tanto plus virium
- ad

ad opus vnum conferat, quantò minùs rerum multitudine dissipatur. Proponet ergo Magister cum ei expedire videbitur silentij, exempli causa, certamen extraordinarium, ad quindecim, aut viginti dies, proposito, v. g. trium Missarum præmio ei, qui perfectissimè omnium à verbis abstinuerit. Dabitq; operam hoc & similibus alijs medijs adeò discipulos vrgere, vt si excedendum sit, nimia potiùs tenacitate mediocritatem excedant. Hi quippe sunt excessus in Nouitijs laudati qui ad tenendum, reliquo vitæ cursu, medium destinantur. Sponsiones igitur hæ sic fiant, vt Magister à discipulis extrema prope modum requirat. Sic inter nostros, Nouitij ita sanctè silere solent, vt per menses multos, solo cum Magistro verba necessaria faciant: in cæteris verò occasionibus, nutibus, pro verbis vtantur.

10 Aliud medium, vt in solennioribus festis, qualia sunt Paschata, & alia similia, coram Oratorij altari, vel alibi Magistro distante Nouitij omnes egregios fidei, spei, amoris, contritionis, magnanimitatis, & aliarum virtutum actus, additis quoque gestibus idem significantibus, multa cum animorum, & corporum alacritate producant. Nam præter animorum commotionem,

tionem, quæ (ut dicitur) ad vocem populi solet esse maxima; animi benè ad res diuinas affecti, in eorum dierum recreationibus, religiosius agunt. Ad rem hanc proculdubio conferent virtutum acclamationes, & anathematismi vitiorum; de quibus in penultimo huius libri capite scribemus. Huic medio annectimus aliud nostris fratribus vsitatum, diebus festorum solennium, quando scilicet Magister ostenso Sacramento nonnullos fidei, spei, amoris, contritionis, aliarumve virtutum actus ardentè profert, omnibus simul fratribus eadem Magistri verba repetentibus: moxq; communio celebratur.

- II** Aliud medium, ut Magister quasi militum ductor, qui suos milites ad urbem expugnandam, pro concione, adhortatur, Novitios exhortatione in id facta, vehementer impellat, ad virtutum aliquam, eximiam, puta, diuinam charitatem fortissimis cordis motibus, per quos cœlum violenter rapitur, postulandam; & per dies aliquot, puta, octo, aut decem, detecto quotidie per horam dimidiam Sanctissimo Eucharistiæ Sacramento omnes ad spem inuictissimam concipiendam, & cor, modico illo tempore validissimè in Deum erigendum exhortetur, peractaq; admonitione

nitio breuissima simul cum eis intentissimè oret. Medium hoc planè efficax est, ad animos extimulandos: & præter bona, alia multa, quæ parit, singulare hoc bonum affert, vt Nouitij, perfecti oratores euadant. Ex vno quippe huiusmodi conatu, & experimento, cor sursum ferri, & languorem, capitalem orationis inimicum, depellere discit: atque adeò, statas quotidianæ orationis horas, vtilius, quàm dici possit, insumit. Ex quo efficitur, vt occasione huius mediij, vel alterius similis, multi è Nouitijs, incredibili cordium, corporumq; mutatione, ad totius vitæ processum, velut in Angelos transformentur. Dabit autem operam Magister cum hoc medio vti decreuerit, in conspicuo omnibus Nouitijs loco, se ad eam dimidiam orationis horam ita corpore, vultuq; coaptare; vt discipuli eius spiritum, & positum, seu compositionem corporis imitantes, omnem deformitatem, inquietudinem, strepitumq; vitare, & quasi rem seriam acturi, se aptare condiscant. Monabit autem, ne nimio corporis, capitiq; conatu orent: ijs, quippe in occasionibus noui fratres adhuc spiritualium rerum ignari, naturam lædere solent.

12. Media hæc, ad exemplum, proposuimus,

vt

vt Magister prudens his vtatur, & alia, horum occasione, per se inuenire curet, ad spiritum alendum, & perficiendum. Patres certè nostri status monastici conditores media multa austeriora ad hunc eundem finem exercuerunt. Quosdam enim funibus ligatos in medium monachorum cœtum produci, atque ibi culpas grauiores confiteri iuebant. Alios è monachorum cœtu, velut Congregatione iustorum indignos, extra Cœnobij portas pellebant. Alios ridiculè indutos, tanquàm amentes, ad medios populos destinabant. Alios infortes seuerissimis pœnis exercebant. Hæc & alia similia fortissimis Christi militibus digna præstabant, qui disciplinæ monasticæ laude claruerunt: nos verò delicati milites leuiora experimenta vix ferimus. Benè est, vt (Dei gratia) in Religione nostra Beatæ Virginis, & fundatricis nostræ Teresiæ Sapientia & labore, multa quæ Patribus antiquis erant in vſu, suscitata & in morè induc[t]a sint: optandumq; est, vt Religiosi omnes, Magistri præsertim Nouitiorum, ad hanc gloriam maximam, Ecclesiæ toti vtilissimam aspirent.

- 13 Nouissimum prudentiæ consilium, quod hic Magistro impensè commendamus est,
oratio

oratio assidua , qua cum gemitibus multis à Clementissimo Deo , ac Redemptore nostro Iesu Christo , spiritum Sapientiae , & gratiam ad spiritus instruendos , & discernendos , & Christianam perfectionem promouendam , instantissimè postulet . Ad functionem quippe tam piam , & grauem , credendum est , praesentissimum Dei auxilium affuturum , si , vt par est , cum fide , ac perseuerantia postuletur .





PARS TERTIA

De Doctrina Nouitijs tra-
denda.



Cap. 1. De communibus doctri-
næ capitibus.



MAGNA sanè doctri-
næ pars in bono de-
lectu posita est.
Mundus quippe li-
bris, & scholis ple-
nus est; & tamen
paucissimi ad veram
sapientiam, hac præ-
sertim ætate pertin-

gunt. Quocirca Magister certò apud se

H statuat,

statuat, rem Deo acceptissimam Religioniq; saluberrimam se facturum, si doctrinæ tradendæ rationem habeat, & prudenter eligat.

2. Ponendum est hic, Novitiorum Magistrum insigni doctrina excultum esse debere: non enim virtutes tantummodò egregiæ, quales in parte prima depinximus, verum & eximia quoq; doctrina, ad discipulos illuminandos, perficiendosq; requiritur. Quapropter eæ Religiones, quæ auctiore spiritu Dei aguntur, in Magistros novorum fratrum, viros doctissimos assumunt. Cuius certè consilij ratio in promptu est, quia sicut ad rudes animos excolendos opus est mira prudentia ita ad implexas multiplicēs quæstiones subinde exortas dissoluendas, præsertim, quando Novitij nonnulli doctrina pollent, & in humilitatis officio continendi sunt, singulari scientia sæpissimè utendum est: & nisi gratia Dei copiosissima suppleat, quod scientiæ deesse solet, Magisterium istud sua auctoritate, ac decore, ac proinde fructu inde proventuro proculdubio caret. Experientia quoq; hoc ipsum convincit: vix enim dici potest, quantò altius imprimatur *Instructio Magistri* quem non modò spiritualem, verum & doctum discipuli novērunt,

runt, quàm illius, cui alterutrum deesse
conspiciunt.

- 3 His ergo positis Magister ad sana dogmata Nouitijs consentanea & ad docendi methodum animum aduertat: quæ sunt duo capita, ad quæ omnis penè doctrinæ tradendæ ratio reducitur. de primo nunc, de secundo, in proximo capite scribemus. Et quidem primum caput, quod sanam, consentaneamq; discipulis doctrinam complectitur, quod ad primam sui partem spectat, nempe, vt sana tutave doctrina sit, non prolixè à nobis tractandum est: credendum quippe, nihil non pium ac tutum eiusmodi auditoribus prædicandum, aut si fortè per incogitantiam labatur, à Magistro humili corrigendum, ne simplicibus animis, quicquid dicitur, velut oraculum accipientibus noceat. Secunda potius huius capitis pars, nimirum, vt doctrina Nouitijs consentanea sit, longiorem speculationem requirit.

- 4 Huius verò speculationis duplex labor est, vnus in designandis ijs, quæ proportionem habeant, alter in ijs excludendis, quæ à proportionem discrepant. Proportionem sanè habet doctrina multiplex de orationis studio, de mortificandis passionibus, de virtutibus acquirendis, de modo resistendi

tentationibus, de ratione rectè, ac fructuosè confitendi, Eucharistiamq; sumendi, de modo sacrum audiendi; de ratione religiosè recitandi, vtiliterq; legendi, de directione actuum in Deum, de vsu præsentiæ Dei, alijsq; similibus: qui certè campus & latissimè patet, & extra controuersiam, alijs doctrinis antepōnendus est. Hunc ergo campum Magister perambulet, & Nouitios ea fecunditate abundè pascat.

7. Alias verò doctrinas, vel subtilitate, vel dicendi copîa laudatas, quibus capita orationis, & compunctionis studio dedita obtunduntur, ne nominet quidem. Genus enim quoddam est adulterandi verbum, Dei, conceptus Metaphysicos, & Rhetoricis exornationibus artificiosè coloratos, modò genitis in Christo infantibus, prædicare. Grauias, sanctas, simplices, spiritu Dei afflante prolata, pastus proprius Nouitiorum est. Huc spectat aliqua Sacræ scripturæ lectio, qua Magister nonnunquam vti poterit, id primum obseruās, vt ad spiritum Dei alendum illam nouis fratribus attemperet. Idemq; ad proportionem de alijs pijs lectionibus ad culturam Nouitiorum, Magistri sententia, pertinentibus, asserendum est.

Cap.

Cap. 2. De modo doctrinae tradende, siue de methodo exhortationum.

2 **P** Arum certè proderit, exactè nosse, quid sit prædicandum nisi modum benè prædicandi quis nouerit. Quocirca de methodo, vt in capite proximo polliciti sumus, nunc agendum est. Principiò igitur Magistrum in Domino vehementer hortamur, ne fortuitò procedat, & absque methodo, prout, fors tulerit, exhortari, satis esse censeat. Sic enim, nunquam discipulos satis erudiet, dogmata confundet, nihil certi Nouitij è concione reportabunt, & anno expleto rogati de doctrina tradita, respondebunt profectò, se nihil didicisse; vix enim, incomposito illo exhortandi modo, aliquid se discere deprehendunt.

2 Loquatur ergo à consilio, & tractatum aliquem ex ijs, quos recensuimus à principio vsque ad finem persequatur: illoq, absoluto alium incipiat similiter, & absoluat. Exemplum sit, tractatus Orationis à primordio, ad finem vsque disertè expositus, & discipulis coaptatus, ita vt. absoluto il-

lo, partes orationis exercere, communes orantium errores vitare nouerint. Exemplum alterum sit, tractatus de passionibus ab initio ad finem usque percurfus; & Nouitijs adeò distinctè traditus, vt eo audito, iam seipsos introspicere passiones suas dignoscere, & aduersus eas bellum gerere possint. Idem pariter, de tractatione alia qualibet dicendum, nempe, vt si de virtute aliqua, puta, de Obedientia dicere incipiat, principalia eius virtutis capita exponat, & ponderet; ita vt Nouitij, quid obedientia sit, quæ circumstantiæ ad perfectum eius usum requirantur, quæ sint vitia obedientiæ integritatem corrumpentia, pernoscant. Hoc quippe modo, mirum dictu est, quantum in monastica disciplina peritia, praxiq; proficiant. Profecto breuius, quàm inexperti credant, noui fratres purgantur, & illuminantur & non modica ex parte perficiuntur.

- 3 Neque huic doctrinæ methodo obstat occasio multiplex occurrentes Nouitiorum, culpas corripiendi; quarum correptio si differretur, restincto illarum sensu, aut inutilis, aut parùm utilis foret: quia correptio ordinariè brevis esse debet, ac proinde tempus persequendis tractatibus cœptis non adimit: aut certè, si ob circumstantias

stantias correptio alicuius culpæ integram exhortationem exposcat, non inde concluditur, ut passim id contingat, & omnis exhortationum ordo perturbandus sit.

4. Iam igitur hoc posito, ut Magister non fortuito prædicet, superest ut aliam modi seu methodi observationem accipiat, quæ non in rerum, quæ tractantur, ordine, sed in ipso dicendi modo consistit: qui certè modus licet non sit omnibus communis (Dei quippe donum est) est tamen absque dubio mirabilis methodi perfectio, quoad fieri potest, à Magistris omnibus exquirenda. Modus ergo hic ex rationum connexionem, actionum decore, verborumque proprietate conflat. Connexio rationum mirificè prodest, ad erudiendum, & illuminandum, decor actionum ijs quæ dicuntur vitalem quandam vim ingenerat, quæ ad movendum magnopere confert verborum proprietates proculdubio delectationem parit.

5. Studeat ergo Magister quæ dicturus est, aptè disponere, rationesque paucas, & expensas ad exhortationes singulas connectere. Studeat decoris gestibus proferre, vultum, vocem, toriusque corporis motum, loco & personis attemperare, excessum, vehementiam, vocis elationem nimiam,

quæ ad mites Nouitiorum animos instruendos minimè necessaria sunt, vitare. Studeat denique verba propria sine affectatione sententijs adaptare, superflua quæq; præcidere, doctrinam, quæ distinctè tradi debet, verborum confusione non obtenebrare. Et quidem observationes hæ ex ipsa benè dicendi arte sponte sua nascuntur: Magister verò his contentus esse non debet: sed diuinæ gratiæ auxilio debet inniti; vt si talento careat, spiritus diuinus copiosius adsit, si habeat, spiritu eodem dotes naturæ perficiantur, ad animos discipulorum excolendos.

Cap. 3. De diuersis exhortationum modis.

CUm exhortationes Nouitiorum quotidiana esse debeant, vt ex reformatarum Religionum vsu perspicui potest: opera nauanda est, vt fastidium, quod forma vna semper repetita generat, varietate extenuetur. Quocirca Magister studeat novos interdum modos excogitare, qui animos alligant, & nouitate intercalata delectent. Nemini quippe dubium est, quin delectatio

tio vtilitati admista id boni præstet, vt quæ vtilia sunt, & obrepente tædio minùs vtiliter ab auditoribus acciperentur, auidius, ac proinde fructuosius accipiantur, quando, absque molestia, immò cum voluptate traduntur.

2. Magister ergo, præter communem dicendi morem, qui si bonus sit, à discipulis perceptus & ex forma cognitus, sine ambiguitate, prodest: vtetur nonnunquam, modis alijs, qui Nouitijs, ex consuetudine noti non sint. Exemplum sit, si fratribus circumfedere iussis, Magister in media velut area sedens, pictam v. g. hominis imaginem extensa carta in solo iacentem interpretetur; omnibus scilicet attentè spectantibus, ipsoq; arundine, seu virga aliqua in id coaptata, partes hominis indicante, vbi scilicet passiones excitentur, vbi sit orationis sedes, vbi rerum, imagines formentur. Hac enim arte animi capiuntur, delectantur, breuiusq; & faciliùs quàm voce tenus illuminantur, & salutarem doctrinam imaginibus expressam firmiùs, diutiusq; conseruant: quod experientia satis compertum est.

3. Modus alius extraordinarius sit, designatis tribus, quatuorve Nouitijs in Oratorij medio sedere iussis, & certas sibi ante

id

id tempus à Magistro traditas interrogationes ad omnium instructionem proponentibus; disertè unicuiq; respondere, ac doctrinam vniuersis fratribus ea forma delectabiliorem efficere. Exemplum sit, si vnus è quattuor in medio existentibus sci sciteretur, quâ ratione orationis mentalis partes disponendæ, ac exercendæ sint; si alter roget, quali Dei præsentia in officio diuino persoluendo, sit vtendum. Si alius petat, quo pacto iræ passio compescenda sit. Si denique alius quærat, quænam sint perfectæ obedientiæ conditiones, aut circumstantiæ, quæ passim exerceri debeant. Ecce, ex occasione interrogationum Magister doctrinam suauiter variatam discipulis vtilius tradet, quàm si eandem solito more semper tradere perseueraret.

- 4 Modus alius esto, vnum è Nouitijs interrogare, quid v. g. de statu monastico sentiat, & vel errantem corrigere, vel rectè dicentem adiuuare, amplificata scilicet doctrina, eo modo, quem Magister ipse ad exhortationem præmeditatus fuerat, decernens de bono status monastici disse-rere. Etenim, vel solus ille modus exhortationem incipiendi fratres attentiores effecit.

- 5 Modus alius à loco extrinsecus affixus sit,
Orato-

Oratorium à consilio, præ diebus alijs, ornare, floribusve inspergere, ita ut fratres inopini locum illum gratiorem solito inveniunt. Ex hoc enim ipso vestigiò conijciunt, aliquid solito maius ibi agendum, esse; ac per hoc avidius animos exhortationi adaptant, doctrinamq; accuratius ponderant. Erit autem ad rem hoc uti modo, cum Magister aliquid magni ponderis Novitiorum animis altius imprimere cupit.

6. Modus alius efficax valde in sacra communionis opportunitate inest: ut scilicet statim à Sacramenti receptione, antequàm fratres ab Oratorio recedant, Magister benè tunc affectos, ac molles exhortetur. Porro rem esse utilissimam & ratio, & experientia docet.
7. Modus alius compendiosus sit, selecta, exempli gratia, virtute aliqua, de qua Magister verba facere decrevit, fratres genua flectere iussos brevissimè hortari, & maiorem temporis partem producendis virtutis illius, & aliarum similium actibus impendere: ita nimirum ut Magister præcat dicendo affectusq; excitando, discipuli verò respondeant, firmissimè proponendo, & omnem difficultatem, pro cultu virtutis superare decernendo. Modos hos,

ad

ad exemplum proposuimus : prudens verò Magister his vti, aliosq; inuenire valebit.

*Cap. 4. De scopo exhortationum ,
& via, qua Nouitij ordinariè
ducendi sunt .*

EXhortationum Scopus est Nouitios purgare , illuminare atq; perficere : purgare scilicet à vetustis vitijs , & præsentibus culpis ac ignorantia : illuminare clarissima & formosissima luce virtutum : perficere suauissimo diuini amoris , & vnionis studio . Verùm discriminis ratio habenda est : quia tertium hoc , & omnium planè maximum , licèt à Nouitijs quoque sit optandum , parcè tamen exercendum est , cùm sit opus perfectiorum , & ipsi perfecti non sint . Debent illi sanè à principio instrui , vt actus omnes suos amore Dei , siue propter Deum efficere conentur . Etsi enim Incipientes sint , non ob id finem inspicere non debent : si enim diligunt Deum super omnia , quippe qui aliter , ne Incipientes quidem essent , æquum erit , vt propter illum omnia agere meminerint , quem super omnia , & propter quem omnia diligere cœperunt . At
cāueant ,

caueant; ne exercitia illa sublimia, quæ animas passionum victorijs, & virtutum iam luminibus illustratas decent, audacter attingant: Omnia quippe tempus habent.

2. Magister ergo ne permittat discipulos ordinem invertere: sed moneat, vt oculos mentis in statum perfectorum intendentes, & eò pertingere satagentes, viam, quæ vitiorum expurgatio, & virtutum acquisitio est, inuicta fortitudine conficiant. Dabitq; Operam, vt similes euadant viro Sapienti, qui ædificauit domum suam supra petram: Exhortationesq; in id ipsum diriget, meditationes, & exercitia pariter in eundem hunc scopum collimabit.

3. Cauebit igitur errorem illum enormem, quo pleriq; non modò saculares, Verùm & Religiosi apparenter spirituales tenentur: qui nescio quibus internis actibus intentissimi, de mortificandis passionibus, de propria voluntate iudicioq; abnegando, de carne maceranda, de virtutibus per sudores & agones comparandis minimè cogitant.

4. Studebit potius, vt Nouitij hæc omnia, quæ via vitæ arcta complectitur, mente complectantur, & exequantur, vt legitime certent. Huc labor penè omnis debet incum-

incumbere, quia hic omnis penè difficultas sita est.

- 5 Docebit ergo Nouitios recenter indutos initium Sapientiæ timorem scilicet Domini : Instruetq; illos quatuor nouissimorum meditationibus . Docebit modum mortificandi passiones, ac simul malos vitiiorum habitus contrariarum virtutum actibus extirpandi . Inducet illos sensim in meditationem, & imitationem passionis Iesu Christi Domini Nostri . Et hanc methodum ordinariè seruabit; nisi Nouitius aliquis iusta de causa, puta, quia in sæculo hæc ipsa satis præstitit, vel quia eius spiritus benè exploratus singulare quippiam persuaderet, aliter ducendus esset, sanctum deniq; odium parentum, amicorum, & omnium bonorum mundi, perfectamq; renuntiationem, omnibus recenter indutis persuadebit.

Cap. 5. De regulis in exhortatione obseruandis.

N Eminem è viris spiritualibus fugit, obseruationes peculiare ad salubriter hortandum esse necessarias: multa quippe ibi temperanda,

randā, multa leniter, multa grauitē proferenda, multa prætereunda, multa repetenda, & alijs modis varianda.

1. Prima ergo regula sit, vt Magister amorem potius, quàm timorem dicendo capteret. Sic enim cordium Dominus erit, & Novitios flectet, quò voluerit.
2. Secunda regula. In correptionibus, ne vtatur verbis contumeliosis, sed suauibus, & ad cor emolliendum opportunis.
3. Tertia regula. Ne sit minax, grauiā supplicia crebrò prædicens, si quis ei præcipienti non paruerit: experientia quippe constat eas minas vulgò parum prodesse.
4. Regula. Ne vociferetur: neque enim locus, vel auditores id requirunt.
5. Regula. Ne nimis grauitē, vel imperiose loquatur: sic enim animos alienaret.
6. Regula. Excuset interdum culpas extraordinarias, quas commissas fuisse nouit, aliens difficilè creditu esse, eas, nisi per incoegitantiam, admissas fuisse; & mox sic excusatas, & à personis abstractas, vehementer excretur.
7. Regula. Leuiores imperfectiones, in quas aliquis sæpe monitus relabitur, sæpe in exhortationibus dissimulet; maius quippe

pe scandalum seu damnum culpa sæpe repetita, & notata alijs infert: quàm sit bonum quod correptio crebrò repetita relabenti affert. Priuatim verò illum admonabit.

8 Regula. Religionis amorem, & minimarum quoq; cæremoniarum æstimationem sæpe persuadear, & repetat.

9 Regula. Verarum virtutum amorem, culparum, & imperfectionum odium frequenter commendet.

10 Regula. Ante sollemnissima festa, hortabitur ad idoneam præparationem, leui aliqua re, puta trina prostratione, vel actu alio simili per dies aliquot communiter iniuncto, ad spiritum excitandum, vt maiora discipuli priuatim poscant.

11 Regula. Hortabitur crebrò ad regularem obseruantiam, vt fratres celerrimè in actus communes, signo dato, conueniant, & tabellas ad matutinum & Orationem, pulsari solitas arripiant.

12 Regula. Monebit frequenter, vt perennis illa oratio, quæ à fratribus nostris coram Sacramento fieri consuevit, fidissimè exerceatur.

13 Regula. Hortabitur sæpe, modosq; præscribet, ad modestissimè cum alijs agendum, siue cum Religiosis, siue vbi occasio

id

- id tulerit secularibus : neque Nouitios rudes , & insuaues esse patietur .
- 14 Regulas has exempli causa propositas , aliasq; similes , quas per se Magister inueniet , ad fratrum culturam obseruabit .

*Cap. 6. De exigenda ratione
exhortationum .*

- 1 **M**onebit Magister ne Nouitij , secularium more , audiendis exhortationibus assuescant ; quasi satis eis sit , modico illo tempore , quo fit exhortatio , ad pietatem inflammari , neque aliud in posterum prospicere . Sic enim Magistrum audire debent , vt scientiam Sanctorum ediscant ; & quæ didicerint , ad posteriorem vsum conseruent .
- 2 Exiget ergo nonnunquam , eorum , quæ dixit , rationem , vt discipulos vigilantiores efficiat ; monebitq; vt selectissimas aliquot exhortationum sententias , aut verba sacræ scripturæ , vel Sanctorum quibus Nouitij se commoueri senserunt , scripto notent : & ad eas relegendas , tempore præsertim ariditatis , inducat .
- 3 Quàm sit autem rationi consentanea per-
I suasio

tentationibus, de ratione rectè, ac fructuosè confitendi, Eucharistiamq; sumendi, de modo sacrum audiendi, de ratione religiosè recitandi, vtiliterq; legendi, de directione actuum in Deum, de usu præsentiæ Dei, alijsq; similibus: qui certè campus & latissimè patet, & extra controuersiam, alijs doctrinis antepōnendus est. Hunc ergo campum Magister perambulet, & Nouitios ea fœcunditate abundè pascat.

7. Alias verò doctrinas, vel subtilitate, vel dicendi copîa laudatas, quibus capita orationis, & compunctionis studio dedita obtunduntur, ne nominet quidem. Genus enim quoddam est adulterandi verbum, Dei, conceptus Metaphysicos, & Rhetoricis exornationibus artificiosè coloratos, modò genitis in Christo infantibus, prædicare. Grauiâ, sanctâ, simplicia, spiritu Dei afflante prolata, pastus proprius Nouitiorum est. Huc spectat aliqua Sacræ scripturæ lectio, qua Magister nonnunquam vti poterit, id primum obseruâs, vt ad spiritum Dei alendum illam nouis fratribus attemperet. Idemq; ad proportionem de alijs pijs lectionibus ad culturam Nouitiorum, Magistri sententia, pertinentibus, asserendum est.

Cap.

Cap. 2. De modo doctrinæ tradendæ, siue de methodo exhortationum.

2 **P** Arum certè proderit, exactè nosse, quid sit prædicandum nisi modum benè prædicandi quis nouerit.

Quocirca de methodo, vt in capite proximo polliciti sumus, nunc agendum est. Principiò igitur Magistrum in Domino vehementer hortamur, ne fortuitò procedat, & absque methodo, prout, fors tulerit, exhortari, satis esse censeat. Sic enim, nunquam discipulos satis erudiet, dogmata confundet, nihil certi Nouitij è concione reportabunt, & anno expleto rogati de doctrina tradita, respondebunt profectò, se nihil didicisse; vix enim, incomposito illo exhortandi modo, aliquid se discere depræhendunt.

2 Loquatur ergo à consilio, & tractatum aliquem ex ijs, quos recensuimus à principio vsque ad finem persequatur: illoq, absoluto alium incipiat similiter, & absoluat. Exemplum sit, tractatus Orationis à primordio, ad finem vsque disertè expositus, & discipulis coaptatus, ita vt. absoluto il-

lo, partes orationis exercere, communes orantium errores vitare nouerint. Exemplum alterum sit, tractatus de passionibus ab initio ad finem usque percurfus; & Nouitijs adeò distinctè traditus, vt eo audito, iam seipsos introspicere passiones suas dignoscere, & aduersus eas bellum gerere possint. Idem pariter, de tractatione alia qualibet dicendum, nempe, vt si de virtute aliqua, puta, de Obedientia dicere incipiat, principalia eius virtutis capita exponat, & ponderet; ita vt Nouitij, quid obedientia sit, quæ circumstantiæ ad perfectum eius usum requirantur, quæ sint vitia obedientiæ integritatem corrumpentia, pernoscant. Hoc quippe modo, mirum dictu est, quantum in monastica disciplina peritia, praxiq; proficiant. Profectò breuius, quam inexperti credant, noui fratres purgantur, & illuminantur & non modica ex parte perficiuntur.

- 9 Neque huic doctrinæ methodo obstat occasio multiplex occurrentes Nouitiorum, culpas corripiendi; quarum correptio si differretur, restincto illarum sensu, aut inutilis, aut parùm utilis foret: quia correptio ordinariè breuis esse debet, ac proinde tempus persequendis tractatibus cœptis non adimit: aut certè, si ob circumstantias

stantias correptio alicuius culpæ integram exhortationem exposcat, non inde concluditur, ut passim id contingat, & omnis exhortationum ordo perturbandus sit.

4. Iam igitur hoc posito, ut Magister non fortuito prædicet, superest ut aliam modi seu methodi observationem accipiat, quæ non in rerum, quæ tractantur, ordine, sed in ipso dicendi modo consistit: qui certè modus licet non sit omnibus communis (Dei quippe donum est) est tamen absque dubio mirabilis methodi perfectio, quoad fieri potest, à Magistris omnibus exquirenda. Modus ergo hic ex rationum connexionem, actionum decore, verborumque proprietate conflatur. Connexio rationum mirificè prodest, ad erudiendum, & illuminandum, decor actionum ijs quæ dicuntur vitalem quandam vim ingenerat, quæ ad movendum magnopere confert verborum proprietates proculdubio delectationem parit.

5. Studeat ergo Magister quæ dicturus est, aptè disponere, rationesque paucas, & expensas ad exhortationes singulas connectere. Studeat decoris gestibus proferre, vultum, vocem, torusque corporis motum, loco & personis attemperare, excessum, vehementiam, vocis elationem nimiam,

H 4 quæ

quæ ad mites Nouitiorum animos instruendos minimè necessaria sunt, vitare. Studeat denique verba propria sine affectatione sententijs adaptare, superflua quæq; præcidere, doctrinam, quæ distinctè tradi debet, verborum confusione non obtenebrare. Et quidem observationes hæ ex ipsa benè dicendi arte sponte sua nascuntur: Magister verò his contentus esse non debet: sed diuinæ gratiæ auxilio debet inniti; vt si talento careat, spiritus diuinus copiosius adsit, si habeat, spiritu eodem dotes naturæ perficiantur, ad animos discipulorum excolendos.

Cap. 3. De diuersis exhortationum modis.

CUm exhortationes Nouitiorum quotidiana esse debeant, vt ex reformatarum Religionum vsu perspicui potest: opera nauanda est, vt fastidium, quod forma vna semper repetita generat, varietate extenuetur. Quocirca Magister studeat nouos interdum modos excogitare, qui animos alligant, & nouitate intercalata delectent. Nemini quippe dubium est, quin delectatio

tio vtilitati admista id boni præstet, vt quæ vtilia sunt, & obrepente tædio minùs vtiliter ab auditoribus acciperentur, auidius, ac proinde fructuosius accipiantur, quando, absque molestia, immò cum voluptate traduntur.

2. Magister ergo, præter communem dicendi morem, qui si bonus sit, à discipulis perceptus & ex forma cognitus, sine ambiguitate, prodest: vtetur nonnunquam, modis alijs, qui Nouitijs, ex consuetudine noti non sint. Exemplum sit, si fratribus circumfedere iussis, Magister in media velut area sedens, pictam v. g. hominis imaginem extensa carta in solo iacentem interpretetur; omnibus scilicet attentè spectantibus, ipsoq; arundine, seu virga aliqua in id coaptata, partes hominis indicante, vbi scilicet passiones excitentur, vbi sit orationis sedes, vbi rerum, imagines formentur. Hac enim arte animi capiuntur, delectantur, breuiusq; & faciliùs quàm voce tenuis illuminantur, & salutarem doctrinam imaginibus expressam firmiùs, diutiusq; conseruant: quod experientia satis compertum est.

3. Modus alius extraordinarius sit, designatis tribus, quatuorve Nouitijs in Oratorij medio sedere iussis, & certas sibi ante

id

Oratorium à consilio, præ diebus alijs, ornare, floribusve inspergere, ita ut fratres inopini locum illum gratiorem solito inveniunt. Ex hoc enim ipso vestigiò conijciunt, aliquid solito majus ibi agendum esse; ac per hoc avidius animos exhortationi adaptant, doctrinamq; accuratius ponderant. Erit autem ad rem hoc uti modo, cum Magister aliquid magni ponderis Novitiorum animis altius imprimere cupit.

6. Modus alius efficax valde in sacrae communionis opportunitate inest: ut scilicet statim à Sacramenti receptione; antequàm fratres ab Oratorio recedant, Magister bene tunc affectos, ac molles exhortetur. Porro rem esse utilissimam & ratio, & experientia docet.
7. Modus alius compendiosus sit, selecta, exempli gratia, virtute aliqua, de qua Magister verba facere decrevit; fratres genua flectere iussos brevissimè hortari, & maiorem temporis partem producendis virtutis illius, & aliarum similium actibus impendere: ita nimirum ut Magister præcat dicendo affectusq; excitando, discipuli verò respondeant; firmissimè proponendo, & omnem difficultatem, pro cultu virtutis superare decernendo. Modos hos,

ad

ad exemplum proposuimus : prudens verò Magister his uti, aliosq; inuenire valebit.

*Cap. 4. De scopo exhortationum ,
& via, qua Nouitij ordinariè
ducendi sunt .*

1 **E**xhortationum Scopus est Nouitios purgare , illuminare atq; perficere : purgare scilicet à vetustis vitijs , & præsentibus culpis ac ignorantia: illuminare clarissima & formosissima luce virtutum : perficere suauissimo diuini amoris , & vnionis studio . Verùm discriminis ratio habenda est: quia tertium hoc , & omnium planè maximum, licèt à Nouitijs quoque sit optandum, parcè tamen exercendum est , cùm sit opus perfectiorum , & ipsi perfecti non sint . Debent illi sanè à principio instrui , vt actus omnes suos amore Dei , siue propter Deum efficere conentur . Etsi enim Incipientes sint , non ob id finem inspicere non debent : si enim diligunt Deum super omnia , quippe qui aliter , ne Incipientes quidem essent , æquum erit , vt propter illum omnia agere meminerint , quem super omnia, & propter quem omnia diligere cœperunt . At
caueant ,

caueant; ne exercitia illa sublimia, quæ animas passionum victorijs, & virtutum iam luminibus illustratas decent, audacter attingant: Omnia quippe tempus habent.

2. Magister ergo ne permittat discipulos ordinem inuertere: sed moneat, vt oculos mentis in statum perfectorum intendentes, & eò pertingere satagentes, viam, quæ vitiorum expurgatio, & virtutum acquisitio est, inuicta fortitudine conficiant. Dabitq; operam, vt similes euadant viro Sapienti, qui ædificauit domum suam supra petram: Exhortationesq; in id ipsum diriget, meditationes, & exercitia pariter in eundem hunc scopum collimabit.
3. Cauebit igitur errorem illum enormem, quo pleriq; non modò saculares, Verùm & Religiosi apparenter spirituales tenentur: qui nescio quibus internis actibus intentissimi, de mortificandis passionibus, de propria voluntate iudicioq; abnegando, de carne maceranda, de virtutibus per sudores & agones comparandis minimè cogitant.
4. Studebit potius, vt Novitij hæc omnia, quæ via vitæ arcta complectitur, mente complectantur, & exequantur, vt legitime certent. Huius labor penè omnis debet incum-

incumbere, quia hic omnis penè difficultas sita est.

- 5 Docebit ergo Nouitios recenter indutos initium Sapientiæ timorem scilicet Domini : Instruetq; illos quatuor nouissimorum meditationibus . Docebit modum mortificandi passiones, ac simul malos vitiolorum habitus contrariarum virtutum actibus extirpandi . Inducet illos sensim in meditationem, & imitationem passionis Iesu Christi Domini Nostri . Et hanc methodum ordinariè seruabit; nisi Nouitios aliquis iusta de causa, puta, quia in sæculo hæc ipsa satis præstitit, vel quia eius spiritus benè exploratus singulare quippiam persuaderet, aliter ducendus esset, sanctum deniq; odium parentum, amicorum, & omnium bonorum mundi, perfectamq; renuntiationem, omnibus recenter indutis persuadebit.

Cap. 5. De regulis in exhortatione obseruandis.

N Eminem è viris spiritualibus fugit, obseruationes peculiare ad salubriter hortandum esse necessarias: multa quippe ibi temperanda,

landa, multa leniter, multa grauiter proferenda, multa prætereunda, multa repetenda, & alijs modis varianda.

1. Prima ergo regula fit, vt Magister amorem potius, quàm timorem dicendo capiet. Sic enim cordium Dominus erit, & Novitios flectet, quò voluerit.
2. Secunda regula. In correptionibus, ne vtatur verbis contumeliosis, sed suauibus, & ad cor emolliendum opportunis.
3. Tertia regula. Ne sit minax, graua supplicia crebrò prædicens, si quis ei præcipienti non paruerit: experientia quippe constat eas minas vulgò parùm prodesse.
4. Regula. Ne vociferetur: neque enim locus, vel auditores id requirunt.
5. Regula. Ne nimis grauitèr, vel imperiose loquatur: sic enim animos alienaret.
6. Regula. Excuset interdum culpas extraordinarias, quas commissas fuisse nouit, aiens difficilè creditu esse, eas, nisi per incoGITANTIAM, admissas fuisse; & mox sic excusatas, & à personis abstractas, vehementer execretur.
7. Regula. Leuiiores imperfectiones, in quas aliquis sæpe monitus relabitur, sæpe in exhortationibus dissimulet; maius quippe

pe scandalum seu damnum culpa sæpe repetita, & notata alijs infert: quàm sit bonum quod correptio crebrò repetita relabenti affert. Priuatim verò illum admonabit.

8 Regula. Religionis amorem, & minimarum quoq; cæremoniarum æstimationem sæpe persuadeat, & repetat.

9 Regula. Verarum virtutum amorem, culparum, & imperfectionum odium frequenter commendet.

10 Regula. Ante solennissima festa, hortabitur ad idoneam præparationem, leui aliqua re, puta trina prostratione, vel actu alio simili per dies aliquot communiter iniuncto, ad spiritum excitandum, vt maiora discipuli priuatim poscant.

11 Regula. Hortabitur crebrò ad regularem obseruantiam, vt fratres celerrimè in actus communes, signo dato, conueniant, & tabellas ad matutinum & Orationem, pulsari solitas arripiant.

12 Regula. Monebit frequenter, vt perennis illa oratio, quæ à fratribus nostris coram Sacramento fieri consuevit, fidissimè exerceatur.

13 Regula. Hortabitur sæpe, modosq; præscribet, ad modestissimè cum alijs agendum, siue cum Religiosis, siue vbi occasio

id

id tulerit secularibus : neque Nouitios rudes , & insuaues esse patietur .

- 14 Regulas has exempli causa propositas , aliasq; similes , quas per se Magister inueniet , ad fratrum culturam obseruabit .

*Cap. 6. De exigenda ratione
exhortationum .*

1 **M**onebit Magister ne Nouitij , secularium more , audiendis exhortationibus assuescant ; quasi satis eis sit , modico illo tempore , quo fit exhortatio , ad pietatem inflammari , neque aliud in posterum prospicere . Sic enim Magistrum audire debent , vt scientiam Sanctorum ediscant ; & quæ didicerint , ad posteriorem usum conseruent .

- 2 Exiget ergo nonnunquam , eorum , quæ dixit , rationem , vt discipulos vigilantiores efficiat ; monebitq; vt selectissimas aliquot exhortationum sententias , aut verba sacræ scripturæ , vel Sanctorum quibus Nouitij se commoueri senserunt , scripto notent : & ad eas relegendas , tempore præsertim ariditatis , inducat .

- 3 Quàm sit autem rationi consentanea per-

I suasio

suasio hæc, ex eo perspicitur, quòd viri spirituales ex sanctorum doctrina, student ea vitare, quibus anima arescit, illa verò diligenter exquirere, quibus deuotionis sensus excitatur. Atq; ideò consilium saluberrimum est, vt Nouitius quisque à suæ renuntiationis initio huic Sanctorum doctrinæ acquiescat, & in codice notet non multas, aut longas, sed paucas breuesq; sententias, quæ cor emolliant, compunctionis sensum ingenerent, desideria æternorum bonorum excitent, mœrorem expellant, & Religiosos alacres ad omne pietatis opus expédiant.

4. Verùm, quò Nouitiorum fidem & animum Magister experiatur; ad rem erit, vt omnes ad locum opportunum quandoq; conuocet, & quæ dictabit, scripto excipere iubeat. Dictabit autem pauca, & facilè selecta, quæ ipse nouit, eis profutura; monebitq; parati sint, ea, cùm rogati fuerint, fideliter referre. Hæc autem, quæ tunc suggeret, esse poterunt documenta aliqua, quæ memoria retinere, magni ponderis sit, vel verba aliqua, quibus communiter omnium Nouitiorum animos inflammatos fuisse compertum est.

5. Postquàm verò in memoriæ exercitium deue-

deuenimus, vtile consilium erit, Novitios in propria ipsorum Instructione exercere: proposito nimirum pramio aliquo ei, qui rogatus, de prima v.g. aut secunda Instructionis parte, summam paragraphi cuiuslibet, fidelius, promptiusq; retulerit. Sic enim æmulatione alterutra proficient, tempusq; in re vtilissima fructuosè insument: quod in tenera præsertim ætate maximi ponderis est.

Cap. 7. De distributione exhortationum, ac tempore exhortationi præfigendo.

POnendum est hic, singulis diebus, excepta die, qua Capitulum per hebdomadas singulas celebratur, exhortationem faciendam esse, quod Magister fidissimè observabit, ne conceptus Spiritus sancti calor elangueat. Sic autem exhortationum dies temperandi sunt, vt non semper ibi de culparum correptione agatur. FERIA ergo secunda, & quarta (solenni festo, seu professionis die aliud non exigente) fratres à Zelatore, (qui erit Magistri Socius) admonitos, vel à seipsis accusatos breuiter corripiet;

ripiet; moxq; exhortationem habebit.

- 2 FERIA vero tertia, & Sabbato exiget rationem de cultu virtutum, quibus eo tempore fratres studuerint, simulq; de præsentia Dei, hoc est, quo pacto ijs diebus Deum præsentem cogitare, & cor in ipsum erigere assuescant: quo item modo Dei præsentiam, cum virtute, quam per hebdomadam illam colere nituntur, conciliare studeant. Debent enim meditationes, seu bonas cogitationes à Dei præsentia enascentes ita virtuti, de qua paranda cogitant, adaptare, vt vim à præsentia Dei conceptam ad virtutem acquirendam conferant; quemadmodum fratres nostri semper consueuerunt.

- 3 FERIA quinta, exhortatio ordinaria fiet, sicut & die Dominica, nisi concio in Ecclesia habeatur, cui, in loco à sæcularibus separato, atq; tecto, Nouitij, cum cæteris fratribus intererunt. Iam verò omnibus ijs diebus, quibus fratres Nouitij Eucharistiam sument, loco recreationis solitæ, fiet spiritualis collatio, de festo, vel Euangelio occurrente, vel de re quavis, ad spirituales profectum opportuna, Magistro sciscitante ab ynoquoque discipulo ac denique ex collatis singulorum, sententijs proposita definiente. Vbi iube-

re

re poterit, vt quisq; dubia quæuis, de exercitijs, actibus, vel vniuersè de spirituali profectu proponat; eaq; decideret, vt responso vno cuncti erudiantur. Si autem res ardua sit, responsum differat, quousque rem pertractet, & si opus fuerit, alios consulat.

- 4 Quod ad exhortationis tempus spectat, ultra horam dimidiam exhortatio non procurret, nisi extraordinaria aliqua ratio oppositum persuadeat. Eiusmodi quippe tempus sufficit ad spirituales quotidianaq; pastum: experientiaq; constat, spirituales etiam auditores è prolixis concionibus insigne damnum accipere. Nam quod ad certam vsque metam, puta ad horam vsque dimidiam profuerat, animumq; ad pietatem excitauerat, succedente concionis æquo longioris tædio, ab anima prolixitatem fastidiente velut euomitur. Subest efficax ratio multiplex ad rem hanc persuadendam: nam cursus exhortationum, non vna tantum quadragesima, vel alio tempore definito durat, sed perennis est, ac ideò mediocritate temperandus. Præterea Novitiorum animi non indigent proæmijs, & verborum apparatu, aut eruditione multa, quæ publicarum concionum partem non exiguam sibi vendicant;

sed mera instructione, vel modica affectus excitatione. Deinde, vel Magister suauiter dicit, vel insuauiter: si hoc secundum, perspectum est, tempus dicendi corripere debere, ne nimis displiceat, & grauet: si primum, prudentia suggerit, ne suauitatem, prolixitate, siue importunitate perdat, præterquam quòd rectius consilium est, auditores audiendi cupidos, quàm saturatos relinquere. Appetentia quippe Instructionis spiritum alit, saturitas fastidium creat.

Cap. 8. De catalogo eorum, quæ à Magistro docenda sunt, cum subiectis annotationibus.

Fratres omnes recenter indutos instruet Christianæ doctrinæ notitiæ perfectiore, quàm quæ in sæculo passim habetur.

Annotatio. Fidei mysteria ita Nouitijs explicabit, vt non sola quantumuis fidei articulorum fidei memoria contenti sint; sed vt mysteriorum sensum capiant, & rationem eorum aliquam reddere norint. Expediit enim, in oblatiis plerisq; occasionibus, non modò fratres Choristas, verum

rūm & laicos, & donatos Doctrinæ Christianæ præcones esse, præsertim cum de missionibus cogitemus.

- 2 Docebit diuinæ legis præcepta, altiore modo, quàm qui apud sæculares in vfu est, æstimare, & in medio corde recondere.

Annotatio. Exponet breuissime Decalogi fontes & præcepta, ita vt Nouitij maiorem solito eorum notitiam pariant. Quid scilicet sit, Deum super omnia diligere, ex toto corde. Quid sit Deum colere. Quid sit proximum sicut seipsos diligere, &c.

- 3 Docebit votorum solennium sensum, & obligandi vim.

Annotatio. Breuiter exponet, quid sit vouere Deo, quomodo obediendum, vt voto satisfiat, quomodo sit obseruandum votum castitatis, & paupertatis, & votum item non ambiendi, quod Congregatio nostra adiecit. Si enim vota hæc in professione emissuri sunt; æquum est, illorum vim sensumq; prænoscant.

- 4 Docebit Regulæ obligationem & sensum ad breuissima capita redactum.

Annotatio. Sine vllis quæstionibus tutiores Regulæ interpretationes Nouitijs tradet: ostendetq; quonam modo in Regulæ transgressione peccetur.

- 5 Docebit Constitutionum obligationem.
 Annotatio. Non est necesse Constitutionum volumen percurrere, neque verò aliquid ex eis, nisi Magister rogetur, interpretari: cum Constitutiones eæ, quæ passim obseruandæ sunt perspicuæ sint, & in Refectorio quotidie, per capita, legantur. Illarum ergo obseruationem, æstimationemq; monebit.
- 6 Docebit Instructionum obseruationem.
 Annotatio. Nihil hic immorari opus erit: sed Nouitios admonere, vt Instructiones officiorum, quæ exercent, fidissimè seruent; easq; statim ac officia eis, iniunguntur, attentè legant.
- 7 Docebit compendium Orationis, quod in Instructione Nouitiorum habetur.
 Annotatio. Compendium illud completur, quicquid ordinariè à scriptoribus de Oratione mentali traditur. Et adiecta breui Magistri expositione Nouitij de re hac planè grauissima sufficienter instruentur.
- 8 Docebit modum mortificandi passiones.
 Annotatio. Explanabit tractatum de passionibus, qui habetur in Instructione Nouitiorum: dabitq; operam, vt singuli, & passionum numerum, & mortificandi modos distinctè sciant, atque exercent.

Sciën-

Scientia quippe hæc proculdubiò vtilissima est.

- 9 Docebit modum parandi virtutes.

Annotatio. Vti poterit doctrina, quæ habetur in secunda parte Instructionis Novitiornm: curabitq; vt interiores, & exteriores virtutum actus propriè, ac promptè producere nouerint: & vti rem summopere necessariam eis hanc peritiam commendabit.

- 10 Docebit modum rectè peccata confitendi.

Annotatio. Præscribet Nouitijs conscientiam examinandi formulam ad breuissima & paucissima capita redactam. Vt scilicet per cogitationes, verba, & opera, & omissiones discurrant; & (quod caput est) rationes, siue (vt vulgò dicimus) motiua ad contritionem concipiendam in promptu habeant. Mox verò ad Magistri pedes prouoluti, præmissa dimidia Confessione generali, summa cum animi demissione culpas per supradicta capita, distinctè recenseant: sub finemq; aliquid ex antea acta vita determinatum, puta, præteritæ vitæ mendacia, proferant; totiusq; vitæ peccata vniuersè propter Deum summè dilectū formaliter detestentur, ac in posterum non peccare certissimè statuant.

11 Docebit modum rectè communicandi.

Annotatio. Modus hic ex tribus componitur, ex idonea præparatione, ex humili, religiosaq; sumptione, ex gratiarum actione: Magister ergo doceat Nouitios idoneam præparationem, qualis esset exercitatio fidei, spei, & amoris, per multiplices actus in sanctam Eucharistiam directos: Idoneam item sumptionem cum animi demissione, ac diuinæ vnionis desiderio: debitam quoque gratiarum actionem summa æstimatione tanti doni, ac integra voluntate Deo perfectissimè placendi constantem. Coneturq; discipulos ad Sacramentorum vsum, & venerationem vehementer afficere.

12 Docebit modum Dei præsentiam ubiq; animo pertractandi.

Annotatio. Instruendi sunt Nouitij, quid Dei præsentia sit: quibus modis exercenda; quo pacto memoria retinenda: vt in eorum Instructioe notatum est. Prouidebitq; Magister remedia fratribus nostris vfitata, ad Dei præsentiam iugiter recolendam, & fragilem memoriam adiuuandam: cuiusmodi sunt funiculi brachijs religati, nodi cingulorum, & alia similia.

13 Docebit matutinam, & diurnam actuum directionem.

Anno-

Annotatio. Sic Magister diligentissimus animorum in Deum excitator; & discipulos erigendæ in Deum mentis peritissimos efficiat; ita ut actus singulos expedite in Deum referre, ac singulos in multiplices multarum virtutum fines dirigere noverint. Eo quippe studio, & exercitio, mirum est, quantopere animus inealescat, meritaq; multiplicet.

- 14 Docebit modum religiosè ac fructuosè recitandi.

Annotatio. Curet Magister animis Novitiorum modum quandam recitandi, siue psallendi verè gravem, solidum, & Ecclesiasticum imprimere. Ne scilicet in errorem illum degenerent, qui multorum animos implicuit, & capita debilia fecit. Multi nimirum officio diuino tot, tamq; multiplices, amoris, adorationis, spei, & aliarum virtutum actus admiscunt, ut vix respirandi locus supersit: atque ideò sollicitè, admodum, & inquietè officium persoluunt, & caput spirituali vitæ ineptum reddunt. Sanius consilium est, quod est Ecclesiæ menti magis consentaneum: ut nempe qui officium recitant, conceptus illos ab Spiritu sancto dictatos, & ut recitentur, & cogitentur, clericis assignatos, ita mente pertractent, ut quæ dicunt, sensu

su complecti, & affectus illis diuinis sententijs conformes excitare nitantur; paucis interdum actibus puta spei, amoris, timoris, intercalatis, qui neque certo numero comprehendantur, neque ad peculiariora quædam obiecta mentem distrahentia dirigantur. Eo quippe ipso, quod quis certum adorationum v. g. numerum, & certa quædam obiecta, puta primo versu lateris Xpi vulnus, secundo manum dextram, tertio sinistram sibi præfixit, profectò ab officio diuino grauiter, vtiliterq; dicendo longè diuertitur, & valetudini vehementer officit. Neque huic doctrinæ obstat, Nouitiorum inciticia, vtpote, qui psalmorum, & aliorum librorum Canonorum sensum non omninò capiant: nam, & partem capiunt, & hunc recitandi modum eò dirigimus, vt processu temporis omnia quę in officio diuino recitantur calere possint.

- 15 Docebit modum, quo actibus communibus interesse debent.

Annotatio. Percurret Magister communes actus, & spiritum proprium actus cuiusq; explicabit, vt exempli gratia, in Capitulo compuncti, in Refectorio temperantes, & lectioni attenti, in Recreatione hilares & modesti sint: atq; ad eum
modum

modum cæteris actibus & animos fratrum,
& corpora coaptabit.

- 16 Docebit modum agendi cum alijs Religiosis, qui sit omnino spiritualis.

Annotatio. Enitatur Magister quàm sollicitè poterit Nouitios verè spirituales efficere: vt scilicet rerum cœlestium meditatione, ac sermone delectentur. Ne videlicet, cùm colloquendi occasio se offert, statim ad res inanes ferantur, sed sponte spiritualia, quæ professionis monasticæ sunt, inter se tractent: totiusq; corporis moderatione imaginem veri Religiosi præsentent.

- 17 Docebit modum agendi cum sæcularibus, qui sit parcus, & ex hilaritate ac grauitate temperatus.

Annotatio. Monebit Nouitios ad totius vitæ cursum; vt sæcularium, quantumuis propinquorum familiaritatem, (quoad per Obedientiam licebit) tanquàm rem boni spiritus inimicam vitent. Quando verò vitari non possit, parcè, comiter, & grauius agant: semperq; illos ad pietatem verbo, siue exemplo excitare conentur.

- 18 Docebit & alia multa, quæ cùm minutiora sint, vix possunt ad capita certa reduci: è quibus multa in quarta parte tangemus. Iam verò ex Catalogo præmissis per-

spici

ſpici poteſt , quàm vigil , ac ſedulus Magiſter eſſe debeat , qui adeò laborioſam , grauem , variam , atq; difficilem culturam exercet ,

Cap. 9. De ijs , quæ in educatione Nouitiorum præſertim cauenda ſunt .

AD Magiſtri proculdubiò doctrinam pertinet non modò noſſe , quæ ſint agenda (de quibus ſcripſimus) verùm & quæ non ſint agenda , ſeu quæ ſint fugienda pernoſcere , atque monere . Et quamuis hæc penè innumera ſint : Deo tamen propitio , grauiora ex ijs ſubijciemus ; vt Magiſter in promptu habeat catalogum eorum malorum , quæ debet exterminare .

- 2 Primum malum , Infidelitas contra Magiſtrum . Malum hoc planè grauiffimum , & velut omnium malorum , quibus Monachi vexantur , origo eſt . opponitur quippe bono maximo & cæterorum bonorum origini , hoc eſt , fidei erga eum , qui perſonam Chriſti gerit , per quem quaſi per canalem quendam omnia in Nouitios fideles bona corriuantur . Expellet hoc malum
lum

Ium Magister si charitate insigni cum discipulis mitissime versetur .

- 3 Secundum malum . Sufurrus, quando scilicet Nouitij tentati alios verbis parum salutaribus perturbant : & vel suæ tentationis consortes efficiunt , vel saltem à monastica disciplina studio diuertunt . Quod certè malum ingens est , & in Nouitijs natu maioribus , cùm tentantur , frequentius solet inueniri . Huic malo succurret Magister si mox ac aliquem eiusmodi tentatione vexatum cognouerit , per se , aut per socium fidum sibi assignatum , omnia lustrat , ne alicubi ille malè affectus lateat , vbi alios inficiat : expedietq; illum multis occupationibus distingere , in locis peruijs , vbi sæpe visitetur .

- 4 Tertium malum . Licentia eorum , qui cum reliquorum scandalo , vel audacter loquuntur , vel operantur , omninoq; cum Magistro quasi luctantur . Permittit quippe Deus eiusmodi occasiones accidere , vt qui probati sunt , proficiant , & manifesti fiant . Huic malo fortiter obstandum est , & festinandum , vt qui proteruus est , alijsq; scandalo nocet , aut citò serioq; resipiscat , aut citò recedat . Corripiet ergo illum , seuerè Magister & expulsionem prænuntiabit , nisi confestim ad se redeat . Dabitq;
ope-

operam, vt Superior omnia nouerit, & iustitiam maturet. Importuna enim hic misericordia est, cuius abusu alij audere discent.

- 5 Quartum malum. Singularis familiaritas eorum, qui vel ob ingenij similitudinem, vel aliam quamuis ob causam non sine aliorum nota, occasionibus oblatis, vel quæsitis, simul versari assuescunt. Malum hoc à disciplina monastica longè distat: quocirca Magister eiusmodi familiares corripiet, & vt indifferenter cum alijs versentur iniunget. Quòd si relabantur, pœnas imponet, sensimq; augebit, donec illos abiungat.
- 6 Quintum malum. Nimia cura sui: nonnulli quippe ex ijs præsertim, qui in sæculo diu, ac molliter vixerunt, peregrina quædam dogmata de tuenda sanitate in Religionem secum ferunt, atq; seruare student. Hi sunt hostes disciplinæ monasticæ, eò sanè peiores, quò pallio sanctiore teguntur. Magister ergo illos ab hac sui cura grauitèr dehortabitur, & rigidiùs exercebit: cauebitq; vigilantissimè, ne alij eam doctrinam ediscant.
- 7 Sextum malum. Abusus charitatis, malum scilicet affine huic proximè dicto; quod accidere solet ijs, qui cùm leuiter
agro-

egrotauerint, nunquam (vt ita dicamus) conualescunt. Et inde subit tepor spiritus; orationis, chori, & cæterorum actuum odium; quasi disciplina monastica morbi causa extiterit. Accedit quòd culcitrae, & lintea, vel alias commoditates charitate christiana dignas in officinam non referunt, donec à Magistro moneantur. Atq; hi, cum otiosè discurrant, sub nondum recuperata sanitatis prætextu, socios requirunt, multisq; modis animo potius, quam corpore ægrotant. Erit ergo vigil Magister ad hos reformandos, ac suauiter in cæterorum ordinem redigendos. Visitabit hos, eorumq; cellas explorabit, ac illa velut idola commoditatum custodiæ legum inimica auferenda curabit.

- 8 Septimum malum. Nimius amor actuum minus spiritualium. Experientia quippe quotidiana compertum est, Nonitios Choristas affici ad laicorum, Donatorumve, obsequia; quantumuis laboriosa ijs præsertim horis, quibus officium diuinum recitatur, vel fit mentalis oratio: spiritu scilicet maligno instigante, vt functiones eas, quæ illorum propriæ, Deoq; proximæ sunt, tenuiter ament. Hos Magister statim ac exploratos habuerit, admonebit, & ad Oratorium, Chorumq; reducere conabitur.

- 9 Octauum malum . Audacia officiorum , occasione colorata . Passim quippe accidit , vt Nouitij , quibus ea officia iniunguntur , quæ in Magistri , vel Patrum præsentia non exercentur , penè omnia sibi licere existiment . Hinc efficitur , vt ministri infirmorum , (quod exempli gratia dictum sit) verbosi , contentiosi , immodesti , legum interpretes , per innumeras occasiones euadant . Hos ergo Magister crebrò ad se vocabit , & imparatos visitabit , ne dum alijs sanitatem afferre nituntur , ipsi grauitè decumbant .
- 10 Mala hæc , quæ ad memoriã , & diligentiam Magistri adiuuandam protulimus , alijs multis explorandis , & corrigendis viam facient . Sit igitur Magister in explorando oculatissimus , in incedendo promptissimus : vt cum Diuinæ gratiæ auxilio , quod ei proculdubiò aderit , Religionis bonum tueatur , dum Nouitios instruit , obsecrat , increpat ; & nihil sedulitatis prætermittit .





PARS QUARTA

De exercitijs, & varia Nouitiorum disciplina.



Cap. 1. *De electione ac exercitio virtutis mensuræ.*



Nitio cuiusque mensis, eliger Magister virtutem vnam, qua Nouitiorum cœtū magis ad perfectionem promouendum existimat: & ad vniuersale certamen, eam proponet, sub verbis in Nouitiorum Instructione

- etione præscriptis . Vt, si (exempli causa) oculorum licentiam inter fratres deprehendit, Virtutem modestiæ colendam proponat : & in exhortatione eius virtutis amorem, & æstimationem discipulorum animis ingenerare conetur .
- 2 Monebit in mensis illius decursu, quoties ei opportunum videbitur, ne fratres virtutem initio selectam, & commendatam, obliuioni tradant : verum de illa paranda sæpe cogitent, & medijs apposis vtantur .
- 3 Licet ad hanc virtutem designandam, communis indigentia ratio habenda sit : sæpe tamen temporis ratio habenda est ; incidentibus nempe festis solennissimis, atque coniunctis, quæ proprias, mysterijsq; debitas virtutes exposcunt . Sic intra mensem occurrentibus festis Ascensionis, Pentecostes, Corporis Christi, & alijs ad eandem proportionem Natiuitati Christi penè contiguis, curet Magister latiores virtutes assignare, quibus fratres simul festa lætissima celebrent, spirituq; proficiant .
- 4 Nauet operam, ne discipuli virtutis semel designatæ, atque ad culturam sub legitimo certamine propositæ ignari, expertesq; remaneant : ponderetq; occasionem proficiendi à Deo oblatam, & nouorum militum

militum captui attemperatam : qua, si (ut decet) utantur multiplices de virtutum agone coronas accepturi sint.

Cap. 2. De virtutis delectu per hebdomadas.

Praeter eam virtutem, quæ singulorum mensium certamini præfigitur, per singulas hebdomadas virtutibus alia ab unoquoque seligenda est : cui, ijs paucis diebus, accuratissime studeat.

12 Eligetur hæc virtus exhortationis tempore, pro cuiusq; desiderio ex antea tractæ meditatione concepto, quo in euentu, non eadem, ut ex se patet, ab omnibus eligetur : sed Magister à singulis, quam virtutem optent, sciscitabitur ; singulorumq; optatis annuet, nisi malè eligendo errent. Vel certè Magister ipse salutarem fore uniuerfis discipulis virtutem vnâ conspicuens, eam omnibus, hebdomada illa, colendam iniunget.

3 Meminerit virtuti parandæ media præscribere, & ad sanctum vtilissimi huius exercitij propositum indefessè Novitios adhortari. Ex frequentia enim electionis,

obrepat modicæ æstimationis tentatio; quæ animi vires eneruat.

- 4 Quando autem Nouitij singuli ordinatè interrogati virtutes diuersas eligent; docebit, quo pacto in eligenda virtute, indigentia propriæ rationem habere debeant: vt scilicet eam optent, quæ se magis indigere cognoscunt.
- 5 Hortabitur, vt post eam electionem, vnusquisque in propria illorum Instructio-
ne, electæ virtutis caput legat: actus notet ac diseat: rationes, quibus animus ad opus incenditur, expendat.
- 6 Studio, ac labore cuiusque per experimen-
ta probato, plerumq; expediet, vt virtutem eandem quis sapius eligat, per hebdomadas aliquot proximas; donec iterato exercitio, nonnullos, aut certè multos progressus se in ea virtute fecisse sentiat. Quod tunc præsertim expedire videtur, cum passione aliqua, vehementius infestatur. Ipsa quippe vexationis magnitudo postulat, vt remedium idem, cum appositum sit, & repetitum animam perficere possit, à Magistri quasi prudentis medici consilio identidem applicetur.

Cap. 3. De spiritualibus Novitiorum exercitijs, & præparatione ad professionem.

- 1 **M**agister dabit operam, ut omnes Novitij infra suæ probationis annum spiritualia exercitia faciant, in loco designato: ubi per dies aliquot soli morabuntur, & orationis, ac piæ lectionis pastu confirmabuntur, ad reliquam viam celerius perfectiusq; conficiendam.
- 2 Tunc accurata discussione, & intima peccatorum contritione, confessio generalis fieri poterit, nisi iusta de causa, ante id tempus facta fuerit. Atq; ad eum modum Novitij, qui exercentur puriores evadent.
- 3 Erit rationi consentaneum, ut tempus, quo Novitius quisque spiritualibus his exercitijs vacat, sit professioni proximum; ut rem tantam seorsim altè præmeditetur, & de Magistri consilio, opportunis meditationibus, & actibus ad eam se comparare studeat.
- 4 Inter alios præparationis actus, erit ad rem, formulam præparationis ad profes-

sionem, quæ in Instructione Nouitiorum habetur, per dies aliquot, ter vel quater, ex animo legere illosq; affectus seriò concipere.

5 Ijs diebus, qui exercitijs destinantur, Magister fratres ibi Deo vacantes frequenter visitabit, & rationem rerum exiget, atq; salutaribus monitis instruet.

6 Curet Magister fratres, qui exercentur, firmissimo aliquo peculiari pacto cum Deo coniungere; vt scilicet in posterum, eo pacto se obligatos sentiant, ad aliquid solito sanctius Iesu Christi amore præstandum: vt si quis (exempli gratia) verbosus, vel immodestus fuerit, ex quo cum Deo pepigit; se in posterum, tacitum, modestumve futurum, se strictissimè vinctum sentiat, & in proposito perseueret. Atq; hic certè vberimus, & ad aliorum exemplum efficacissimus exercitiorum fructus erit,

7 Sedulò curet tempus anteuertere, vt qui habent temporalia bona, & testamentum, aut aliud dispositionis genus, facturi sunt, ante postremos illos dies studio rerum internalium, & grauissimo professionis actui præmeditando assignatos, seipsos expediât. Ijs quippe diebus sæculares cogitationes non solum importunæ, sed spiritus diuini capitales inimicæ sunt.

Cap.

Cap. 4. De exercitijs ante sanctiora tempora fieri solitis.

PRæter eam animi præparationem, quæ ante solennissima festa fieri solet, mos inter fratres nostros inualuit, ut appropinquante Aduentu, Quadragesima, cursuq; illo ieiuniorum Ordinis proprio, Magister Novitios admoneat, & præscriptis exercitijs internis ac externis ad ulteriorem perfectionem comparandam opportunis præmuniat.

Diebus ergo decretis illos ad cursum, adhortabitur; & ad rem feruentius, ac fructuosius præstandam, præcipiet, ut quisque si animaduernerit, actum aliquem communem lentescere, vel obliuione sensim deleri, aut actum aliquem ad perfectionem desiderari, scripto notet, atq; ad ipsum deferat, ut perfectionem monasticam promouendam curet. At caueat, ne temerè nouos ritus inducat, vel quicquam immuter.

Per hoc tempus, ad spiritum alendum, mitti solent spiritualia certamina Magistri ac Novitiorum omnium nominibus sub-

scripta

scripta ex vno in aliud, aut alia Religionis Cœnobîa; quod ad animos æmulatione, sancta extimulandos, mutuaq; charitate delectandos plurimum ponderis habet. Hæc ergo certamina Magister obliuioni ne tradat.

Cap. 5. De officijs ad Nouitiatum spectantibus iniungendis.

1 **Q** Vanquàm ad partes Magistri pertinet, singulos Nouitios officijs omnibus instruere, vt postquam professionem emisierint, omnia, per oblatas occasiones, exercere valeant: curare tamen debet, vt ad officia nonnulla peculiari obseruatione digna non omnes promiscuè designet.

2 Huiusmodi est, Ianitoris officium, quod singularem modestiam comitatemq; requirit. Quocirca ijs, qui inter Nouitios modestissimi fuerint, hoc officium iniunget.

3 Sacristam Oratorij similiter, præuia modestiæ ac deuotionis consideratione, qua minister is præstare debet, creabit: & creato

creato cultum Beatissimæ Virginis sum-
mopere commendabit.

- 4 Hortabitur ministros, ut sedulò agant,
& ea, quæ communiter præparanda sunt,
adeò maturè expediant, ut nullus ob eo-
rum incuriam, communitatis actus retar-
detur. Quod si in eo genere negligentes
fuerint, seuerè corripiat.

*Cap. 6. De exercitio mortificatio-
nis, ac paupertatis alendo.*

1 **A**D mortificationis studium, &
cultum alendum Magister Noui-
tiorum fratres in ordinarias cul-
pas prolapsos interdum leniter
flagellabit, tergi parte modeste detecta:
atq; ad eum usum virgarum fasciculum se-
positum in Oratorio habebit.

- 2 Ad eundem finem, ordinaria mortifica-
tionis instrumenta, puta ad oculos velan-
dos, & os obstruendum, modo huic, mo-
dò illi, vel petita concedet, vel non postu-
lata iniunget. Nunc lapillum ore gerere:
nunc absque capucio coniunctis manibus,
præ Chori, vel Oratorij foribus hunc, vel
illum genuflexum per modicum tempus
orare

orare iubebit. Ac denique alia omnia, quæ in mortificationum genera morem sanctissimè inducta sunt, tueri conabitur.

3. Nauet operam, vt inter alia vniuersa, diuitem Iesu Christi paupertatem fratres colant, & æmulatione multa perenniter, adeò affectent, vt nihil in hoc mundo, ne vestes quidem, quibus teguntur, aut alia, quibus necessario vtuntur, possidere velint. Quocirca iuxta morem Religionis antiquum, vestes, libros, imagines, cellasq; frequenter mutet: ne fortè incauta iuuenum corda eiusmodi rebus nimis adhæreant, & à perfectionis cursu retardentur.

Cap 7. De exercitijs in recreationis loco, ac tempore fieri solitis.

1. **A**lat Magister vtilem illum morem Nouitios absque fastidio; erudiendi in ipso recreationis loco; vbi multa discuntur, quæ modicam animi attentionem requirunt, ac proinde minimè vexant; neque formam recreationis immutant.
2. Docebit ibi fratres in chorum duplicem discretos modum canendi Religionis conformem:

- formem : errantesq; instruet, lætaq; nonnulla admiscebit.
- 3 Docebit modum clarè, sedatè, distinctèq; legendi : qui ad commouendos animos efficax sit : vitiaq; prolationis, & accentus emendabit.
- 4 Docebit officij diuini regulas siue rubricas, ita vt Nouitij, ante professionis diem, regulas officij sufficienter exploratas habeant, quandoquidem ad officium persol- uendum vna cum professione obligandi sunt.
- 5 Docebit ibi modos plurimos vtiles simul ac lætos, standi, sedendi, incedendi; capi- tis, brachiorum, totiusq; corporis mode- rationem, prout in Nouitiorum Instructio- ne traditur.
- 6 Docebit ibi interdum nonnullas cæremonias ad ministerium Missæ, vel Chori, vel aliorum locorum attinentes, vt fratres perfectè, ac expeditè illas exerceant.
- 7 Docebit alia leuiora, quorum fratres non decet ignaros esse, vt vestes refarcire, le- gumina purgare, lintea plicare, & eius generis alia, quibus animus corpusve mi- nimè grauat. Quando verò exercitia hæc in recreationis loco sunt, caueat Ma- gister ne Nouitij capite nimium demisso taciti, ac mœsti permaneat; illosq; nonnullis

nullis intercalatis interrogationibus exhiberet. Quod æquè animaduertendum est, quoties aliquid ibidem legitur: ne scilicet Magister sinat fratres per tempus illud modicum, ita tacitos, & lectioni intentos esse, ac si concionem audirent: spiritualis quippe doctrina locorum ac temporum discrimen obseruat.

Cap. 8. De exercitijs ad valetudinem conferentibus.

EXpedit proculdubiò ad valetudinem animæ corporisq; tuendam; Nouitios varijs officijs, & attemperatis laboribus exercere. Quocirca pars disciplinæ monasticæ est, labor aliquis cum moderatione susceptus, vt ex Sanctorum Patrum historijs facile constat.

Magister ergo, cum per tempus licebit, Nouitios vel omnes, vel aliquos in hortum mittet, ad inutiles herbas euellendas, ad vias scopis mundandas, ad areas irrigandas, vel quid simile efficiendum, quo ad sanitatem exerceantur.

Idem ad proportionem iniunget, in aliquibus fabricæ occasionibus; vbi cauto, ne cum

cum secularibus loquantur, vel ne in locum extra clausuram egrediantur, per modicum temporis spatium, lapides, aut ligna comportare, vel simile quippiam exercere poterunt.

- 4 Iam verò crebrò eis iniungit Magister ministeria alia, quæ frequentiora sunt, puta Ecclesiæ pavimentum foribus clausis vertere, candelabra, & alia Sacristiæ vasa mundare; vt charitas simul, & sanitas, corporis exercitatione augeatur.
- 5 Cauebit autem, ne ijs in exercitijs lingua relaxetur, vel aliud mali genus accidat. In silentio quippe operari Regulæ nostræ, sanctio est.

Cap. 9. De Instructione Nouitiorum, quoad obsequia multa quotidiana.

- 1 **D** Et operam Magister, vt obsequia familiaria, quæ in Dormitorio, Refectorio, culina, & alijs officinis Nouitij exercent, perfectè, mundè, ac expeditè præstare discant. Quapropter Acolythos, rigatores, fricatores, & ministros alios erudiet, vt sine sordibus, officia exequantur.

- 2 Acolythos instruet, quemadmodum oleum infundere, & à maculis accuratè abstinere debeant: multa quippe indecora contingunt, huius admonitionis neglectu: vt vestes, mensæ, libri oleo perfusi demonstrant.
- 3 Rigatores docebit, quomodo, sine motibus, & discursibus incompositis aquam inspergere deceat: nonnulla enim parum decora festinatio, & sollicitudo illa parit.
- 4 Fricatores instruet, qua ratione, manicis replicatis, lintheoq; prætenso succincti, culinæ vasa extergere & à sordibus abstinere debeant; vt in loca sanctiora redeuntes non malè oleant.
- 5 Denique Magistri partes sunt, Nouitiōs omnes ad omne domesticum obsequium, instruere, & mihuta quæq; patienter, ac perseueranter inculcare: vt si, exempli gratia videat Refectorij, seu mensæ ministros, aut eos, qui domum euerrunt, scapulari pendente opus illud exequi, moneat, se præcingant, modumque cingendi doceat. Sic enim tuebitur decorem, domus Dei.

Cap. 10. De Visitatione cellarum.

- 1 **M**agistri est, Nouitiorum cellas sæpe lustrare, vt videat sit ne quid superfluum, aut diminutum, sordidum, aut incompositum, quod ingredientium oculos possit offendere. Vbi multa charitatis, & aliarum virtutum officia erga singulos poterit exercere.
- 2 Monebit, vt in cellis, tanquam in Oratorijs agant, nihilq; indecens admittant, operimenta lecti componant, vasa tecta, & munda, sub lecto abscondant, tunicas exutas donec à ministro repetantur, mundatas, & complicatas sub lecto ita reponant, vt videri non possint.
- 3 Quia verò, ex incuria, vel alijs ex rationibus fratres, sine Magistri venia in cellis habere solent leuia nonnulla, quæ rudes adhuc animos minimè vexant, cum tenuia nondum æstimare nouerint: præcipiet interdum fratribus.vniuersis, vt si quæ, absq; obedientiæ concessu, in cellis habeant, ea in recreationis locum conferant. Factoq; quodam rerum aceruo, imprecabitur

L tur

tur illi malum; ac res illas, velut anathemata quædam, seponi, ac in loco vno separato asservari iubebit, donec aliud statuatur. Ritus quippe hic (ut experientia multiplex docuit) energia pollet, ad animos sine fastidio permouendos, & obedientiæ cultum perficiendum. Meminerit verò Magister loci ac temporis, ne scilicet ullam pœnam inferat ijs, qui sponte res illas contulerunt. Satis enim actu illo execrationis in aceruum rerum prohibitarum directæ, animi in recreationis loco afficiuntur, Expletis verò diebus illius interdicti, res iam velut purgatas distribuet ijs, quos magis indigere perspexerit.

Cap. II. De fidelitate Magistri erga Religionem in Nouitijs probandis aut reprobandis.

Postquàm Magister Nouitios sedulò, ac perseueranter instruxerit, per dies octo, antequàm de illis ad professionem admittendis agatur, Patribus in Capitulo Conuentus existentibus nuntiabit, in subsequenti hebdomadæ Capitulo de hoc, illove Nouitio agendum esse: ut rem præmeditentur, Deoq; commendent;

mendent ; præuiòq; consilio , & oratione ,
suffragia ferant .

2 Quamuis verò Magister , iuxta morem ,
nostrum , Patres ex vno in aliud Capitulum
ter præmonere ac in designato Capitulo ,
quid de Nouitio sentiat , veracissimè ape-
rire debeat , quarto scilicet , Octauo , ac
decimo Nouitiatus mense ; vltimæ tamen
propositionis & fidei relationis actum ab
eo grauius , & accuratiùs exerceri debere
manifestum est . Tunc quippe res tota ver-
titur ; & summa rerum perspicuitas , veri-
tasq; requiritur .

3 Caueat ergo Magister , ne vllò humanio-
re sensu , aut malos probet , aut bonos im-
probet : grauissimè quippe communi bono
noccebit . Fides ei à cæteris Patribus habe-
bitur , qui non valent Nouitiorum inge-
nia , moresq; penitus nosse , cùm illorum
curam minimè gerant : atque idcirco bo-
num aut malum ingens , quod ex errore
probationis , aut reprobationis emerget ,
illi præsertim ascribetur , neque sanè im-
punè feret .

4 Liberè , sincerè , fideliterq; rationes pro-
ferat , quæ ab omnibus Patribus capiantur :
solamq; Dei gloriam , Religionisq; bonum
in re tam seria præ oculis habeat . Neque
veretur bonos , post adhibitam diligen-

tiam, sedulamq; culturam, occasione fide relationis, vbi aliquas eorum imperfectiones recensuerit. expellendos, aut non bonos admittendos, quamuis nonnulla eorum bona, protulerit. Decet quippe diuinam bonitatem malum adeò graue, ex occasione boni officij minimè permittere.

Cap. 12. De acclamationibus virtutum & anathematismis vitiorum.

I **Q**Uod in Capitulo duodecimo secundæ partis, dum ageremus de medijs ad promouendam perfectionem opportunis, polliciti sumus, in hoc penultimo capite, fauente Deo, præstabimus: vt Magister vel in Oratorio, vel in recreationis loco, vel alibi, vbi ei videbitur expedire, Nouitios simul exhilaret, & inflammet, atq; ad producendos perfectissimos virtutum actus impellat. Ordinis ergo ratio habeatur, vt Magistro formales actus proferente, Nouitij omnes, summa acclamatione, & cordium erectione respondeant.

Ac-

2 A C C L A M A T I O N E S.

Magister. Viuat Iesus Christus Dei Altissimi filius.

Nouitij. Viuat.

M. Regnet in æternum dulcissimus Redemptor noster.

N. Regnet.

M. Laudetur suauissimum nomen Domini à Solis ortu vsque ad occasum.

N. Laudetur.

M. Genuflectant omnia corda cœlestium, terrestrium, & Infernorum, coram mitissimo Virginis filio.

N. Genuflectant.

M. Viuat Serenissima Regina cœlorum.

N. Viuat.

M. Dominetur vniuersis Angelorum, & hominum cordibus dulcissima Virgo Maria.

N. Dominetur.

M. Laudetur formosissima filia Sion vsque ad fines orbis terræ.

N. Laudetur.

M. Ametur diuina bonitas ab vniuersis creaturis amore purissimo.

N. Ametur.

M. Conuertantur vniuersi homines ad fidem, & charitatem Dei ac Domini nostri Iesu Christi.

L 3 N. Con-

N. Conuertantur .

M. Viuat disciplina monastica Patrum nostrorum laboribus condita .

N. Viuat .

M. Viuat perfectissimus obedientiae cultus , etiamsi nos , ea de causa mori oporteat .

N. Viuat .

M. Viuat purissima castitas etiam per agones , ac sanguinis effusionem , sub vexillo candidissimae Virginis Mariae .

N. Viuat .

M. Viuat paupertas Apostolica , pretiosior omnibus mundi diuitijs .

N. Viuat .

M. Viuat suauissima virtus humilitatis , etiamsi omnem mundi despectum ferre oporteat .

N. Viuat .

M. Viuant ardentissima aeternorum bonorum desideria .

N. Viuant .

Vtatur hoc acclamationum exemplo Magister & alias , si videatur , excogitet .

3

A N A T H E M A T I S M I .

M. Maledicta sit Dei obliuio .

N. Maledicta .

M. Maledicta sit ingratitude .

N. Maledicta .

M. Ma-

M. Maledicta sit desperatio .

N. Maledicta .

M. Maledicta sit monastica disciplina relaxatio .

N. Maledicta .

M. Maledicta sit inobedientia .

N. Maledicta .

M. Maledicta sit luxuria .

N. Maledicta .

M. Maledicta sit proprietas paupertatis inimica .

N. Maledicta .

M. Maledicta sit superbia .

N. Maledicta .

M. Maledicta sit loquacitas .

N. Maledicta .

M. Maledicta sit immodestia .

N. Maledicta .

M. Maledicta sit proteruita .

N. Maledicta .

M. Maledicta sit negligentia .

N. Maledicta .

- 4 Magister ad normam horum anathematismorum, alios, pro loci temporisq; opportunitate, adijcere poterit, prout ei videbitur expedire. Dabit autem operam, ut modus acclamandi, & anathematizandi sit feruidus, concors, efficax, & ad pietatem acuendam plurimum valeat .

Cap. 13. De Magistri ad-
hortatione.

ECce, ope diuina, campum latè
patentem sumus emensi: quem,
nouellorum Dei militum Instru-
ctor, multa dexteritate, ac cele-
ritate percurrere debet. Multiplex hic
laudis, multiplex occasio palmæ, labori-
bus, & agonibus parandæ. Gloriosum est
sanè, animos in cœlestia gaudia suspiran-
tes, & omnem mundi gloriam, diuitias,
& voluptates aspernantes, regere, & per
militarem diuinæ charitatis viam, ad mo-
nasticæ perfectionis fastigium, rectâ per-
ducere. Regimen certè hoc & Deo accep-
tissimum, & Ecclesiæ toti saluberrimum,
& rectori vtilissimum est. Deo sanè pla-
cet, quia genus quoddam pinguißimi ho-
locausti diuinæ Maiestati immolatur, dum
corda hominum, qui animos, corporaq;
cultui diuino deuouerunt, excoluntur; vt
excusso vitiorum pondere, quasi pennis
columbæ deargentatæ succrescentibus, ad
Iesu Christi, dulcissimi Dei, ac Redem-
ptoris nostri amplexus festinent. Ecclesiæ
profectò toti salutem minimè vulgarem
affert:

affert : vnà quippe è nobilioribus Ecclesiæ partibus , candidatus Religiosorum exercitus foeliciter instructus ac diuinis virtutibus armatus est . Educatori verò ipsi summoperè prodest : non enim mediocria merita , sed eximia , & planè ineffabilia , functionis illius labore conquirat . Magister ergo , qui hæc omnia tot bonorum capita pensitare nouit , purissimo intuitu , Dei primùm gloriam , Ecclesiæ mox ac Religionis suæ salutem exoptans discipulos suos Apostolico affectu erudiat , arguat , obsecret , increpet , in omni patientia , & doctrina . Non illum labor , aut tedium , ab hoc opere immensorum bonorum feracissimo deterreat , vel retardet . Habet impositam tot , ac tantorum nubem testium , qui in huiusmodi opere insigniter claruerunt , vt , si rem attentè consideret , calcaribus non indigeat . Poliat viuos lapides in excelsa suauissimæ Ierusalem , quæ ædificatur vt Ciuitas structura sessuros , & amplissimo Regis Magni ædificio consensuros . Pondus est : at leue , & momentaneum , si cum æterno gloriæ pondere comparetur . Ne timeat , quasi virium defectu , oneri succubiturus : quia Clementissimus Deus , sub quo curuantur , qui portant orbem , & cui flectitur omne genu ,

nu ,

nu, strenuè conantem, & in re honestissima laborantem fulciet, solabitur, & illustrabit. Currat velociter, quia nouissima hora est: & orbis terrarum, peccatorum diluuiò mergitur. Instruat milites novos, qui aduersus aquarum impetum, pro se, ac pro reliquis Ecclesiæ filiis, animosè luctentur, & qui inculpatæ vitæ candore, tenebras sæculi dispellant. Hæc vna potissimum cura visceribus eius impressa, die, nocteq; permaneat: vt peracto cultura labore, cumulatissima præmia, quæ non licet effari, percipiat.



APPEN-



APPENDIX

DE CVRA MAGISTRI

ERGA PROFESSOS.



Cap. 1. De cultu recenter professorum.



AD officium Magistri spectat, recenter professos, quos per annum probationis rexit, excolere; & ad vltioris pfectionis cursum, occasione professionis vrgeré. Infelicitèr quippe causa Nouitiorum ageretur, si statim ac professionem emitterent, à Magistri cultura recederent.

Cùm

Cùm enim anno vno cœptam monasticæ perfectionis fabricam ordinariè non absoluant ; parùm spei de perficienda Euangelica turre superesset, si opus imperfectum, nouis conatibus non eniterentur absolvere .

2 Magister ergo discipulos suos recenter professos accuratissimè custodiat ; & ad vota solennia obseruanda , ad officium diuinum religiosè admodùm persoluendum , ad Regulæ , Constitutionum , Instructionum , cæremoniarumq; obseruationem , proposita , & expensa professionis obligatione , seriò exhortetur .

3 Caueat , ne noui professi à studio disciplinæ monasticæ , quam per annum didicere , deferueant ; neve aliquo licentiæ genere relaxentur. Nihil enim eiusmodi professis peius officit, quàm quoddam licentiæ genus, vnâ cum professione , quasi lolium cum tritico subortum . In anno quippe probationis , iudicij timore cohibiti nihil audebant, ne fortè expellerentur: emissâ verò professione , nonnulli parùm mitēs ab status securitate , licenter agendi ansam arripiunt , quasi ad altiore perfectionem inde non aspirare deberent .

4 In exhortationibus igitur , colloquijs priuatis , & occasionibus alijs , cùm professis ,

sis, quamdiù ab eo Cenobio non recedunt, æquè ac cum Nouitijs aget; nihilq; curæ solitæ remittet.

- 5 Quinetiam præter solitam curam, suscipiet aliam zelo domus Dei planè dignam. Instante quippe necessitate, professi fratres, vel foras, vti socij Patrum, ad varia negotia mittuntur, vel ad officia, quæ communicationem cum sæcularibus requirunt, domi designantur. Quæcirca noua instructione, ac vigilantia proculdubiò indigent, quæ ad partes Magistri pertinet.

Cap. 2. De instructione fratrum professorum, qui foras mittuntur.

- 1 **N**on est animus, de ijs fratribus professis agere, qui cùm ætate adulta sint, iustis de causis, quas non possumus certis legibus comprehendere, statim à professione ad res grauiores designantur. Hi quippe, tanquam viri prudentes, ac modesti, qui anno vno, spatia multa confecerint, & sine Religionis damno, negotia cum sæcularibus gerere valeant, in aliquo euentu raro, non malè ad hæc onera destinantur; & ob rerum multitudinem, ac varietatem à Magistri

gistrī cura velut excepti ad proximam Superiorum curam traducuntur. Animus igitur est, de ijs fratribus professis scribere, qui vti socij aliorum vulgò foras mittuntur.

2. Hos ergo Magister erudiet, ac modestiæ, silentijq; præsertim admonebit. Quod enim ad modestiam spectat, exploratum est, eos arctissimè obligari ad cohibendos oculos, corpusq; totum cum moderatione regendum. Nam præter cultum virtutis, cui ad propriam perfectionem acquirendam studiosius vacare debent, vbi plures distractionis occasiones ingruunt; commune Religionis bonum eos iam professos extimulare debet, ne bonum nomen aliorum Religiosorum modestia partum obscurent.
3. Quod verò ad silentium attinet, moneat Magister, vt cum Patre, quem comitantur, nisi interrogentur, verba prorsus non faciant, aut parcissimè faciant. Cum externis verò nihil prorsus loquantur, sine Patris illius venia; quæ ad necessaria duntaxat verba, non ad linguam relaxandam, concedenda est.
4. Iam autem fratres foras prodeuntes, quod ad interiorem hominem attinet, monendi sunt, vt Dei præsentiam vigilantius, quam

quàm domi, mente pertractent, neque novarum rerum curiositate se allici sinant. Experimento enim quotidiano patet, animam rerum sæcularium curiositate dissipatam, difficulter admodum sese colligere, & ad rerum cœlestium meditationem reuerti.

Cap. 3. De Instructione fratrum professorum, qui ad officia designantur.

- 1 **D**ifficile est, inter occasiones multiplices, virtutis modum mediumve tenere. Si enim, qui diu sancteq; vixerunt, sibi ab occasione timent; quis non planè fateatur, rem sanè miram esse, inter occasiones, inculpate versari? Res certè perspicua est. Quapropter Magister novos professos premuniet, ad officia sanctè gerenda.
- 2 Monebit, vt Instructiones officiorum, exactè obseruent; & siquid ibi non decretum occurrat, ad ipsum perferant, vt modos perfectè agendi præscribat.
- 3 Hortabitur ad perfectissimum modestiæ, ac silentij cultum: ne scilicet existiment, quia ad officia præstanda & loqui, & intue-
ri,

ri, necesse sit, omnem idcirco oculorum, linguæq; licentiam, sibi permitti. Pessimè quippe agent, si absque Dei timore, officijs ad eam laxitatem abutantur. Regula fit, eos ministros, sine peculiari Superioris venia, cum nemine loqui posse, ijs verbis exceptis, quæ ad expedienda negotia, necessaria sunt.

- 4 Moneat Magister vt nullum familiaritatis genus, cum externis contrahant; sed se totos Deo, & Superioribus seruent. Quod certè obtinebunt, si Dei præsentia immemores non sint, & in ijs officijs, Dei causam se agere perpendant.
- 5 Exhortetur Magister, vt comiter, ac suauiter cum externis agent: omniaq; illa sollicitè vitent, quibus animos exasperare possint. Quod sanè præstabunt, si omnia tempestiuè expedire, & personarum discrimen obseruare nitantur: quemadmodum fratres nostri, Dei gratia, consueuerunt.

Cap. 4. De spirituali professorum Instructiōe.

- 1 **I**Ta Magister professos fratres debet instruere, vt persuadeat, quicquid intra probationis annum præstitere, pro nihilo ducen-

ducendum : & à professionis die nouam ,
purio remq; vitam inchoandam . Profectò
Nouitiatus , simile quiddam est , declama-
tionum exercitio , quod serijs , publicisq;
Orationibus præmitti consuevit . Prælu-
dia sunt , quæ in anni prioris cursu fratres
exercent : status verò professorum , serium ,
graue , grandeq; opus est . Quocirca eni-
tendum est , vt quæ Nouitij præluserunt ,
iam professi perficiant .

2 Monendi ergo sunt fratres professi , vt ,
quemadmodum cœperunt , vitam ex ora-
tionis , & mortificationis studio contexe-
re , ita prosequantur ; caueantq; ne quic-
quam eorum , quæ bono animo , firmoq;
proposito exercuere , prætereant . Quæ
in re totius perfectionis monasticæ vis con-
sistit ; cum perspectum sit , bona cœpta , si
ad finem vitæ , perseuerent , tenaces obser-
uatores suos perfectos efficere .

3 Instruendi sunt , vt non modò communis ,
ac regularis vitæ fidissimi obseruatores
sint , verum etiam , vt opera supereroga-
tionis , quæ sub Magistri disciplina præsta-
re assueuerunt , constantissimè exequantur .
Hoc enim primum Angelus Satane persua-
det , vt supererogare desistant ; moxq; hoc
prælio victos ad necessariam status obser-
uationem omittendam impellit .

- 4 Magister verò seipsum his diabolicis conatibus opponat, & professos ad noua, & maiora permoueat. Ita tamen illa temperet, vt credibile sit, animos semel instructos in ea tenacitate permanfuros. Inter alia verò monita, vnum erit, vt diebus singulis, professionem renouent; alterum vt præsentiæ Dei studiosissimi sint, adhibitis memoriæ remedijs; aliud, vt certo, puta septenario mortificationum numero, se in exiguis saltem rebus, quotidie exercent; aliud denique, vt ubicumque fuerint, cum Superiore, tanquàm cum Nouitiorum Magistro versentur. Hæc quippe quatuor monita ea sunt, quæ animos eorum memores, ad monasticæ perfectionis culmen, facile perducant.

Cap. 5. De Instructione professorum, qui è Nouitiatu in alia Coenobia migrant.

Quamdiù recenter professi inter Nouitios promiscuè versantur, & eodem prorsus modo, ac illi reguntur, timendi causa non subest. Feruor quippe ille, & conceptus æmulatione calor professos alit,

& promouet: at transitus ille, ad alia Cœnobia, vbi exercitia Novitiorum defunt, non levis causa timoris est. Experientia, nempe constat, nonnullos professos, qui montes aureos polliceri videbantur, loci mutatione animum quoque mutasse, atq; à cōcepto Spiritus sancti calore deferbuisse.

2 Magister ergò hoc malum grande præcauere cupiens, professos fratres, pridie, quam migrent, aut alio tempore commodiore, prout occasio tulerit, discessuros omnes simul, aut singulos seorsim alloquatur, & amantissimè instruat. Suprema enim verba charitatis dulcedine delibuta, altius imprimuntur.

3 Commendet impensissimè quatuor illa monita proximo capite recensita: quibus nihil sanctius, vel vtilius eis tradere posse videtur. Sed quartum summa cum expensione commendet, obsecrans, vt cum aliorum Cœnobiorum Superioribus, eodem prorsus modo se gerant, ac si illi Magistri, ipsiq; perenniter Nouitij forent. Quod sanè monitum totius disciplinæ monasticæ complexio est; siue de passionibus subingandis, siue de parandis virtutibus, siue de tentationibus propulsandis, siue demique de rerum diuinarum studio tuendo sermo fiat.

M 2 Et si

4. Et si verò, quatuor illa monita ad perfectionem parandam opportuna, simulq; ad fidam diuturnamq; obseruationem prudenti mediocritate temperata videantur; salubre tamen consilium erit, novos professos peculiaribus insuper adiuuare consilijs, quæ ipsi fortasse, ex illis velut fontibus deriuare nescirent.
5. Moneat ergo Magister vt coerceant efrænem quendam affectum aliò migrandi, qui recenter professos infestare solet; vt scilicet nolint aliò discedere, nisi quatenus Deo placuerit. Moneat, vt de propria commoditate solliciti non sint, sed eo prorsus modo, ac tempore, quo abire iubentur, accepto Breuiario, Apostolico more discedant, nisi aliter Superior decernat. Moneat, vt viaticum non requirant, sed spem totam in diuina bonitate collocantes eleemosynas emendicare constituent. Moneat vt per viam alacriter, ac modestè, sine vlla contentionis imagine procedant, Instructionemq; iter agentium ad vnguem obseruent. Moneat, vt statim ac peruenerint eò, quò migrant, Superiori suo ità se totos humillimè tradant, ac si eo die, è sæculo in claustrum se abderent, & inter Nouitios recenseri inciperent. Moneat, vt nihil noui nuntient, ex ijs, quæ

alibi

alibi aguntur, nisi à Superiore interrogentur. Moneat, vt, scioli non sint, ea quæ in Cœnobio fiunt, comparatione eorum, quæ didicere, reprehendentes, vel interpretantes; sed omnia simplicissimè accipiant, suiq; curam gerant. Moneat, vt Superiori, omnia sua vel obligationis, vel supererogationis exercitia, siue ad orationis, siue ad mortificationis studium spectent, confestim aperiant; & eius sententiæ per omnia obtemperent. Moneat, vt legum, custodiæ deditissimi sint, & ad veram sanctitatem, iugi Dei præsentia, obedientiæ cultu, & sui abnegatione festinent.

- 6 Si verò aliquis è discedentibus peculiari Superioris cura indigeat, quòd sit scrupulosus, aut fragilis, aut, quouis alio tentationis genere vexetur; Magister ad Superiorem literas dabit, ac de statu rerum certiozem illum faciet, curamq; fratris illius impensè commendabit. Quibus absolutis, filios suos charissimos amplectetur, & precatus illis bona ex more dimittet.



ADMONITIO MAGISTRI

QVOD AD EXHORTATIONES.



V M in tradendæ do-
 ctrinæ methodo pars
 magna fructuosè edu-
 cationis Nouitiorum
 posita sit ; operæ pre-
 tium visum est, non-
 nulla diuersarum ex-
 hortationum exempla
 subijcere, quæ Magi-
 ster possit imitari. Meminerit autem, quæ
 in tertia Instructionis parte præscripsimus,
 & in doctrina rectè disponenda, atq; ani-
 mis discipulorum instillanda, plurimum
 operæ ponat. Superuacaneâ recidat, qua-
 lia sunt eruditio multiplex, nimia concep-
 tum conglobatio, argumenta nimis sub-
 tilia, & eiusmodi alia, quibus inutiliter,
 aut certè noxiè, tempus insumitur. Sit
 doctrina grauis, vt̃ilis, sancta, casto sed
 simplici stylo prolata, spiritu Dei anima-
 ta, vt illuminet, roboret, moueat, & ad
 cursum perfectionis animos discipulorum
 inflam-

inflammet. Sint exhortationes breues, efficaces, rationum nervis armatae. Hoc quippe modò à Nouitijs capientur, & intellectu illustrato, atque conuictò, data, consilia exercebuntur: quod utinam, pro voto, contingat.

Exhortatio ad cultum obedientiae.

Tantus est, dilectissimi fratres, obedientiae decor, utilitas, & honestas, ut si, pro rei dignitate, dicendum esset, oporteret, me singulari luce illius, qui cum esset filius Dei, obedientiam didicit, illustrari, linguamq; meam ab eodem filio Dei, qui linguas infantium facit disertas, erudiri. Immensa quippe virtutis huius dignitas, altitudo, latitudo, & profunditas est, cum totius disciplinae monasticae, & (quod mirabilius est) totius Christianae perfectionis compedium sit. Quocirca illud inprimis à vobis exposco, ut virtutem hanc nobilissimam, pro dignitate, aestimetis, & vniuersis mundi bonis anteponatis: quod ipsa vestrae renuntiationis ratio facile vobis persuadebit. Si enim rectè perpendatis, quid egeritis, cum saeculo renuntiastis, statimq;

monasticum elegistis; perspicietis profecto, nihil aliud vos egisse, quam, felici commutatione, propriae voluntati, proprioque iudicio vestro, obedientiae cultum, anteferre. Hæc est cœlestis vocatio vestra. Hæc est diuina inspiratio, qua Iesus Christus, dulcissimus Redemptor noster præuenit vos, & in claustrum introduxit, ut velut in arca Noë, in dilutio aquarum multarum, quo voluntas propria in saculo mergitur, à morte præseruemini. Si ergo hoc idem, quod ego vobis persuadere cupio, à Deo vobis inspiratum, & vltro à vobis quæsitum est; debetis certè excelsam obedientiae virtutem studiosissimè colere, & pro illius cultu, ardua quæque constantissimè superare. Quod si à me requiratis, quam ratione, tantæ virtutis cultum, ut par est, exercere possitis, per capita responderebo: quæ attentè percipite.

Qui obedientiam colere seriò cupit, omnino sibi persuadere debet, se cæcum esse, cum obedientia sit opus fidei, & eo modo secundum obtemperat, gerere debet, quo se gerit, dum fidem exercet. Quemadmodum enim dum credit, à Deo articulorum fidei rationem minimè requirit; ita vir obediens à Prælato rationem mandati nullo modo expetere debet: sed certò credere, quicquid

quid præcipitur, cœlesti sapientia plenum esse, quantumvis rationes contrariæ, vel à proprio iudicio, vel à spiritu maligno suggerantur. Atque in hoc saluberrimo documento maxima obedientiæ pars posita est, quod idcirco fratres charissimi, vestris visceribus imprimatur exopto. Certè Abraham nihil causatus est, quando iussit Deus, ut vnigenitum, ac suauissimum filium suum immolaret, cum res & summè difficilis, & fortissimis rationibus aduersa videretur: sed omnia vicit præclarissimo obedientiæ exemplo, quod monachi omnes diuinæ auctoritati cedentes debent semper intueri. Satis profectò est, Deum esse, qui per Prælatum loquitur, ut sine discussione vlla, quicumque intellectus creaturarum se ipsum, multa diuinæ sapientiæ æstimatione submittat. Hoc igitur efficit: & intellectum in captiuitatem omni mundi libertate meliorem redigentes, promptissima voluntate, quicquid præscribitur, accipite. Si enim intellectus argumento fidei flexus, & voluntas ab intellectu benè composito directâ concurrant, amplissimas obedientiæ victorias supra firmam petram fundati celebrabitis. Et hætenus quidem de affectu rectè disponendo dixi. Iam verò, si semel erga Prælatum intellectu,

ctu, ac voluntate benè affecti fueritis, reliquum est, ut in obedientiæ executione, alacres, prompti, ac fideles sitis, alacres, hilarem vultum ad omnia paratum exhibentes, prompti; nullam moram admittentes, fideles, syncerè, ad planissimum verborum sensum iniuncta obsequia præstantes. Quæ si, ut moneo, à vobis fiant, eritis perfecti obedientiæ cultores: & ego Clementissimo Deo nostro vestræ obedientiæ sacrificium gratulabor.

At res hæc, cum ardua sit, utpote, quæ proprii iudicii, ac voluntatis abnegationem complectatur, fortasse sensus vester nuper ad scholam Iesu Christi vocatus difficultatem perhorrescet. Verùm, dilectissimi fratres, ad grandia vocati, & sempiterna mercede gauisuri, ne terreamini; quin potius aduersus omnem arduitatem hisce rationibus erigimini.

Prima ratio. Vos ipsi paulò antè in sæculo, vel parentibus vel dominis obtemperabatis: cur ergo, nimis arduum videatur Iesu Christo amantissimo Deo, patri, ac Domino nostro per Superiorem loquenti obtemperare? Neque obstat, si dicatis: Nos in sæculo, cernebamur parentes, ac dominos, à quibus expectabamus bona; hic verò Iesum Christum minimè cernimus, ac pro-

propterea eo solatio destitui videmur . Non inquam hoc obstat, quia videtis Superiores mites, in vestri curam incumbentes, qui maiora vobis bona, quam domini, ac parentes proculdubio præstant. Et quod ad Iesum Christum Salvatorem nostrum, spectat, quid quæritis? An intempestivè illum præsentem hisce corporeis oculis cernere? Quid si ille dignaretur vobis apparere, ac vobiscum versari? Rogo tunc, Quanam de causa læti obediretis? Respondetis certè, si monasticè respondere velitis: Tunc, Pater, alacriter obtemperemus, quia certò cognosceremus, res à Christo nobis iniungi: Verùm ex hoc ipso capite, vos ipsos ad obediendum Superioribus accingite. Certius enim vobis est, Deum vobis præcipere, quæ Superior eius Vicesgerens iniungit, quam si Christus palam vobis appareret, ac præciperet. In ea quippe apparitione, quamvis vera foret, prudens quisque timeret, ne fortè falsa esset, iuxta communem Sanctorum doctrinam, quæ de visis discernendis tradi solet: at dum Superior loquitur, nemo, nisi stultus aliquis, ambigere potest, an Deus per eum loquatur. Considerate nunc rationis huius pondus: & quibus oculis Superiorem intueri debeatis animadvertite.

Profe-

Profectò ijsdem oculis eum, quibus Deum ipsum aspicere, & per eum omnem consolationem, lucem, robur, & bona cætera, quæ optatis, vos adepturos confidere debetis.

Secunda ratio. Vos ipsi dum in sæculo ageritis, nostis plerosq; homines infelices, durissima servitute, ad nutum obedire, in rebus planè difficillimis; & per ipsam sterilem obedientiam suam, nihil solatij, vel salutis acquirere, immo contentis itineribus ad incendium sempiternum festinare. Perpendite, remiges ad triremes damnati seu bello capti, dato signo, quàm promptè, quàm perseveranter suis magistris obtemperent. Interrogate mox, quid boni tunc obediendo conquirant, vel in futuro sæculo se paraturos sperent. Certè exploratum est, illos præsentis refrigerio carere: genusq; vitæ, quam vulgò ducunt, persuadet, illos æterna felicitàte carituros. Cur ergo asperum videatur, aut cur non suaviissimum videatur vobis, sic obedientiam exercere, ut per levia obsequia amanter vobis iniuncta, & in præsentia gaudeatis bonæ conscientie testimonio, & multiplici Dei solatio, & post exactum mortalis vitæ tempus, coronas æternas infinitæ consolationis plenas accipiat? Profectò nihil excusa.

excusationis prætexere potestis : nisi forte aliquis vestrum amore proprio excæcatus dicat , se non esse cum remigibus , aut servis bello captis comparandum . Etenim , qui hoc prætexit , cæcus est : Si enim vel vnius peccati mortalis in sæculo admissi conscientia pungat , consideret opus est , se perpetuam non triremium , sed Tartari servitutem commeruisse . Benè ergo cum coagitur , si ad obedientiæ argumentum remiges , ac mancipia proponantur .

Tertia ratio . Omnes , qui in causa salutis æternæ prudenter agere cupiunt , nihil impensius optant , quam inter vitæ mortalis varietates , in portum recto cursu deduci . Oceanus enim quidam est , vita præsens , innumeris erroribus , ac difficultatibus , quasi incertis aquarum voluminibus obnoxia . Cum ergo perspectum sit , virum obedientem , dum obtemperat , quicquid patiat , quicquid fluctuet , rectum cursum tenere , nec posse seduci ; incredibile videtur , aliquem salutis æternæ desiderio teneri , & in tutissimum obedientiæ cultum non diligenter incumbere .

Quid ultra à me reposcitis , dilectissimi fratres , qui ad patriam per varios fluctus navigatis ? In hoc verbo instaurantur omnia : Obedite Præpositis vestris . Venera-
mini

mini illos, quia Dei personam gerunt, amate illos, quia bonum vestrum strenuissime procurant. Incumbite in opus obedientiae Deo acceptissimum, vobisq; saluberrimum, Incedite per sublimem, tutamq; viam, quam factus obediens à praesepio, usque ad Crucem confecit Iesus Christus Dominus Noster, qui vos, precor, obedientiae suae consortes efficiat.

Exhortatio ad cultum paupertatis.

DE Apostolica paupertatis cultu dicturus, charissimi fratres, vellem ego Iesu Christi paupertatem praedicantis sensum & assequi, & vobis imprimere. Res certè sublimis, & à prudentia huius saeculi longè remota est: ac propterea minimè mirandum, si sapientes mundi lateat, & parvulis revelata sit. In hoc praesertim capite, Christi sententia, à mundi opinione longissimè discrepat. Mundus quippe divites beatos appellat: sed Dei Sapientia dicit: Beati pauperes spiritu, quoniam ipsorum est regnum coelorum, Ab hac ergo Redemptoris Nostri sententia ducam ego sermonis initium; simulq; vos monebo, veritatem hanc à tanto

eo præceptore prolatam non modò firmis-
simè credatis, verùm & sentire cõnemini :
Vt scilicet altè percipiatis, verum procul-
dubio esse, paupertatis cultores esse bea-
tos ; ac per hoc Apostolicæ paupertatis di-
gnitatem ; & sublimitatem & ametis, & ad-
miremini . Verum est certè, per contemp-
tũ diuitiarum, & commoditatum, ani-
mum hominis Christiani, in quandam alti-
tudinem mentis extolli, quæ cœlo contis-
gua videtur : ac experimento ediscere,
paupertatem Apostolicam, genus quod-
dam beatitudinis esse, futuræ ac perfectæ
fœlicitati finitimum . Iam ergo, cùm vos,
quemadmodum, & ceteri homines in bea-
titudinem suspiretis, æquum erit, osten-
sam beatitudinis viam diligatis, atque se-
stemini . Neque ad rem hanc extrinsecus
affixis argumentis indigebo, cùm sitis iam,
ex præiua Iesu Christi gratia, & electio-
ne, è numero illorũ, qui per os Petri di-
xerunt : Ecce nos reliquimus omnia, & se-
cuti sumus te . Certè, ex quo, spreto sæ-
culo, ad Religionis montem ascendistis,
reliquistis omnia, nisi fortè aliquis Ana-
nias inter vos Spiritui sancto ficta renun-
tiatione mentitus sit . Spero autem nemi-
nem adesse, cui non placeat omnia reli-
quisse . Quocirca de affectu repurgando,

&

& proinde de perfectiore paupertatis cultura vos instruere pergam .

Pono inprimis , culturam hanc non in ipsa rerum temporalium priuatione potissimū consistere . Nostis enim , plurimos , extra claustrum hoc , maiorem , quā vos , victus , vestium , reliquarumq; rerum penuriam pati ; cuiusmodi sunt , qui laceri , & ægroti ostiatim panem mendicant : quos tamen non recensemus in agmine illo selecto , virorum fortium qui paupertatem , Iesu Christi colunt . Necessitas quippe ibi vrget ; sed in Christianæ paupertatis cultu electio , spiritusq; laudatur . Quapropter si Christum ab infantia pauperem imitari seriò cupitis , spiritum à vobis , hoc est , voluntatem affectumve requiro : vt scilicet oderitis opes & corporis commoditates , & sanctorum inopiam omni auro pretiosiores toto corde sectemini . Percipite quæ hortor , dilectissimi fratres , & in sapientiam hanc mundo altiores assurgite . Placeat vobis doctrina hæc abscondita , quæ cordis libertatem , ac desideria cœlestia , sub laceris vestibus & mundi despectu creat : & modum illius exercendæ , in schola humilium ediscite . Ne probetis sententiam monachi apparenter spiritualis , qui nihil sibi deesse cupit , & se pauperem ideò existi-

existimat, quòd superflua minimè requir-
rat. Profectò sententia hæc Iesu Christi
Dei, ac Domini Nostri sententia parum
congruit. Si enim necessaria suppetant,
quomodo cultura paupertatis exercetur?
Certè Principes orbis terrarum, hoc ge-
nus paupertatis colunt, si mediocriter pij
sint: nam superflua non coaceruant: sed
quæ personis, statuiq; superfluum, in usus
pios impendunt. Quamobrem mirum est,
Apostolicos pauperes esse velle, qui super-
flua solummodò reijciunt. Attendite,
quæ dico. Ille verus paupertatis cultor est,
qui necessaria sibi deesse non modò patien-
ter fert, verùm & cupit. Ille verus Chri-
sti pauper est, qui è rebus necessarijs sibi
oblatis, viliores, minusq; commodas se-
ligit. Ille seriò paupertatem Apostolicam
diligat, qui occasiones captat, ut victus,
vestes, lectus, & alia, quæ inter necessa-
ria recensentur, inopiam, & derelictio-
nem repræsentent. Atque hæc ipsa ratio
est, ob quam veri mundi contemptores à
Superioribus instantèr efflagitant, ut ea,
quæ alij Religiosi tanquàm inutilia depo-
nunt, ipsis ad usum tribuant: mirumq; di-
ctum est, quam foeliciter in claustris ea
exercitatione proficiant. Hæc est schola
Iesu Christi Crucifixi, qui non habuit, ubi

N caput

caput reclinaret. Hæc est eruditio illorum, qui gradiuntur, per arctam viam, quæ ducit ad vitam. Hæc est hæreditas fortium, qui regnum cœlorum rapere, omnibus mundi ponderibus exonerati festinant.

Verumtamen, vt rem tantam, qua decet animi alacritate aggrediamini, subiectas rationes aqua lance ponderate.

Prima ratio. Quod ad res ipsas pertinet, omnes, quotquot adestis, reliquistis omnia: neque enim in claustrum quicquam intulistis, quo vteremini: sed nudi nudum Christum sequi cœpistis. Si ergo res non habetis, quas Deo inspirante respuistis: quis non videat, extremam dementiam esse, deprauato affectu, res temporales voluntate repetere? Corpus quippe omnino caret ijs rebus, & animus immoderate illas appetendo turpiter, & inutiliter errat. Neque rationis huius vis ad ea bona temporalia, quæ in sæculo neglexistis, tantummodò pertinet: in ipso enim claustro, per occasiones plurimas exercenda est. Solent enim stulti monachi tantundem affectus, in rebus planè vilissimis, quas intra claustrum habere se posse, confidunt; puta in Breuiario, seu veste rudi collocare, quantum in amplo patrimonio

in

in sæculo possuissent : quod sanè incredibilis stultitiæ genus est . Rationis ergo vis omnia refecat : nam neque ex ijs , quæ in sæculo reliquistis , neque ex ijs , quæ in clauistro sunt , à veris Christi pauperibus , quicquam optandum est : quandoquidem omnia primo renuntiationis sacrificio abdicata sunt : & nihil sub arbitrio vestro remansit , quod optare , vel vsurpare possitis .

Secunda ratio . Nemo ex vobis est , qui primæ inspirationis calore concepto , Iesu Christo , ex toto corde seruire non omnino constituerit . Cum ergo exploratum sit , vos id propositum , vt par est , explere non posse , si affectum rebus temporalibus hære sinatis , proculdubiò eniti debetis , vt cor neque rebus in sæculo relictis , neque ijs , quæ status noster concedit , adhæreat . Perspicua certè mensuræ ratio est ; quia scilicet tantum amoris Deo adimitur , quantum in re quauis immodicè collocatur , iuxta illud effatum Augustini : Minus re amat , qui tecum aliquid amat , quod propter te non amat . Considerate ergo , quam sit infœlix commutatio , affectum , qui Deo totus affigi deberet , in veste , exempli gratia , vel libro , vel lecto , vel cibo defigere .

Tertia ratio. Tempus breue est : præterit enim, vt cernitis, figura huius mundi : In breui verò temporis periodo, longum iter conficiendum est. Propterea quippe Iesus Christus, pauperum exemplar, exultauit vt gigas ad currendam viam. Quomodo ergo nudum, & currentem sequi poteritis vestiti, & onerati? Pondus rationis huius ab exemplo tanto petatum innumeros imitatores, egentes, angustiatos, afflictos, ad scholam Nostri Redemptoris perduxit : qui circuierunt orbem in melotibus, & pellibus caprinis quique in solitudinibus errantes, vel in montibus & speluncis, atque cauernis terræ omni solatio destituti, latentes maluerunt omni mundi refrigerio carere, quàm cor rerum caducarum sollicitudine anxium, à libertate filiorum Dei, & studio æternorum bonorum auertere.

Et vos ergo, dilectissimi fratres, tantam habentes impositam nubem testium, per patientiam austeræ disciplinæ, quæ magnam habet remunerationem, deponentes omne pondus rerum, quibus animus prægrauatur, currite ad opes æternas, & breui exercitio Apostolicæ paupertatis, immensa gaudia comparate. Ne sequamini vana consilia diuitis illius, qui epulabatur quoti-

quotidiè, splendide, & in terris thesauros suos recondebat. Sequimini potius consilium Lazari famelici, & laceri ac viceribus pleni; & per vias duras incommoditarum, ac laborum, qui sunt dulcissimæ paupertatis comites, ad requiem in sinu Abrahæ vobis paratam properate. Quod Iesus Christus Dominus Noster vobis, oro, concedat.

Exhortatio ad cultum humilitatis.

S L. linguis hominum loquar, & Angelorum, charissimi fratres, humilitatis altitudinem, ac suavitatem, quam Iesus Christus D. N. mitissimo magisterio docuit, non æquabo. Habet enim, profunditatem quandam cœlestis virtus hæc, filij Dei exemplo, mirificè confirmata, qua omnis sapientia, & omnis Sanctorum eloquentia vincitur, & velut in mari magno, ac spatiofo mergitur. Quocirca vellem ego, vt solo humilitatis nomine audito, diuinum quiddam, licet incognitum æstimaretis, & pretiosissimi thesauri desiderio teneremini: quemadmodum purissimum aurum terræ visceribus

occultatum sola rei fama permoti, non certe visum; sed auditum filij huius sæculi ardentissime cupiunt; & per discrimina multa, terra mariq; perquirunt. Neque mirum vobis videatur, si hoc sermonis initio, hanc humilitatis æstimationem, sine argumentis requiram: Credo enim, neminem inter vos esse, qui tantæ virtutis præconia non audierit, vel expressa saltem, Euangelij verba, quibus Iesus Christus sapientia nostra, illam commendavit, non animaduerterit. Necesse quippe est, quod Dei Sapiaentia tam seriò ac sæpe prædicavit, magnum quiddam esse; ac ex eo ipso, magni à vobis, quemadmodum à cæteris diuinæ sapientiæ æstimatoribus faciendum est. Quòd si nosse cupitis, quia ratione incognitam humilitatis magnitudinem, maximi facere valeatis, memineritis, quàm sint quotidiana argumenta, quæ humiles animos maximi à Deo fieri persuadent. Ab hoc quippe effectu de re abscondita iudicium ferre valebitis. Profectò à sæculo non est auditum, quòd vir aliquis, quantumvis flagitiosus, ac durus, se ex animo demitteret, quem Clementissimus Deus non statim amaret. Sic servus ille nequam statim ac procidit ad pedes Regis, sic filius prodigus, statim ac demisso corde

corde Patrem appellavit, sic publicanus ille statim ac demissis oculis se cepit accusare, inter dulcissimos Dei amicos admissi sunt. Quod proculdubio non ita contingeret, nisi ea esset humilitatis gratia, quæ Dei cor euestigiò caperetur, & cuius sacrificio impensè delectaretur. Quapropter diuinis oraculis admonitus, charissimi fratres, omnium, quæ in sæculo commissis erratorum veniam, & faustum nouæ vitæ nouæq; felicitatis exordium, Christi nomine vobis ego polliceor, si inter mansuetos filij Dei discipulos sublimissimam, humilitatis virtutem omnibus regnis, & honoribus antepondere, ac de illa paranda seriò cogitare incipiatis. Capite quæ dico: & multis desiderijs me dicentem comitami. Existimo enim animos vestros benè comparatos optare iam, modum virtutis huius acquirendæ cognoscere, sine quo desideria quantumuis magna euanescerent. Modum ergo hunc accipite.

Ex communi Sanctorum doctrina scire debetis, duo ad cultum humilitatis exercendum requiri: vnum propriæ fragilitatis cognitio, alterum recta voluntatis affectio est. Primum per frequentes propriæ ignorantiae, vanitatis, inconstantiae, & commissorum præsertim peccatorum medita-

tiones, cum presenti Dei ope conquiritur. Debetis quippe ex ijs capitibus, quæ hominem contemptibilem efficiunt, certò credere, vos omni despectu planè dignos esse. Nam ut cætera præteream, qui vel vnius peccati lethalis conscius est, scit profectò se æterno contemptu dignum fuisse, neque certò scit, an ab eo statu perpetuæ infamiæ obnoxio resurrexerit: præterquam quod tametsi id certò sciret, vel ex ipsa Dei clementia, vilia de se cogitare deberet, utpote, cui æterna infamia condonata fuisset: timereq; deberet, ne, si altum, saperet, in despectum sempiternum relabi sineretur. Atque ex huius rei meditatione, veri monachi, velut à supplicio & captiuitate redempti, se quasi seruos emptitios reliquorum gerunt, & cæteros omnes, quos meliores esse credunt, quasi dominos, ac honore multo dignos nutibus, verbis, & actibus venerantur: quæ pars magna scholæ Iesu Christi est: quam vos fratres mei cupidissimè discite, ac in dies singulos, vestrarum culparum experientia in cognitionis propriæ gymnasio proficite. Sæpe quippe, si vigilanter agatis, experiemini vos ignaros, inertes, ignauos, inconstantes, infideles, & tot culpis obligatos, ut faciliè perspiciatis, vos ab alijs pro nihilo

nihilo ducendos esse.

Iam verò vt ad secundum, quod ad humilitatis cultum requiri asseruimus, accedamus, consideretis oportet, non satis esse, si quis se contemptu dignum cognoscat, nisi voluntate bene affecta, se contemni omnino velit. Nam & latrones, & homicidæ se patibulo, & infamia dignos proculdubio censent: ac malè torqueri, ac despici diligentissimè refagiunt. Quocirca illud à vobis exposco, si Iesu Christi schola placet, vt quemadmodum in cognitione propria, ita in serua voluntate patienter ferendi, ac exquirendi contemptum plurimum operæ collocetis. Disertè dixi, patienter ferendi, ac exquirendi, quia nouelli milites, quales estis vos, gradus humilitatis internoscere debent. Laudabile est quippe seruorum Christi exereitium, quo illatum non verò quæsitum despectum patienter ferunt, licet initio certaminis non sine mœstitia ferant: verum maior multò laus est, non modò oblatas contemptus occasiones æquo animo tolerare, sed occasiones ipsas perquirere, & à Superioribus postulare: ac denique summa laus est, siue oblati, siue exquisitis occasionebus, despectu gaudere, quod est signum animi planè fortissimi.

Ad

Ad hanc igitur gloriam, charissimi fratres mei, totis viribus aspirate, omne illud, è quo, existimatio vestri oriri possit, accuratissime celantes, illud verò, vnde contemptus enascitur, viriliter detegere parati. Estote fortes in bello, & sicut ciues Babylonis, hoc est filij huius sæculi à suis Principibus primos honores ambiunt; ita vos à Superioribus vestris iuxta Christi consilium locum per omnia postremum requirite; vt nempe, verbis, & actibus vos tanquam vita indignos exerceant, & ad humillima obsequia designent.

At, quia res difficultate non vacat, subiectas rationes, quibus animum roboresetis, expendite.

Prima ratio. Noui ego, vos omnes aterni honoris, & gloriæ desiderio teneri. Scitis enim ijs, qui omnia reliquerunt, & Christum secuti sunt, sedes honorificentissimas in regeneratione promissas, quarum desiderium vestris animis altè vt opinor, insedit. Ea quippe promissio monachis claustra replet, deserta Anachoritis: æquumq; mihi videtur, vt ad honorem tantum ab ipso Deo propositum studia, & conatus vestros dirigatis. Agite: dirigite fortiter. Verum eius honoris viam, (quam pauci norunt) attendite. Etenim si à le-

sa Christo, cui comperta via est, sciscitemini, qua via in sedes gloriæ sit eundum, respondebit: Omnis qui se humiliat, exaltabitur. Et mirum est sanè, cum Dei Sapientia tam disertè rem prædicauerit, homines, qui sunt honoris cupidissimi, ad honorem permansurum ostensa, sibi via consequendum minimè moueri. Sed quicquid alij sapiant, Vos æternæ gloriæ candidati, hac via procedite, & paucorum sapientum, qui eam percurrerunt, vestigijs insistite.

Secunda ratio. Non modò honores æternos hac via comparabitis; verùm & præsentēs, eosq; sanè maximos. Experientia quippe constat, eos qui mundi contemptum studiosissimè inquirunt, versa vice, ab vniuersis hominibus, absque vllis inuidentijs, vel malevolentia stimulis, honorari. Cuius certè experientiæ ratio est, quia cum ab omnibus amentur; ab omnibus honore afficiuntur: Facile enim quisque honorat, quem amore prosequitur. Iam autem testatissimum est, homines corde humiles ab omnibus amari: nam (præterquam quòd nullam alijs molestiam inferunt, immò, quæ alijs molesta sunt, sibi tanquam molestia, & contemptu dignis attri-

attribuunt, unde pax multa, charitasque succrescit,) habet cor humile vim quandam humanæ feritatis domitricem, & dulcissimo quodam imperio omnium animis dominatur. Atque hæc ipsa ratio est, ob quam in monachorum claustris, Religiosi humiles ab omnibus ardentissime amantur, & cum ipsis verba facere, ac diutissime vitam agere vniuersi desiderant. Patet ergo quotidiano experimento ad præsentis vitæ honores parandos, & animos conciliandos humilitatis cultum appositissimum esse.

Tertia ratio. Animi studio humilitatis addicti, vnâ cum merito cumulatissimo futuræ gloriæ, habent in præsentī intima, & copiosissima gaudia omnibus mundi honoribus, & regnis anteponenda. Nouit hoc Dauid, qui erat humillimus corde, quando exutus, & iudicio mundi despectui habendus, præ magnitudine lætitiæ, saltauit totis viribus, coram arca fœderis Domini, & iurauit, fore se humilem in oculis suis. Nouit hoc Franciscus vir pauper, & modicus, cum quo Iesus Christus quasi luctabatur, ut eum summæ lætitiæ sensu repletet, dum enitebatur ille, se vniuersorum hominum vilissimum publica-

blicare. Certè in re hac abscondita à mundi sapientibus, ac de virtutè propria præsumptibus, solis paruulis, quasi testibus incorruptis credendum est. Et vos ergo, dilectissimi fratres tot tantorumque bonorum desiderio incensi, in suauissimæ virtutis huius cultum incumbite: & per gloriam, & ignobilitatem, per infamiam, & bonam famam, per medias contumelias, & honores, ad consortium humilissimi Iesu Christi Redemptoris nostri suspirate. Quod ipse, precor, vobis concedere dignetur.

Ecce tria exhortationum exempla, quæ Magistro satis fore censemus, vt ad formam hanc, cæteras ipse coaptet. Neque in hoc loco plura à nobis requirenda sunt, cum in Instructione Nouitiorum, quam nuper edidimus, ita de singulis virtutibus ad claustrì disciplinam spectantibus disertum sit; vt verbis paucis immutatis, capita singula, totidem exhortationes sint, quibus Magister non absque fructu vti possit. Secuimus quippe capita singula in partes tres, quarum prima virtutis cuiusque honestatem ac dignitatem ostendit, secunda illius parandæ rationem per actus internos, externosque præscribit, tertia

ratio-

206 *Instructio Magistri Nouitiorum.*
rationes ad animos vrgendos producit. ad
Prima delectat, secunda docet, tertia mo-
uet: ac proinde, quicquid ad rem hanc
pertinere videtur, illic complexi sumus.

*D. N. Iesu Christo, ac Beatissi-
mæ Virgini Mariæ laus
sempiterna.*



IN-

INDEX RERVM IN HOC LIBELLO

CONTENTARVM.

Prior numerus partem, secundus caput, tertius numerum indicat.

Actum supernaturalem non quodlibetque, sed eximium Dei auxilium requiritur. p. 1. c. 1. nu. 6.

Cellas novitiorum Magister visitet, & earum munditiam moneat. p. 3. c. 10. n. 1. & 2

Certamina spiritualia non omittenda. p. 3. c. 4. n. 3

Charitas duos actus producit. p. 1. c. 3. nu. 1

Charitatis erga proximos novitiorum magistrum studiosissimum esse oportet. p. 1. c. 3. nu. 4

Christus magistri novitorum verum exemplar, p. 1. c. 2. nu. 2.

Conversatio dulcis ad moderandos aliorum animos summopere necessaria. p. 1. c. 2. nu. 5

Quomodo cum gratitate temperanda, p. 2. c. 1. nu. 5

In Culparum correptione qualiter se gerere debeas

I N D E X.

beat Magister, p.1. c.3. n.3. & c.4. n.6. & seq.
 Culparum grauitas vnde dimetienda, p.1. c.4. n.6
 Nouitiorum culpa quandoque diffimulanda, par.
 2. c.1. num. 6.

D

Diligendi nouitios modus magistro præscribi-
 tur. p.1. c.3. per totum.
 Disciplina regularis intermissiones aliquando No-
 uitijs indulgenda, p.2. c.2. nu. 8.
 Quos fructus indulgentia hæc pariat. ibidem
 Doctrina præditus Magister esse debet, p.3. c.1. n.2
 Doctrina nouitijs tradenda qualis esse debeat, ibi-
 dem nu.3.
 Doctrinæ nouitijs tradenda varia capita. p.3. c.8

E

Exercitia quædam antè sanctiora tempora fa-
 cienda. p.3. c.4. nu.1. & seq.
 Exercitia spiritualia à Nouitijs facienda.
 Exercitia quædam ad valetudinem conferentia in-
 iungenda. p.3. c.8. n.2. & seq.
 Exhortationum methodus. p.3. c.2. n.1. & seq.
 Exhortationis faciendæ varij modi, p.3. c.3. nu.1.
 & seq.
 Exhortationum regulæ. p.3. c.5. n.1. & seq.
 Exhortationum rationem Magister à nouitijs exige-
 re

I N D E X.

re debet.

Exhortationum distributio, p. 3. c. 6. nu. 2.
 Exhortationis tempus. p. 3. c. 7. n. 1. & seq.
ibidem n. 4.

G

Morum Grauitas quomodo à Magistro cum
 dulcedine conuersionis temperanda,
 par. 2. c. 1. num. 5.

H

Humilitas virtutum cæterarum fundamentum
p. 1. c. 1. nu. 1.

Operam perdit Magister nouitiorum, nisi humilis
 esse studuerit. p. 1. c. 1. nu. 3.

Oratio à nouitiorum Magistro pro humilitate reci-
 tanda. p. 1. c. 1. n. 9

I

Incipientibus minimæ etiã culpæ, quæ pro-
 uectis non admodum nocerent, pernitiolæ,

p. 1. c. 4. nu. 10.

Instituti proprii obseruatio à Magistro nouitijs sæ-
 pe inculcanda. p. 1. c. 4. n. 12

Instructio nouitiorum quoad exercitia quotidiana,
p. 3. c. 9. nu. 1. & seq.

Ira in Magistro nouitiorum multa, & immensa
 damna parit. p. 1. c. 2. n. 5.

O

Lectio.

I N D E X.

L

Lectionis piæ multiplex fructus. p.1. c.6. n.2.
 Librorum quibus præsertim vti debet nouitiorum Magister cathalogus. p.1.c.6. nu.6

M

Magistrum nouitiorum diuino lumine illustrari oportet, si magisterij partes explere debet. p.1. c.1. n.2.
 Magistro nouitiorum tria præsertim obseruanda sunt. p.1.c.1. n.8
 Magister priusquàm nouitios mortificationibus exerceat se illis beneuolum ostendat. p.2. c.2.nu.5
 Magistro doctrina supernaturalis, & exemplum apprimè necessaria. p.1. c.2.nu.1.
 Magistri functio operosissima. p.1.c.2. nu.4
 Sine insigni mansuetudine Magister vtiliter præfesse nequit. p.1. c.2. n.6
 Singularem erga aliquem dilectionem alijs non ostendat Magister. p.1. c.3. n.7
 A Magistro cùm perturbatur correptio proroganda, p.1. c.4. nu.9.
 Curas omnes ab officio suo alienas Magister abijcere debet, & in illud omnes vires conferre, p.1. c.4. nu. 14.
 Magister Patres doctrina spirituque prouectos sæpè consulere debet. p.2. c.1. nu 2.
 Qualiter se gerere debeat Magister erga Nouitios puc.

I N D E X:

- pueros, vel adolescentes. p. 2. c. 3. per totum
- Qualiter erga nouitios maiores natu. p. 2. c. 4.
- Qualiter erga viros graues. p. 2. c. 5.
- Quomodo erga viros doctrina insignes. p. 2. c. 6.
- Quomodo erga tentatos. p. 2. c. 9.
- Singulis annis scrutinium quoddam nouitiorum
à Magistro faciendum, & cognitis singulorum
passionibus, apta remedia adhibenda traduntur
p. 2. c. 12. nu. 5.
- Magistri adhortatio. p. 3. c. 13. n. 1.
- Mala quaedam à nouitijs exterminanda, p. 3. c. 9.
nu. 1. & seq.
- Mortificationis exercitium qualiter alere debeat
magister. ibidem
- Eius erga Religionem fidelitas, in nouitijs proban-
dis, vel reprobandis, quanta esse debeat, p. 3.
c. 11. nu. 1. & seq.

N

Nouitijs insigni amoris significatione Magister,
siue valeant, siue agrotent, semper adsit,
p. 1. c. 3. nu. 12.

Nouitijs graua tentamenta Magistro reuelantes
qualiter ab ipso excipiendi. nu. 15

Nouitijs vna suae Religionis disciplina omnibus
alijs anteponenda. p. 1. c. 4. nu. 12

Post sedulam curam non serid resipiscentes noui-
tios Magister, exclusis apparentis misericordiae
rationibus, curet expelli. p. 2. c. 4. nu. 14.

O 2 Noni.

I N D E X.

Novitij sine magistri consilio cuilibet librorum quantumvis probatorum doctrinae nullatenus adbareant. p. 1. c. 6. nu. 8.

Novitij recenter ingressi duobus praesertim consilijs erudiendi. p. 2. c. 2. nu. 2.

In novitiorum ingenio, & spiritu explorando plurimum operae Magistro ponendum. p. 2. c. 1. nu. 8. & c. 7. nu. 2. & seq.

Novitiorum spiritus quomodo à Magistro dirigendus. p. 2. c. 7. nu. 3.

Novitijs à Magistro prudenter experiendi. par. 2. c. 8. nu. 1.

Novitijs maiora, quàm quae Religio praescribit, praestanda sunt, è Magistri consilio. par. 2. cap. 12. nu. 2.

Qua via ordinariè ducendi sint, p. 3. c. 4. nu. 1. & seq.

O

Obedientiam suadet. p. 4. c. 5. pag. 186.

Obedientia est opus fidei. ibidem pag. 184.

Obedientia regularis cum saeculari confertur, ibidem pag. 188.

Obediens verus seduci non potest. ibid. pag. 189.

Officia domestica qua prudentia novitijs iniungenda sint. p. 2. c. 10. n. 2. & seq.

Officia novitiatus quibus iniungenda sint, p. 3. c. 5. nu. 2. & 3.

Oratio à novitiorum magistro pro humilitate recitanda

I N D E X.

tanda.

p. 1. c. 1. nu. 9

Orationis studio magistrum deditissimum esse oportere multis rationibus probatur. par. 1. cap. 5 num. 1. & seq.

P

Paupertatem rationibus suadet, p. 4. cap. 5 pag. 194. & seq.

Paupertas non est ubi nihil necessarij deest, ibidem pag. 193.

Paupertatis verus cultor qui nam sit. ibidem

Paupertatis amorem in novitijs Magister alere debet. p. 3. c. 6. n. 3

Præparatio ad professionem. p. 4. c. 3. n. 3. & 4

Professorum fratrum qui foras mittuntur instructio. in appendice. c. 2. n. 2. & seq.

Recenter Professos magister cultura non destituat, ibidem c. 1. n. 1. & seq.

Professorum qui ad officia destinantur instructio, ibidem c. 3. per totum.

Professi à novitiorum Canobio aliò migrantes qualiter à Magistro instruendi sint, p. 4. c. 5. per totum.

Prudentia novitiorum in vno Magistro collocanda est. p. 2. c. 1. nu. 1

R

IN Recreatione novitiorum cum ordinaria, tum extraordinaria quomodo Magister se gerere

I N D E X.

- vere debeat. p. 2. c. 11. nu. 1. & seq.
 Exercitia in recreatione facienda, p. 3. c. 7. nu. 2
 & seq.
 In Recreatione culpæ perquàm raro corripiendæ,
 p. 2. c. 1 1. num. 7.

V

- V**erba Magistri suauiæ esse oportet, par. 1.
 c. 3. num. 10.
 Virtutum progressum in nouitijs quibus medijs pos-
 sit promouere Magister. p. 2. c. 12. n. 4. & seq.
 Virtus vna per singulos menses à Nouitijs commu-
 niter eligenda. p. 4. c. 1. nu. 1
 Virtutem vnâ per singulas hebdomadas singuli si-
 bi eligent. p. 4. c. 2. nu. 1
 Virtutum acclamationes vitiorumque anathema-
 tismi. p. 3. c. 12. nu. 2

Z

- Z**elus quid sit. p. 1. c. 4. n. 1
 Amoris effectus est. ibidem
 Diuino Zelo Magister æstuari debet. ibidem
 Eius potissimus fructus quinam. ibidem
 Zeli erga Nouitios exercendi capita tria, par. 1
 c. 4. num. 5.
 Zeli proprium munus quod nam sit. p. 1. c. 4. n. 11

L A V S D E O Virginiq; M A T R I.







6-3-1

